

養性存心真聖業

聖教日課

朝虔夕惕大神功

北平遣使會印字館排印

救世後一千九百三十三年

總續經

北平主教滿准

錄目

課日

一

聖教日課卷上目錄

點聖水經

三鐘經

早課小引

五拜禮

聖號經

初行工夫

感謝經

榮福經

天主經

聖母經

又聖母經

一一

三三

三三

四四

四四

五五

六六

六六

七七

七七

信經

解罪經

悔罪經

天主十誠

聖教四規

求恩經

已完工夫

五謝禮

七祈求

飯前祝文

飯後祝文

出門祝文

八

〇

一一

二二

三三

三三

六六

六六

七七

八八

九九

九九

進堂祝文	二〇	求為中國及蒙古歸	四五
灑聖水經	二〇	化誦	四五
善與彌撒規式	二〇	解罪前誦	四六
定心祝文	三六	解罪後誦	四八
榮福經	三七	求領聖體祝文	四九
求恩祝文	三八	信德經	五〇
五傷經	四〇	望德經	五一
拜五傷後俯首恭誦	四二	謙遜經	五二
神領聖體誦	四二	小悔罪經	五三
聖體聖母合讚	四三	情願經	五四
彌撒後求免時難經	四三	領聖體前誦	五五
向聖彌陀爾誦	四四	鐸德捧聖體時誦	五六

錄目

日課

三

領聖體時誦	五六	信德誦	七一
已領聖體祝文	五六	望德誦	七一
敬拜經	五七	愛德誦	七二
愛心經	五八	聖母德叙禱文	七四
感謝經	五九	向聖母瑪利亞誦	八一
祈求經	五九	奉獻中國於聖母誦	八二
奉獻經	六〇	聖母獻耶穌於主堂	
領聖體後誦	六一	祝文	八四
求神赦誦	六三	聖母同苦祝文	八四
全赦經	六五	聖母領報祝文	八五
晚課	六六	聖母往見聖婦依撒	
每晚省察要式	六九	伯爾祝文	八六

聖母聖衣祝文	八六
聖母升天祝文	八七
聖母聖誕祝文	八七
聖母聖名祝文	八八
聖母玫瑰祝文	八八
獻聖母於主堂祝文	八九
聖母無原罪始孕母胎	
祝文	八九
奉事聖母經	九〇
聖母喜樂經	九一
向聖母求潔德誦	九二
禱求聖母為死候經	九三

求聖母救急難祝文	九五
求聖母轉求加恩經	九六
聖母刺心七重苦經	九七
慶賀聖母七樂經	九九
聖母神僕祝文	九九
向聖母託付經	一〇一
託賴聖母經	一〇二
聖母冕旒十二殊恩	一〇三
聖母念珠默想規條	一〇七
聖母玫瑰經十五端	一一八
看書及行各工以	
後誦	一三七

聖母顯跡經 一三七

聖教日課卷中目錄

耶穌聖名禱文 一三八

向天主耶穌誦 一四六

向耶穌聖名誦 一四七

立耶穌聖名祝文 一四九

慶賀耶穌聖名 一四九

望復活瞻禮祝文 一五〇

耶穌復活本瞻禮

祝文 一五〇

耶穌復活第一副

瞻禮祝文 一五一

耶穌復活第二副瞻

禮祝文 一五一

卸白衣主日祝文 一五二

耶穌升天瞻禮祝文 一五二

耶穌顯聖容瞻

禮祝文 一五三

耶穌聖誕子時祝文 一五三

耶穌聖誕子時經 一五四

耶穌聖誕味爽祝文 一五五

耶穌聖誕味爽經 一五六

耶穌聖誕天明祝文 一五七

耶穌聖誕天明經 一五七

六

日課

目錄

向天主聖父誦	一五八
向天主聖子誦	一五九
向天主聖神誦	一六〇
天主聖三瞻禮祝文	一六一
向天主聖三誦	一六二
聖三光榮誦	一六三
三王來朝祝文	一六三
三王來朝經	一六四
大祈禱祝文	一六五
求天主賜佑誦	一六六
恭敬天主誦	一六七
畏懼天主誦	一六九

稱羨天主誦	一七〇
感謝天主誦	一七二
恃怙天主誦	一七三
晨興善願誦	一七四
耶穌受難禱文	一七七
聖詠	一八二
感謝耶穌為我代	
受艱難	一八四
耶穌受難瞻禮祝文	一八七
耶穌寶血瞻禮祝文	一八八
朝拜耶穌百肢誦	一八九
認己罪	一九二

五傷經規程	一九三
領聖灰誦	二〇一
聖灰禮儀祝文	二〇二
領聖枝誦	二〇三
聖枝禮儀祝文	二〇三
聖十字架禱文	二〇四
向聖十字架誦	二〇七
尋獲十字架聖架祝文	二〇九
天主聖神禱文	二一〇
聖神降臨誦	二一八
聖神降臨本瞻禮	
祝文	二一九

聖神降臨第一副	
瞻禮祝文	二二〇
聖神降臨第二副	
瞻禮祝文	二二〇
求神愛誦	二二一
聖三光榮誦	二二二
耶穌聖體禱	二二三
欽敬聖體仁愛經	二二三
耶穌建定聖體瞻	
禮祝文	二三四
耶穌聖體瞻禮	
祝文	二三四

聖心規程	二三五	恭敬聖母聖心望賜	
恭敬耶穌聖心	二三七	轉求	二五七
耶穌聖心禱文	二四〇	聖母聖心禱文	二五九
奉獻於耶穌聖心		聖母聖心祝文	二六三
祝文	二四五	聖彌額爾及諸天	
獻心誦	二四八	神列品禱文	二六四
仰賴聖心求救煉		向諸品天神誦	二七一
靈誦	二五二	向護守天神誦	二七二
耶穌聖心瞻禮祝文	二五四	向聖彌額爾天神誦	二七三
向耶穌普世總王誦	二五四	建聖彌額爾大天	
奉獻全家於耶穌		神殿祝文	二七四
聖心誦	二五五	聖母無原罪禱文	二七五

讚美聖母無玷之

經文

二八一

奉獻聖母經

二八五

向聖母求潔德誦

二八六

聖若瑟禱文

二八七

向聖若瑟誦

二九一

向聖若瑟誦

二九四

求聖若瑟為中國大

主保祝文

二九四

每日求聖若瑟為本

身主保祝文

二九五

奉獻聖若瑟祝文

二九六

聖若瑟七苦七樂經二九七

聖宗徒禱文

三〇三

向諸宗徒誦

三一二

聖瑪弟亞宗徒祝文三一四

聖史瑪爾谷祝文

三一四

聖史路加祝文

三一五

聖斐理伯雅各伯二

位宗徒祝文

三一五

聖伯多祿保祿二

位宗徒祝文

三一六

聖保祿宗徒歸化

瞻禮祝文

三一六

聖雅各伯宗徒祝文	三一六
聖巴爾多祿茂宗徒	
祝文	三一七
聖瑪竇宗徒祝文	三一八
聖西滿達陡二位	
宗徒祝文	三一八
聖安德肋宗徒祝文	三一九
聖多默宗徒祝文	三一九
聖若望宗徒兼聖	
史祝文	三二〇
聖人列品禱文	三二一
向司教聖師誦	三四〇

向為道致命聖人誦	三四一
向精修聖人誦	三四二
向童貞聖女誦	三四三
向本名聖人誦	三四四
向聖若亞敬誦	三四五
向聖婦亞納誦	三四五
聖婦瑪達肋納祝文	三四六
聖女德肋撒祝文	三四七
聖女則濟理亞祝文	三四七
諸聖瞻禮祝文	三四八
聖王類斯祝文	三四八
聖老楞佐祝文	三四九

聖斯德望首先致命

祝文 三四九

諸聖嬰孩致命祝文 三五〇

聖西爾物斯德肋

祝文 三五〇

聖方濟各坡爾日

亞祝文 三五二

聖類斯公撒格祝文 三五二

聖達尼老各斯加

祝文 三五二

聖保祿若望雅各伯

日本致命祝文 三五三

聖若望方濟各類

日斯祝文 三五三

向真福若翰嘉俾

厄爾祝文 三五四

真福方濟各克來誦 三五五

聖女嬰孩耶穌德

肋撒獻已誦 三五六

求賜神愛誦 三五七

煉獄禱文 三五九

求為在教適亡誦 三六八

求為在教已亡父

母親友恩人誦 三六九

求為凡諸信者靈

魂誦

三六九

聖殮布經

三七〇

為已亡主教誦

三七一

為已亡鐸德誦

三七二

為已亡修道會士誦

三七二

為諸已亡者祝文

三七二

達味聖王痛苦經

三七四

聖教日課卷下目錄

天主耶穌受難始末三八九

吾主耶穌念珠默

想規條

四〇八

求諸德誦

四一〇

祈求聖教大行祝文

四一一

求為教宗誦

四一二

求為主教誦

四一三

求為傳教誦

四一三

求為皇帝誦

四一四

求為官府誦

四一五

求為父母親友恩

人誦

四一五

為天下萬民誦

四一六

求為我讐誦

四一七

求免患難誦

四一七

求豐年誦	四一八
早時求雨誦	四一八
霖雨求晴誦	四一八
遇雷霆暴風迅雨	四一八
地震時誦	四一九
向聖羅格求免瘟	四二〇
疫誦	四二〇
遇流疫求止誦	四二〇
遇火災求滅誦	四二一
被誘惑時誦	四二二
看書以前誦	四二三
啟行求佑誦	四二三

遇難求忍誦	四二四
遇吉得意時誦	四二四
遇凶失意時誦	四二五
遇本身誕日誦	四二六
遇領洗原日誦	四二六
求安死誦	四二七
日備善終誦	四二八
欣勤聖事經	四二九
領主保單後衆人	四三〇
同誦	四三〇
婚配祝文	四三一
聖若翰保弟斯大誦	四三二

聖若翰保弟斯大誦	四三三
聖若翰保弟斯大	
祝文	四三四
聖依納爵祝文	四三四
聖味增爵禱文	四三五
恭敬聖方濟各沙勿畧	
九日誦祝禱文	四四〇
向天主誦	四四〇
向聖沙勿畧誦	四四一
恭敬耶穌受難誦	四四二
賀聖母無原罪之	
始胎誦	四四二

祈求祝文	四四四
聖方濟各沙勿畧求為外	
教人歸化祝文	四四五
聖五傷方濟各	四四七
助善終引	四四八
臨終禱文	四五二
臨終感謝求助誦	四六一
病時誦	四六二
終後禱文	四六三
入殮禮節	四六五
起棺	四六七
擡棺入墓安葬	四七二

爲已亡男女或幼

童安葬通用

四七三

週年或遊墳等事

通用

四七四

爲凡安息聖地祝文 四七四

安葬或到墓追思已

亡日彌撒畢祝文 四七四

聖贖畧說 四七五

每年歲暮感謝天

主誦 四七六

聖路善工 四七九

永年瞻禮表 四九八

天主聖教日課目錄

終

誦經勸語

世人自生至終。必須預備。務恒誦經。思憶天主。方克寡過。緣人爲善最難。若田不耕鋤。惡草叢生。安望秀實哉。人居塵世。如舶客泛海。必先整備帆檣。辦積糧糗。方可至欲往之處。亦猶密近敵寇。關防固守。始免受傷。是以人當誦經憶主。蒙厥寵佑。庶幾遠邪去惡。漸臻成德。又如胸中氣息。出入相繼。纔能保存生命。否則人必斃矣。夫誦經乃向天主言。謝求天主造我軀。賦我神。增益聖寵。強毅我力。明識正道。遠避異端。如是誦祈勿間。必然神受其益。如手摩香物。能沾其馨。無論赴堂居家。不可託故匆忙。必須定限一

時。安靜專誦。對越天主。昔達味聖王。國事繁劇。亦治民。亦征討。每中夜誦禱。晝工七次。人果願效聖王。恒憶天主。誦經不間。自然留心。至斯不悞。卽或事忙不暇。雖持務。及行坐寢食。俱可誦禱。但非徒口誦。必心中感念天主諸恩德。特求天主。賜我神形所需之物。使我之心。時與天主相結合。復懇聖母瑪利亞。及衆聖人聖女。代祈天主。俯允我求。亦須求天主。庇佑天下已奉教者。至於未入教者。求天主啟伊心迷。開伊神目。使之克認真主。歸從聖教。並爲煉靈代祈。求主速賜上升。



重刻弁言

總牘經本。乃教衆單用之書。茲復重刻。諸經次序。一仍其舊。維於瞻禮。而無其經。及所准四會之經。茲皆增入。以便奉誦。此外更有數端。欲使汝等知悉。一、惟此總牘經。是此方教衆通功時。當念之經。別處所來之經本。經文私念則可。決不准於通功時誦之。二、其有經文。雖善雖美。而未載於此處所准經書本內者。亦不准公誦。三、早晚課。及感謝聖體時。於所定經文。領經者不得妄行加減。務宜謹遵已定數目式樣。四、各等經文。不得改易加減一言。務當到處同風。用一樣經本。誦一樣經言。毫無分別。因一行改易。則

深有不得大赦之危險。再者。吾儕在世。當效神聖之在天。蓋神聖在天。同唱一樣之歌。讚頌天主。我等亦宜同心一口。讚美天主。此乃緊要之一端。最關余心者。故弁於此。使一屬教衆。於敬禮天主之公規。盡歸一致。爾等其凜遵焉。✠

天主降生後一千八百七十七年聖枝主日於北京救世堂

主教田類斯題

總牘經中多有禱文。經文等。未蒙教宗允准。信友誦之。不得恩赦。今將已蒙恩准之禱文列下。耶穌聖心禱文。耶穌聖名禱文。聖母禱文。聖若瑟禱文。聖人列品禱文。

鐸德捧聖體轉身向衆誦經時。衆即鞠躬拊心三次。虔誠緩誦卑污罪人。祈望耶穌二段。鐸德送聖體完回祭臺時。衆念已領聖體敬拜愛心等誦。至彌撒下臺。彌撒既完。領了聖體之人公念、一、領聖體後誦、二、感謝吾主耶穌、三、求神赦誦、四、吁至慈善。後念天主經。聖母經。聖三光榮頌。各七遍。爲得大赦。此經念得要聲音和緩。意味深長。即天主經。聖母經。聖三光榮頌七遍。亦要分班詠誦。但較前經能快些。總以一刻工夫爲則。後再念。吁瑪利亞。仰惟吾主。已完工夫。五謝禮。

聖教日課卷上

點聖水經

吾主以此聖水。滌滅我罪。逆驅邪魔。祓除惡念。

三鐘經日出正午日沒三時念

一鐘

主之天神。報瑪利亞。乃因聖神受孕。

亞物瑪利亞。云云

二鐘

主之婢女在茲。希惟致成於我。如爾之

言。亞物瑪利亞。云云

三鐘

且天主費畧降生爲人。居我人間。亞
物瑪利亞。云云

天主聖母爲我等祈。

以致我等幸承基利斯督所許之洪錫。
請衆同禱。懇祈吾主。以爾聖寵。賦於我
等靈魂。俾我凡由天神之報。已知爾子
耶穌降孕者。因其苦難。及其十字聖架。
幸迨於復生之榮福。亦爲是我等主。基

利斯督。亞孟。

凡諸信者。靈魂。賴天主仁慈。息止安所。

亞孟

早課小引

早晨初起身時。即須感謝天主。賜我一夜平安不死。又宜求天主指引。我今日能為善事。不致犯罪。即跪伏天主聖像前。畫十字聖號。誦經如左。

五拜禮 誦經起先行此禮

一拜。信天主。一概邪妄之事。俱棄絕。

二拜。望天主。保佑全赦我諸罪。

三拜。愛敬至尊至善之主。於萬有之上。
四拜。一心痛悔。我之罪過。定心再不敢
得罪於天主。

五拜。懇祈聖母。轉求天主。賜我善終恩佑。

聖號經

以十字聖架號。天主。我等主。救我等於
我讐。因罷德肋。及費畧。及斯彼利多三
多名者。亞孟。

初行工夫

伏望吾主。我等功行。寵照先之。輔翼前進。使我凡諸禱者。常自主肇。又賴主訖。爲我等主。基利斯督。亞孟。

感謝經

感謝吾主天主。庇佑我一夜平善。幸不犯罪。賜我今日生命。復見所造。美麗諸物。浩大恩德。我今日求主真光。照我神魂。指引我路。使我今日勿迷惑。顛仆。不幸得罪。是顛仆於地。主速扶救我。俾知痛悔。改過。專心憶主。賜我聖寵。恒存於

心。我心已足。不圖外物。主原教我。毋聽淫聲。毋視邪色。毋道非禮之言。毋取非義之物。毋踐非禮之地。心毋忘思。意毋忘動。惟使我憶主愛主。至死恪遵規誡。

亞孟。

榮福經

皇皇聖三。又一非二。欽頌榮福。若今茲。若永遠。及無窮世之世。亞孟。

天主經

在天我等父者。我等願爾名見聖。爾國

臨格。爾旨承行於地。如於天焉。我等望爾。今日與我。我日用糧。爾免我債。如我亦免。負我債者。又不我許。陷於誘惑。乃救我於凶惡。亞孟。

聖母經

亞物瑪利亞。滿被額辣濟亞者。主與爾偕焉。女中爾爲讚美。爾胎子耶穌。併爲讚美。天主聖母瑪利亞。爲我等罪人。今祈天主。及我等死候。亞孟。

又聖母經

申爾福。天主聖母。仁慈之母。我等之生
命。我等之館。我等之望。申爾福。旅茲下
土。厄娃子孫。悲懇號爾。於此涕泣之谷。
哀漣歎爾。嗚呼。祈我等之主保。聊亦迴
目。憐視我衆。及此竄流期後。與我等見
爾胎。普頌之子耶穌。吁其寬哉。仁哉。甘
哉。卒世童貞瑪利亞。天主聖母。爲我等
祈。以至我等。幸承基利斯督。所許洪錫。

亞孟。

信經

我信全能者。天主罷德肋。化成天地。我信其惟一費畧。耶穌基利斯督。我等主。我信其因斯彼利多三多降孕。生於瑪利亞之童身。我信其受難。於般雀比辣多居官時。被釘十字架。死而乃瘞。我信其降地獄。第三日自死者中復活。我信其升天。坐於全能者。天主罷德肋之右。我信其日後。從彼而來。審判生死者。我信斯彼利多三多。我信有聖而公。厄格勒西亞。諸聖相通功。我信罪之赦。我信

肉身之復活。我信常生。亞孟。

解罪經

籲告吾主。全能天主。卒世童貞聖母瑪利亞。聖彌額爾。總領天神。聖若翰保弟斯大。聖伯多祿。聖保祿。一切天朝聖人。聖女。及司鐸。代天主位者。我今稽首。自訟。自承。凡思言行。得罪至極。多能為善。而未之為。多能戒惡。而弗之戒。此罪之故。咸歸於我。天主臺前。痛心慘悔。我罪。心。拊我罪。心。拊告我大罪。心。拊望吾恩。保聖母

瑪利亞。望諸聖人。及諸聖女。爲祈吾主耶穌。赦我諸罪。今者昔者。解者忘者。自今而後。賜以聖寵。免我陷惡。佑我行善。挈我升天。享無限福。亞孟。

悔罪經

至仁至慈者。天地大君。統一普生。無上眞主。我重罪人。爲主所生。今因愛慕吾主。至切之情。超於萬物。衷誠深悔。以前種種罪惡。寧願失天下萬福。盡罹天下萬苦。不願稍獲罪於吾。至尊至善之主。

以後決定。堅守主命。一切棄遠。陷罪之端。至死無敢復犯。敢望吾主。念聖子耶穌。既為我等罪人。甘心受難。贖我重罪。必允我祈求。全然賜赦。佑改。恒守至死。獲享無限真福。亞孟。

天主十誡

- 一。欽崇一天主萬有之上。
- 二。毋呼天主聖名。以發虛誓。
- 三。守瞻禮之日。
- 四。孝敬父母。
- 五。毋殺人。
- 六。毋行邪淫。

七。毋偷盜。

八。毋妄證。

九。毋願他人妻。

十。毋貪他人財物。

右十誡總歸二者。愛天主萬有之上。及愛人如己。

聖教四規

一。凡主日暨諸瞻禮之日。宜與彌撒。

二。遵守聖教所定齋期。

三。解罪至少每年一次。

四。領聖體至少每年一次。

求恩經

伏望全能者天主。憐恤我等。赦我等罪。
導引我等。詣於常生。亞孟。
祈禱全能至仁天主。我等罪過。恕之解
之赦之。亞孟。
吾主今日賜保我等。無以犯罪。
吾主矜憐我等。矜憐我等。
吾主仁慈。乞施我等。如我等所望。
吾主俯聽我禱。而我號聲。希徹於主。
全能者吾主天主。賜我等。至有今日。主
之大能。拯救我等。庶幾是日。絕無至僻

於罪。思言行爲。恪奉主命。爲我等主。基
利斯督。亞孟。

天地大君。吾主天主。我等心身。百司言
行。今日賜我。正之。淑之。引之。治之。俾率
於聖教。規誠工課。望主救世者。自今迨
於無窮。扶佑我等。以庶幸救。幸脫。乃生
乃王世世。亞孟。

天主天神。領守我者。惟上仁慈。託我於
爾。今日賜我。照護引治。亞孟。
仰惟吾主。降福我等。保護於諸凶惡。導

引詣於常生。凡諸信者。靈魂賴天主仁慈。息止安所。亞孟。

已完工夫

至仁至慈天主。懇念卒世童真聖母瑪利亞。及諸聖人聖女。祝禱勳勞。俯錄我等。僕隸微績。凡我所為。或可取者。惟懇視之。其有惰行。惟寬恕之。吾主天主。乃生乃王。世世。亞孟。

五謝禮 誦經畢後行此禮

一謝天主生養照顧之恩。

二謝天主。降生救贖之恩。

三謝天主。赦罪賜寵之恩。

四謝天主。賜我進教引我升天之恩。

五謝天主。自生我等至今。無數之恩。

七祈求

一求爲聖教宗主。祈主允延德壽。化及萬方。

二求爲當今帝王官長。祈主賜以四方寧靜。五穀豐饒。

三求爲主教。併諸位鐸德。祈主賜以神

形兼佑。德化日隆。

四 求爲父母親友恩人。祈主保佑。和睦
平安。欣勤守誠。未進教者。棄邪歸正。
五 求爲諸疾病貧窮患難者。祈主賜以
安寧。化殃爲吉。

六 求爲諸異端者。祈主消滅邪妄。咸歸
正教。

七 求爲煉處靈魂。及近亡諸信者。懇祈
聖母轉求天主。寬煉往罪。蚤賜升天。
飯前祝文

天主降福我等。暨所將受於主。普施之
惠。為我等主耶穌。基利斯督。亞孟。

飯後祝文

全能者天主。所賜萬惠。我等感激稱頌。

維生維王。世世。亞孟。念天主經一遍

吾主聖名。欽頌榮福。自今而後。迄無窮

世。亞孟。

凡諸信者。靈魂。賴天主仁慈。息止安所。

亞孟。

出門祝文

吾主指我義路。示我正道。直引我步。率
遵聖語。凡諸匪義無得暴我。

進堂祝文

吾主。我仰賴重重仁慈。今陟厥庭。伏拜
於聖臺前。稱頌主名。

灑聖水經

望吾主灑我而我自潔。洗我而我自白。
白於雪。誦在天亞物各一遍

善與彌撒規式

(一)論祭衣的表意

做彌撒的神父。表的是吾主耶穌。所以做彌撒的時候。神父所穿的祭衣。樣樣都有表意。領布是表的當初惡人。用布蒙耶穌的臉。打耶穌嘴吧。叫他猜是誰打他。大白衣是表的黑落得同惡人們。給耶穌穿上白袍子。譏笑耶穌是個瘋狂人。聖索是表的惡人。在山園裡用繩索。把耶穌索起來。手帶是表的耶穌受鞭打的時候。把手拴在石柱上。領帶是表的耶穌背着十字架。惡人用鎖子。套在耶穌膊子上。在前頭拉着。神父外面披的祭衣。是表的惡人給耶穌穿的那件破紅袍。祭衣上頭有十字是表的耶穌背十字架。這是祭衣大概的表意。

祭衣分五色。就是白的。紅的。紫的。黑的。綠的。白色的。是爲喜樂日子穿的。比如耶穌聖誕。復活。升天各瞻禮。一年內聖母各瞻禮。同衆精修聖人聖女的瞻禮。常是穿白的。金黃色的。能替紅的。白的。綠的三種顏色。紅色的。是爲耶穌受苦的日子。比如尋獲十字架。耶穌寶血。光榮聖架。同衆致命聖人聖女等瞻禮。常是穿紅的。表的。是致命聖人的血色。聖神降臨瞻禮。也是紅的。表的是聖神的恩典。如同火。紫色有憂愁的意思。所以凡做補贖的時候。比如在封齋內。同聖誕前每主日。或聖人瞻禮的望日。都穿紫的。爲提醒人做補贖。預備迎接耶穌。預備過瞻禮。黑

色有憂愁悲哀的意思。如耶穌受難日。及爲亡者做彌撒。常是穿黑色的祭衣。綠色的祭衣。是平安的意思。一年之內。就是從三王來朝後。同聖神降臨後的主日內。沒有頭等或二等的瞻禱。就穿綠色的祭衣。

(二)論望彌撒的預備

彌撒這句話。是打發的意思。按聖師們講論。彌撒的意思狠深奧。解說天主聖父把他的聖子耶穌。打發到世上來。爲作祭獻。聖教會就用神父的手在彌撒裡。把耶穌獻給天主聖父。就如從前耶穌在加爾瓦畧山上把自己獻給天主。釘死在十字架上。是一樣的祭獻。所以望彌撒。

該當推開一切事物。心裡什麼也不掛念。到堂裡。心平意靜的。預備好好的望這一台彌撒。按聖教會的道理。彌撒的功勞是無限量的。望彌撒能得許多恩典。第一。熱心望彌撒。能救人的罪。第二。能免人的補贖。第三。能得所求的恩典。彌撒臨上台以前。該發許多善情。比方神父將上台的時候。從心裡向天主說。我的天主。我把這台彌撒獻與你。第一。為感謝你賞我的各樣恩典。第二。求你看這一台彌撒的功勞。饒恕我所犯的罪。並普世人犯的罪。第三。求你在賞我靈魂肉身所缺的恩典以外。我還為別人求。為我已亡或在世的父母親友恩人。我更願隨

聖教會的意思。一切當求的恩典我全都願意得。總而言之。彌撒以前將上台的時候。各樣善願都能發。不拘爲自己。或爲別人。總是越多越好。這是爲望彌撒至好的預備。下邊要講彌撒裡的禮節。爲望彌撒的人。可以隨着一塊兒默想念經。

(三)彌撒上台

神父先從祭台上下來。俯身念悔罪經。是覺着自己。寔在當不起行這個大祭獻。所以先痛悔自己的罪。用手搥胸三次。如同聖經上說的那布彼加諾一樣。○望彌撒的。這時候也該熱心念悔罪經。求天主饒赦自己的罪過。

神父上台。俯身親聖石。聖石上有致命聖人的聖匱。一邊親。一邊念。求天主因此致命聖人的功勞赦我等之罪。亞孟。

然後神父到祭台左邊。請聖號念經。那幾句經是從古經上或別的聖書上摘下來的。貼合本日瞻禮的意思。○以後神父到祭台正中。念天主矜憐我等九次。○望撒彌的。此時該懇求天主聖三。可憐普世人許多的罪惡。○神父接念榮福經。天主受享榮福於天。云云。表的是耶穌聖誕的時候。衆天神在空中奏樂。唱聖歌。讚美天主。○望彌撒的。也當從心裡。同天神們。一齊讚美天主。感謝天主。○神父轉身。向衆教友們

說(刀米女斯窩彼斯高木)這句經的意思是說。主與爾等偕焉。輔祭的答應說(哀特高木斯彼利都都哦)意思是天主亦與爾偕焉。○神父又過祭台左邊。先念一端或兩三端經。後念古經一段。或聖保祿宗徒書信。大概全是按本日瞻禮的意思。摘下來的。○望彌撒的。先該當為神父求要緊的恩典。然後為自己。連為別人。特特的是要為某人祈求。那時該為他們熱心求天主。神父念古經的時候。該當發信德。信天主的誠命道理。全是真實的。全願意用心遵守。○輔祭端經本。到祭台右邊。神父去右邊。念聖經。表的是耶穌立的新教。從如德亞國。傳到各國。○

此時教友們也隨着站起來。聽神父念聖經。聖經上的話是耶穌親口說的。衆人站起來聽。是發明我們全喜歡聽耶穌的教訓。然後在額上口上。胸前畫十字。在額上。是求天主光照我們的明悟。好明白聖經的意思。在口上。是表明我們的嘴常該說好話。讚美天主。勸勉別人。在胸前畫十字。表的是我們從心裡。信聖經上的道理。一心願意遵行。念完經後。神父到祭台當中念信經。○望彌撒的也可以自己念。發信德。信天主的道理。是真實的。念到我信其因斯彼利多三多降孕。云云。請安。是因爲耶穌。爲我們降生成人。衆人都當請安朝拜。神父又向教友說。

主與爾等偕焉。然後打開聖爵奉獻祭品。○望彌撒的衆人。一齊公念奉獻祝文。罪人罪大惡極。云云。若衆人不公念。自己私念亦可。或是往後隨着禮節。默想耶穌受難的事情。更有益處。○神父把聖爵掀開。表的是耶穌當初被惡人撕破衣裳。神父兩手捧聖盤。低頭奉獻念經。爲自己爲衆望彌撒的人。並爲亡者祈求天主矜憐。○望彌撒的。也該自己奉獻自己。比如獻自己的靈魂肉身。五官三司。全願意爲愛天主用。若你有什么麼憂苦事。願意把你的苦獻給天主。好好爲天主忍受。這樣奉獻。狠能悅樂天主。○神父往聖爵裡斟酒。又在酒裡倒一滴水。這一

滴水。表的是衆教友的靈魂。酒表的是耶穌聖血的功勞。神父兩手舉着奉獻。是把衆教友的靈魂合耶穌的功勞獻於天主。求天主洗淨衆人的罪過。○望彌撒的這個時候。該用心思想。思想纔是。○神父又洗手。表的是我們該當用痛悔的淚。洗洗我們的靈魂。預備耶穌降來。○神父到祭台當中。轉身向教友們說。兄弟們。祈求罷。爲求全能天主。收下我的同你們的祭獻。輔祭的答應說。求天主因他聖名的光榮。並爲聖教會及我們靈魂的益處。從爾手中受此大祭之禮。○神父高聲同輔祭的念經。是同衆教友讚美感謝天主。末了大聲念（桑克都斯三次）

意思是(聖聖聖)輔祭的打鈴鐺。是表耶穌當時進都城。百姓們前護後擁。大聲喧嚷讚美天主。○然後神父舉手抬頭。看祭台上的苦像。低頭俯身熱心念經。又在聖爵上畫十字。降福祭品。求天主收下。以後離成聖體越近。神父再不高聲念經。是指耶穌受難的時候到了。甘心受惡人的刑罰。毫不言語。○望彌撒的該想當時惡人鞭打耶穌。撕耶穌的衣裳。又做了一個大木十字架。着耶穌背着上山。○神父合上手。低頭默禱。按着求彌撒人的意思祈求。又爲現在生者祈求。就是爲聖教會當今教化皇。主教神父。及爲自己。親戚朋友。連在堂中望彌撒的人。一

齊全爲他們祈求天主。賞賜靈魂肉身各樣恩典。○望彌撒的。在這個時候。也該當隨着神父熱心爲自己。或爲別人祈求。纔是○神父把兩手伸開平放在聖爵上。是求天主領受這個祭獻。然後在上頭畫十字。輔祭的又打一下鈴。神父雙手拿起麵餅。念經。降福就低下頭。念成聖體的經。請安。舉揚聖體。令教衆人朝拜。然後又拿起聖爵。接念成聖血的經。舉揚聖爵。又令人朝拜。○這時候望彌撒的。該當想耶穌在加爾瓦畧山上被釘。懸在十字架上。把世上衆人的罪。全擔在自己身上。我們該怎麼樣熱心叩拜耶穌。愛慕耶穌纔是。後衆人公念。或私念至慈

吾主耶穌。云云。一邊念。一邊想着意思。啟發愛慕感謝的善情。也是很好。○神父又默念經。在聖體聖血上畫十字。然後合上手。低頭爲亡者煉靈。祈求一會兒。○望彌撒的。此時也該爲自己死過的父母。親戚朋友恩人。並爲煉獄裡沒有人爲他們祈求的那些個可憐的靈魂。熱心祈求天主。看現在祭台上耶穌的功勞救他們。○神父第二次請安後。伸開兩手。大聲念在天我等父者一遍。○這端經。是耶穌親自教給宗徒們的。我們該當想着意思。隨着神父念。神父又請安。拿起聖體。在聖爵上分開兩分。是表的耶穌在十字架上他的聖靈魂同肉身分開

就死了。又分一小塊。放在聖爵裡。是表的耶穌聖身聖血。不相離開的意思。神父請安。用手搥胸三次。念除免世罪天主羔羊者。求天主寬赦人罪。望彌撒的也該從心裡難過。求天主饒赦一生的罪過。若是預備領聖體。更要緊痛悔求天主寬恕自己的罪。○神父請安起來。要領聖體。左手拿着聖體。右手搥胸。低頭念三句經是當初那個百夫長跟耶穌說的話。主子。我當不起你進我的心裡來。你只說一句話。我靈魂的病就立時好了。一連念三次。○望彌撒的也該當同神父一塊兒念經。預備神領聖體。發愛慕盼望耶穌到心裡來的善情。倘若是預備實領

聖體。更該當從心裡謙遜自己。認自己是個大罪人。當不起耶穌到心裡來。○然後神父又請安。領聖血。後洗手。擦聖爵。又用聖幅子。把聖爵蓋上。以後在祭台左邊念經。全是感謝天主的經文。○望彌撒的。也該當用心感謝天主。想天主賞賜了得望這台彌撒的大恩典。真不是人所能得的。○神父轉身又向衆人說。主與爾偕焉。又說（衣代彌撒哀斯特）解說彌撒大祭已經完了。勸衆人好好保存這大恩典。○神父然後轉身畫十字。因天主聖三的名字。降福衆人。教友們該當低下頭。請聖號熱心領天主的降福。○神父又去祭台右邊念聖經一章。然後退

身下來。念亞物三遍。申爾福一遍。請衆同禱天主我等之護衛。及聖彌陀爾誦。○教宗良第十三位。定在彌撒後念這幾端經。爲求聖教太平廣揚。念聖彌陀爾天神誦。是求聖彌陀爾把世上的魔鬼。替我們趕在地獄裡去。別在世上擾亂我們。教皇賞念這幾端經的得許多大赦。我們該當熱心念纔是。

定心祝文

至慈之大父。共慰之天主。至恕至寬。令惟一聖子。爲救我衆。釘於十字架上。又垂諭以所獻天主最重之禮。每日復行。

於聖教會。增益我力。於惟此禮。高厚淵
微。能闡主愛。能保我等。於真福。伏惟祐
我有事者。專心致敬。庶於如是洪恩。定
受其賜。爲我等主。基利斯督。亞孟。

榮福經

天主受享榮福於天。良人受享太平於
世。我等稱頌爾。讚美爾。欽崇爾。顯揚爾。
爲爾大榮謝爾。主。天主。天地全能天主。
罷德肋主。惟一費畧耶穌基利斯督。主
天主。天主羔羊。罷德肋子。除免世罪者。

矜憐我等。除免世罪。受我等禱。坐罷德肋右。矜憐我等。蓋耶穌基利斯督。爾為惟一聖。惟一主。惟一至上。偕斯彼利多三多。與天主罷德肋之榮福。亞孟。

求恩祝文

罪人罪大惡極。無可奉獻聖父。願仰藉吾主耶穌聖體聖血功勞。以獻天主聖父。罪人罪大惡極。無可奉獻耶穌。願仰藉聖母瑪利亞功行苦勞。以獻吾主耶穌。罪人罪大惡極。無可奉獻聖神。願仰

藉諸聖熱愛衷情。以獻天主聖神。罪人專懇耶穌聖母。及聖諸人。同祈天主。加佑當今教化皇某。及天下諸聖教會。教化衍盛。異端消滅。人民清泰。國土安靖。未奉教者。普賜進教事主。已奉教者。普賜遵教立功。在煉獄者。普賜赦罪升天。遭苦難者。普賜平安得所。罪人過惡深重。未敢瑣瀆真主。總仰藉天上諸功。普世諸功。獻主臺前。求主蚤擴聖教。速救萬民。赦我等罪過。拔我等罪根。除我等

偏情。加我等力量。守誠行善。以致死後。

救我等靈魂升天。允我等祈求。滿所冀

願。亞孟。

此聖嘉祿原文。人能常誦。或彌撒中虔誦。俱蒙神效。○再念。

五傷經

一。拜右手之傷。求勇德。以輕世福。不致驕傲。祈吾主救我等身心。誦天主經。聖母經各一遍。後同。

二。拜左手之傷。求忍德。以勝世禍。不致失望。祈吾主救親友恩人。三。拜右足之傷。求勤德。以趨諸善。待升天堂。祈吾主救煉處靈魂。四。拜左足之傷。求畏德。以避諸惡。免墮地獄。祈吾主

救犯罪惡人。五。拜肋旁之傷。求愛德。上愛天主。下愛衆人。祈吾主教仇讐害我。拜畢念吾主耶穌。極珍至潔聖體之五傷。我今伏拜瞻仰。真爲耶穌所出。以贖我值之五寶。耶穌所印。以記我之五號。耶穌所啟。以盼我之五眼。耶穌所掘。以飲我之五泉。耶穌所垂。以援我之五綆。耶穌所備。以升天之五門。所以我今懷念深想。不能不心痛衷熱。感激吾主耶穌。贖我記我。盼我飲我。援我升天。若此之莫大恩功。懇求吾主耶穌。不以我辜恩大罪。絕我棄我。干犯聖誠。而自失此極珍至潔五寶。五號。五眼。五泉。五綆。五門。無窮之大益。亞孟。

拜五傷後俯首恭誦

懇祈吾主耶穌基利斯督。念我為爾所造。為爾所贖。今世所獲美善。後世得望榮福。皆爾洪錫。特為爾無限仁慈。求爾鎔化我心。拔我諸情於諸世物。吾主亦真天主。亦真人者。爾既仁厚無比。我何德薄如此。爾既為愛我而受死。我何敢不愛爾而偷生。伏望還降聖寵。佑我仰酬大恩。以愛還愛。以死還死。 亞孟。

神領聖體誦

吾主我切望領聖體。使我神魂。與聖體相依。誠怨罪愆。不能滌淨。不敢輕領。祈吾主啟我。改過遷善。將來定要求領。沾無極寵恩。專心冀願。若

恭領者然。亞孟。

又念

救世之天主救我等。

五遍。

又念

聖體聖母合讚

吾主至聖之體。我等願常為讚美。又吾眾共尊之母。卒世童貞聖母瑪利亞無原罪之始胎。並為讚美。亞孟。

彌撒後求免時難經

聖母經三遍。申爾福一遍。

請眾同禱

天主我等之護衛。我等之神力。俯聽爾聖教會。虔切之祈禱。並因極榮無染原

罪始胎。天主聖母童貞瑪利亞。及大聖若瑟。與爾宗徒聖伯多祿。聖保祿。及諸聖人之轉達。懇賜我等。俾能實獲在此諸難中所謙求之惠。爲我等主耶穌基督。利斯督。亞孟。

向聖彌爾爾誦

聖彌爾爾。總領天神。護我等於仇敵。助佑我等。以勝惡魔之奸計。懇祈天主。命魔遠退。爾大天神。天軍之帥。以主神力。將娑殫及遊行於世。以害人靈之惡魔。

盡驅入於地獄。亞孟。

求爲中國及蒙古歸化誦

吾主耶穌基利斯督。人類惟一救世者。爾之統御。已達於四海。及川流所至。懇祈開爾至聖慈心。憐念中國及蒙古。尙在死亡幽暗中。可憫之輩。賴爾至仁。無染原罪之母。童貞瑪利亞。及聖方濟各沙勿畧之轉達。俾皆捨棄邪神。歸返爾之聖教會。欽奉爾爲眞主。乃生乃王。世世。亞孟。念天主經。聖母經。聖三光榮誦。各一遍。

教皇恩准凡熱心誦此經者。爲中國及蒙古聖教廣揚。每次得三百天大赦。又凡一月之久。天天誦此經。並辨告解領聖體一次。熱心朝拜聖堂。按教皇之意祈求者。可得全赦。此大赦均可讓於煉靈。

凡主日。及諸瞻禮之日。彌撒後。求爲聖教廣揚。公念祈求聖教大行誦。天主經。聖母經。已完工夫。五謝禮。各一遍。

解罪前誦

天主。生我。養我。賜我靈魂。具備明悟。愛欲。記念。三司。肉軀。五官。以至入教。種種

洪恩。我雖得罪。寬俟至今。容我改過。我乃大罪棄人。他人猶愈於我。主即施以刑罰。主爲我罪惡。降世爲人。受多苦難。我實下愚。不知報本。主愛我。視我猶子。我不能視主猶父。每甘爲魔役。我如此背逆得罪。今叩首下地。不敢仰面。專心求主。賜我能誠心痛悔。望主受我。論我頑惡。本宜不受。但念爲主所生贖。懇主受納。伏望仁慈。加我矜憐。主若棄我。我將呼誰。我有疾傷。主能療我。我之盲瞽。

主能開明。我靈罪死。主赦我罪。能賜聖寵復活。至異日見主於天上。偕神聖享永福。我今涕泣呼主。勿計我前犯。視我如昔。聖伯多祿哀悔。主即赦之。伏祈憫我佑我。俾我神健。懇求仁慈聖母瑪利亞。光照我神。明見我罪。庶我勿忌羞赧。向司鐸實告我罪。亞孟。

解罪後誦

吾主耶穌。潔淨之泉。義德之源。仁慈之海。聖經云。渴者來飲。重任者來轡。主言

眞實。我久懷義德之渴。負重罪之任。因趨赴告解聖事。渴者能飲。任者能贖。望主無際仁慈。賜我全赦。加我神力。保存潔淨。忻慕義德。遠棄罪逆。緣引。克勝三讐叢計。專務補缺。事事翕合。主旨。承行聖命。亞孟。

求領聖體祝文

維茲聖體。領之何爲。耶穌聖身。聖血靈魂。無不俱備。聖父聖子。聖神。允咸赫臨。重罪之人。何容妄領。但吾主勸諭。領者

必獲天堂常生。又何敢不領。今我神糧
 匱乏。力量虛微。願滌我心。願堅我德。慎
 我言動。行我苦功。提正抑邪。心切神領。
 庶幾鑒此微誠。不嫌愚蒙。特賜實領。臨
 格我心。常存寵照。亞孟。

信德經

天地大君。救世者主。不棄我等卑污。願
 進我心中。似此莫大榮施。我等如何敢
 當。祇因耶穌聖言堅確不移。故我實信
 聖體中。即具當日降生於馬槽。後被釘

於十字架上之肉軀寶血。全全降臨。今我目雖不見。較之所見更真。我信吾主不離天堂。我信吾主亦寓麴形內。我信吾主聖體光榮。充滿我心。我信吾主聖體寵佑。增我神力。懇祈自今而後。結合我心。時時無間。永加我之信德。亞孟。

望德經

至仁至慈之主。救我靈魂。以爾尊貴之身。全全愛結於我。如是大恩。且無所吝。更有何恩。不願賜我。懇祈天主全知。永

照我等罪人。我甚貧窮。望其濟我。我甚
軟弱。望其扶我。我之心思。慮易致搖
動。望爾自今以後。堅我勵我。主持我心。
使我常聽主訓。行善至死。全賴吾主耶
穌。基利斯督。允我所望。 亞孟。

謙遜經

天地大君。至仁至慈之主。我固常望寵
佑。但我返心自問。真大罪人。真卑賤人。
物雖無功。亦無其罪。我爲物靈。反常得
罪。我實愧悔無地。焉敢輕領耶穌至潔

之體。今惟賴主仁慈寬容。赦我諸罪。以爾聖寵。賦於我之靈魂。俾我常遵主命。克除傲念。效爾謙德。以後勉力爲善。再不爲惡。迨至死期。庶得目睹天主之聖容。亞孟。

小悔罪經

天主耶穌。基利斯督。我重罪人。得罪於天主。而今爲天主。又爲愛天主。萬有之上。一心痛悔我之罪過。定心再不敢得罪於天主。望天主赦我之罪。亞孟。

情願經

吾眞主。吾恩主。生養救贖吾儕。願復進
我心中。加我靈佑。我實愛慕至切。時常
想望。願得恭領聖體。以爲我心之託。我
罪之赦。我弱之助。我力之策。但我罪惡
至極。恐致褻瀆。今惟賴聖母瑪利亞。護
守天神。本名聖人。及一切天朝聖人。聖
女。以其勳勞。補我所行之缺。代我轉祈
聖父。罷德肋。以其所愛之子耶穌。結合
我心。滿我所願。亞孟。

領聖體前誦

聖人若翰。自胎時爲聖。嘗謙言曰。罔敢與主釋屣帶。聖伯多祿宗徒之長。尙曰。吾主耶穌。當遠我。勿近我。我乃大罪人。二大聖人。如此謙遜敬畏。我且如何。我罪惡彌身。曷敢近主。主降世時。療痊聾瞽瘡疾諸人。命死者復活。每與罪人言談坐食。我常得罪。猶如聾瞽瘡疾。如死者然。求主療我。活我。望賜聖體。但我罪人何敢望領。因主昔有遺言曰。人若不

領主聖體。罔能生活。乞賜領受。亞孟。

鐸德捧聖體時誦

鐸德捧聖體。轉身向衆誦經。即鞠躬拊心三次。恭敬虔誠祝誦

卑污罪人。辱主降臨我心。曷以當之。伏惟吾主。特降一命。我心諸疾。必全愈矣。

領聖體時誦

祈望耶穌靈魂聖我耶穌聖體救我耶穌聖血淨我。

已領聖體祝文

我謝天主。我感天主。今日臨我胸中。比
死後援我升天。厥恩更親。厥功更大。我
今永時永日永歲。常憶天主救贖之奇
愛。常思聖母敬供之隆情。常如三王來
朝之盛禮。周日存想。一生不變。庶得天
主。常存我心。常持我口。常保我身。亞孟。

敬拜經

吾主耶穌。以爾聖身。降我心中。我今俯
伏恭向。敬拜爾恩。欽崇爾德。深謝爾以
全能變化。永留聖體。大祭於人間。俾我

等常荷神佑。即合天朝神聖。天下人民亦難報於萬一。懇求吾主耶穌。恕我卑踐。補我虧缺。令我時發熱愛。仰慕天上光榮。讚揚我主無對之尊。亞孟。

愛心經

吾主耶穌。以爾聖軀寶血。願作我等神糧。耶穌聖心。愛我至切。我今以愛還愛。以心體心。以後定志改遷。遵守規誡。補贖所犯罪過。至死不敢負恩。負愛。懇求吾主耶穌。賜我熱愛之火。以熱我心。

亞孟。

感謝經

吾主耶穌。生我養我。救贖於我。今復斂其光榮。以爾尊貴之體。降臨我極污心中。生活我之靈魂。我實感恩無盡。願同天下萬民。稱頌吾主之洪恩。亞孟

祈求經

吾主耶穌。基利斯督。懇求耶穌之聖靈佑我。懇求耶穌之聖身救我。懇求耶穌聖傷之血潔淨我。懇求耶穌之苦難聖

死。堅我勵我。嗚呼。伏望仁慈之主。垂允
我禱。勿棄我。勿拒我。救我於諸讐諸惡。
凡我親戚朋友。亦求主加之。聖寵神佑。
改邪歸正。迨至死後。俾我等獲睹天主
光榮。同諸天神聖人。常享永樂於無窮。

亞孟。

奉獻經

吾主耶穌。賜我聖身聖血。常存我心。我
固時感時謝。但我罪人。無功無力。無可
奉獻於主。懇求吾主耶穌。憐我直誠。納

我所獻。我願將靈魂肉身。三司五官。全
獻於主。奉獻明悟。願明天主奧理。奉獻
記念。願想天主經言。奉獻愛欲。願常熱
愛於天主。自今而後。獻我目。不觀非禮
之物。獻我耳。不聽非禮之言。獻我口。不
出非禮之聲。獻我心。不動非禮之念。統
獻一身。願用恭敬天主。懇求吾主耶穌。
加我神力神勇。亞孟。

領聖體後誦

至仁至慈天主。我受主無極恩惠。無可

稱謝。我重罪多惡。思言行爲。無不得罪。身神污穢。主不但不罰我。更寬裕待我。純切動我。悔恨前愆。改遷無怠。更忘我罪。容我近主。領主聖體。令我神內。得懷上天下地。無比珍美。主在世時。凡誠心近主。無不取益。適願。有罪者被化。改惡遷善。病者獲愈。憂者獲慰。苦者獲安。愚者獲明。今蒙主仁慈。得我罪之赦。我病之愈。我憂之慰。我苦之安。我愚之明。主在我心。爲我心主。求主常居。勿棄我。以

主聖意爲我心志。庶恒懷主。須臾不離。善生安死。偕主享主。至於無窮。亞孟。感謝吾主耶穌無價真寶神糧。賜助神力。免陷罪惡。易走天堂之路。

求神赦誦

永頌光顯。德能榮福。於凡受造之物。願歸至聖不可分之聖三。及耶穌基利斯督我等主被釘十字架之人性。與至聖至榮童貞聖母生育之胎。及天上一切天神聖人。我等望得諸罪之赦。世世。亞孟。



全赦經

凡人領聖體後在苦像前虔誦此經教宗必約第七位准得全赦

吁至慈善。極甘飴之耶穌。我今跪伏爾前。我靈最熱最切。祈求爾。望爾將堅信切望。熱愛之真情。及悲切痛悔我罪。定志。悛改之寔意。銘刻我心。而我心極切極痛。默思仰望爾五傷之時。我即念達味聖王口中論爾之預言。斯眾鑽吾手。穿我足。數我諸骸骨。 亞孟。

念天主經聖母經聖三光榮頌各七遍

晚課 每晚將臥時拜天主 五拜禮 聖號經 初行工夫

晚課

感謝吾主天主。庇佑我一日平善。幸不
犯罪。賜我今夜生命。浩大恩德。我今求
主。使我今夜。勿迷惑顛仆。不幸得罪。是
顛仆於地。主速扶救我。俾知痛悔改過。
專心意主。賜我聖寵恒存於心。我心已
足。不圖外物。主原教我。心毋妄思。意毋
妄動。惟使我憶主愛主。至死恪遵規誡。
亞孟。

皇皇聖三。又一非二。欽頌榮福。若今茲。若永遠。及無窮世之世。 亞孟。又誦

天主經 聖母經 又聖母經 信經 解罪經

悔罪經 天主十誡 聖教四規

伏望全能者天主。憐恤我等。赦我等罪。導引我等。詣於常生。 亞孟。

祈禱全能。至仁天主。我等罪過。恕之。解之。赦之。 亞孟。

晝光未盡。祈造物主。以常仁慈。伏垂護佑。夜中邪夢惡像。祛逐絕遠。亦圍我讐。

免穢我身。伏望全能者。罷德肋。允錫所求。爲我等主耶穌。基利斯督。其偕爾偕斯。彼利多三多。均生均王。世世。亞孟。吾主救我寤者。保我寐者。以致寤者。幸偕耶穌。寐者得享安靖。

吾主護佑我等。如目眸者。庇廕我等。於厥翼下。吾主今夜賜保我等。無以犯罪。吾主矜憐我等。矜憐我等。廣施仁慈於我等。覆庇身神。並獲安和。懇祈吾主。照臨此室。仇讐萬計。從此遠

驅爾天神者。寓之。乃以安寧。保守我等。
聖寵聖福。永錫我等。為我等主。基利斯
督。亞孟。

天主天神。領守我者。惟上仁慈。託我於
爾。今夜賜我照護。引治。亞孟。

伏惟全能至仁天主。罷德肋。及費畧。及
斯彼利多。三多。降福保全我眾。亞孟。

誦右經畢。又須求聖母瑪利亞。及諸
聖人。諸天神。代祈天主。允我祈求。

每晚省察要式

一。奉謝天主。為其從前。所賜公恩。私恩。

及當日之恩。

一。祈求天主。降我聖佑。賦我真光。令得
識己罪。而深惡之。

一。嚴求諸己。當日得罪天主。或以思。或
以言。或以行。或以缺。密審其習惡。而
痛斷之。

一。伏乞天主。凡有所犯罪過。一切赦之。
一。決定以後。賴天主扶佑。必改諸惡。又
立志以時解之。

省察畢 誦天主經 聖母經 已完工夫
五謝禮 聖號經 點聖水經 各一遍

信德誦

吾主天主爾至真實。不能虛言。爾又全知。不能舛錯。我爲此信爾是真天主。一體三位。造世贖世。賞善罰惡之大主宰。爾曾許聖教會內。聖神常在。訓誨啟迪。是以永不能錯。所有各端道理。皆爾默啟。如爾親口所言無異。我爲此堅心全信。我並願証此信德。雖被萬死不辭。
亞孟。

望德誦

吾主天主。爾至忠信。既許必踐。爾又全能。能踐所許。兼又極慈。肯賜所許。我爲此賴爾聖子之功。望爾全赦我罪。寵佑至終。獲登天國。永享見爾。如爾聖子所許。亞孟。

愛德誦

吾主天主。因爾從無生我。安養保存。頃刻無間。又降生救我。受難贖我。况爾本性自有無窮美善。可愛無比。爲此愛爾在萬有之上。及爲爾愛人如己。而愧悔。

我罪。立志不敢再犯。 亞孟。

信望愛三德。原是奉教之根。凡教友欲走天堂路。宜日日發此心。誦此經。至於領聖體時。或臨終時。更爲緊要。 天主降生一千七百五十六年。教宗本篤頒行新恩。 凡教中人。每念信望愛三誦一次。得七年二百八十日大赦。 若於一月之內。每日念此三誦。不致間斷。准本人自己擇日告解。領聖體。可得全赦。 以上大赦。亦可讓於煉靈。誦此經者。當照舊規。爲聖教祈求。 在世上恒誦此經。臨終復得全赦。

聖母德敘禱文

啟 天主矜憐我等。

應 基利斯得矜憐我等。 天主矜憐我等。

啟 基利斯得俯聽我等。

應 基利斯得垂允我等。

啟 在天天主父者。 應 矜憐我等。

贖世天主子者。

聖神天主者。

三位一體天主者。

啟 聖瑪利亞。 應 為我等祈。

天主聖母。

童身之聖童身者。

基利斯得之母。

天主寵愛之母。

至潔之母。

至貞之母。

無損者母。

無玷者母。

可愛者母。

可奇者母。

啟善導之母。應為我等祈。

造物之母。

救世之母。

極智者貞女。

可敬者貞女。

可頌者貞女。

大能者貞女。

寬仁者貞女。

大忠者貞女。

義德之鏡。

人對聖母可經純義全德之
妙又可反己之肯否故稱之

啟

上智之座。

上智屬天主第二位費畧聖母受費畧降孕故稱之

應為我等祈。

吾樂之緣。

妙神之器。

可崇之器。

聖情大器。

立義玫瑰。

玫瑰為萬花之美聖母女中為讚美又玫瑰生棘刺之中潤滑無刺聖母生罪人中純聖無罪

達味敵樓。

達味古聖王也造堅固高臺敵不能近聖母天主造之為吾人之恃可避三仇

象牙寶塔。

象牙取其堅○寶塔以其超美因聖母心純志堅全體光輝發越故稱之

黃金之殿。

結約之匱。

古教人受天主銘石諭誠降味賜糧主命於匱藏誠存味為賞報永約之表為吾神味故稱之

上天之門。

曉明之星。

病人之痊。

罪人之托。

憂苦之慰。

進教之佑。

諸天神之后。

諸聖祖之后。

諸先知之后。

啟 諸宗徒之后。 應為我等祈。

諸為義致命之后。

諸精修之后。

諸童身之后。

諸聖人之后。

無染原罪始胎之后。

至聖玫瑰之后。

安和之后。

啟 除免世罪天主羔羊者。 應主赦我等。

除免世罪天主羔羊者。 主允我等。

除免世罪天主羔羊者。主憐我等。

羔羊本性馴良至死不鳴古時天主命人用此定為祭禮因耶穌至慈不惜為人致死自獻於天主罷德肋故借羔羊稱之

啟天神來報聖母瑪利亞。

應乃因斯彼利多三多受孕。

請眾同禱

懇祈天主以爾聖寵賦於我等靈魂。俾我凡由天神之報。已知爾子耶穌降孕者。因其苦難及其十字聖架幸迨於復生之榮福。亦為是我等主。基利斯督。亞孟。天主洪佑。永與我等偕焉。亞孟。

向聖母瑪利亞誦

聖母瑪利亞。自未有天地。主預簡爲母。從始胎時。已備大福德。遠超神聖。主特寵異。靈性懿德。平生言行。聖善克修。思念純粹。明理積衷。光輝表著。非煩學習。漸成誠信。堅望熱愛。天主翕合聖意。毫不相離。卒世童貞。矢志獨先。開前軼後。無可與擬。專務修德者。瞻仰聖母。依爲法式。放恣於惡者。思及聖母。莫不轉悔。聖母爲孤獨無告之托。雖至潔。不棄汚。

者。雖全善。不絕惡者。寬裕聽求。轉達天主。賜之神力。以能轉潔遷善。我今恃聖母仁慈。哀號懇求。勿據罪棄我。使我沒世。奉事吾天主聖母。愛敬恩保。如我慈母。亞孟。

奉獻中國於聖母誦

吁瑪利亞。天主之母。亦爲我等之母。今將我等神形。我等能力。我等生命。我等言行。我等所有。並中華全國人民。以孝愛之真情。全獻於爾。至甘至愛之聖心。

求爾爲衆司鐸。及諸傳教者之母。使之皆以恒心熱愛。廣揚天主聖教。又求爾爲教友之母。使之皆能日進於德。時見增廣。並求爾爲教外者之母。使之皆能出離暗冥。而得信德之光。懇求憐視中國億兆人民。皆爾聖子聖血所贖。賴爾大功之轉求。賜之同歸耶穌聖心。以得生命聖德之源。而共成一牧一棧。進教之佑。爲我等祈。瑪利亞聖寵之母。爲我等祈。在天中國之后。

爲我等祈。每日念一次。三百日大赦。一月

內每日念此經者。而行要功者。即告解領主者。可得全赦一次。聖母升天瞻禮。在中國不拘大小堂內。與分於公念此誦者。可得全赦。

聖母獻耶穌於主堂祝文

無始無終。全能天主。伏求爾巍巍臺前。今日惟爾一子。衣吾形體。見獻於聖殿。望賜我精煉。見獻於爾。爲是爾子耶穌我等主。亞孟。

聖母同苦祝文

吾主天主爾受苦難時。如西默盎前言。痛刃刺透爾母瑪利亞之靈魂。懇因我等恭敬其痛心。並藉其忠心。及諸聖人之祈求。使我可獲爾受苦難之效。爲爾偕罷德肋及斯彼利多三多。爲一天主乃生乃王世世。亞孟。

聖母領報祝文

天主爾昔因天神之報。俾爾子於童女聖瑪利亞胎。取肉身。我等伏求。使吾旣信其爲天主眞母。賴其轉達。幸得其扶

佑。為爾子耶穌我等主。基利斯督。亞孟。

聖母往見聖婦依撒伯爾祝文

伏望天主。佑我心志清潔。遠棄世俗之
煩囂。惟依仁禮。應酬暫世。庶使詣於常
樂。為吾主耶穌。基利斯督。亞孟。

聖母聖衣祝文

吾主耶穌。爾以加爾默羅聖衣會。超眾
之尊號。光榮爾母。卒世童貞瑪利亞。我
等祈主。因本日瞻禮。託賴聖母護佑。俾
我等得永遠真樂。乃生乃王。世世。亞孟。

聖母升天祝文

伏望天主。赦爾僕罪愆。我等心志身行。弗能悅樂於爾。託賴爾子耶穌。吾主之母。轉達俯允。特賜護佑。以致誠實。爲吾主基利斯督。亞孟。

聖母聖誕祝文

仁慈天主。賜我特寵之大恩。旣聖母之產。爲我等蒙真福之慶。聖母聖誕瞻禮。託賴保護。神形潔淨。幸致和平之益。爲吾主耶穌。偕罷德肋。偕斯彼利多。三多。

乃生乃王。亞孟。

聖母聖名祝文

全能者天主。懇祈爾恩賜諸信者。託賴
至聖童貞瑪利亞聖名之護庇。俾得脫
諸凶惡於世。受享永樂於天。為爾子耶
穌。基利斯督。我等主。其偕爾。偕斯彼利
多。三多。均生均王。世世。亞孟。

聖母玫瑰祝文

天主。因爾聖子降生受難復活之功。賜
人賴能得永福之賞。懇祈爾。使我等慶

賀聖母玫瑰者。效法其中所有之妙情。並得所許之洪錫。爲爾子耶穌。基利斯督。亞孟。

獻聖母於主堂祝文

天主爾欲卒世童貞瑪利亞。聖神之寶殿。今日受獻於爾聖堂中。懇求爾因彼之轉達。俾我等幸得被獻於爾榮耀堂中。爲爾子耶穌。基利斯督我等主。其偕爾。偕斯彼利多三多。均生均王世世亞孟。聖母無原罪始孕母胎祝文。

望主賜僕聖寵之恩。既聖母之產。爲伊
等蒙真福之原始。其始孕母胎瞻禮。幸
致和平之益。爲爾子耶穌我等主。偕爾
偕聖神。惟一天主。乃生乃王於世世。亞孟。

奉事聖母經

三弟西瑪。卒世童貞聖母瑪利亞。我某
重大罪人。弗敢呼爲主母。僕役。又不敢
侍立聖座前。惟恃主母仁慈裕容。乃敢
恪恭奉事。特祈護守天神。暨天朝聖人
聖女。鑒我愚誠。代我敬懇慈母。爲我恩

保。導。引。我。等。自。今。而。後。永。遠。虔。恭。無。間。
無。畫。望。恩。保。主。母。至。聖。瑪。利。亞。爲。聖。子。
寶。血。許。我。常。與。主。母。所。愛。之。衆。迪。我。動。
靜。咸。宜。又。爲。轉。求。吾。主。耶。穌。扶。佑。我。凡。
思。言。行。永。不。獲。罪。迨。我。終。時。挈。我。神。魂。
得。瞻。聖。子。全。美。聖。容。及。我。主。母。聖。顏。
亞。孟。

聖母喜樂經

天。皇。后。喜。樂。亞。利。祿。亞。蓋。爾。攸。孕。者。亞。
利。祿。亞。如。前。云。復。活。亞。利。祿。亞。爲。我。等。

祈天主。亞利祿亞。童貞聖母瑪利亞喜
 樂。亞利祿亞。蓋主真復活。亞利祿亞。為
 爾聖子之復活。令天下萬民喜慶。天主
 者。為童貞聖母瑪利亞。賜我等永享常
 生之喜樂。 亞孟。

向聖母求潔德誦

至潔至淨。童貞瑪利亞。因爾極聖之貞
 德。及爾始孕無玷之妙。我今求爾。俯賜
 潔淨我之心身。因罷德肋。
 心對 及斯彼利多三多。
 心對 名者。亞孟。

福哉聖母之懷。懷無始聖父之子。哺養
吾主基利斯督。福哉。

拜求聖母爲死候經

天主母。至聖瑪利亞。天主罷德助全能。
升爾於崇尊之位。使爾權能。遠超於諸
聖人。高出諸天神。我所以甚喜。併請求
聖母。於我死候。抑壓我仇讐之強力。

聖母經一遍後二端傲此。

天主母。至聖瑪利亞。天主費畧全知。充
滿爾絕聖之靈魂。以最博學。廣識明智。

使蝠通三位一體。極深奧之密事。踰於諸天神。又與以絕大之光輝。上照天國。下耀遍地。我所以甚喜。併請求聖母。於我死候。照臨我靈魂。以聖信之耀。免被誑於不知之謬。

天主母。至聖瑪利亞。天主斯彼利多。多全善。充滿爾絕聖之靈魂。以神聖寵愛之美味。使爾甘飴。溫和仁慈。遠踰諸物。我所以甚喜。併請求聖母。於我死候。賜聖愛之甘味。使我死時痛苦。盡變甘飴。

此經乃聖母所親授。誨於聖女默弟爾德者。並云。凡有守十誡之好人。專一純心誦念此經。至死不絕。其人將終。我來接其靈魂。送於我子之天堂。同享常生。蓋此經一則令人認識一天主三位。乃聖教中首一大事。一則令人讚美天主聖母。一則令人懇求安死善終最要緊之事。故最爲有益。不可不日日誦也。

求聖母救急難祝文

天主聖母。今我罪人。託居蔭庇之下。幸勿嫌所求者。凡遇急難與諸危險之中。救援吾人。卒世童貞哉。極榮哉。極殊福。

哉。念天主經聖母經各一遍

求聖母轉求加恩經

聖母瑪利亞。吾慈母。吾恩母。憐憫我罪人某。罪大惡極。種種泣訴。莫能數紀。每經迴思。背負天主無窮大恩。甚覺刺心。自今深悔痛改。猶恐昏昧軟弱。復踏往愆。懇祈聖母轉求天主。啟我明悟。悉奧妙之理。提我畏懼。動真全之悔。發我熱情。增信心之愛。堅我忍耐。樂世遇之苦。並祈止我貪昧。正我志慮。賜我聖寵。加

我力量。遠棄罪惡緣引。勤修補贖神工。
 思言行爲。一切哀告所未及者。統希保
 全。得至善終。聖母雖至潔。不棄污者。雖
 全善。不絕惡者。萬世萬國。賴爲主保。我
 雖罪惡。專恃聖母仁慈。猶望寵照。令我
 時時尊親聖容。起敬起愛。恩准祈禱。護
 佑靡窮。脫免永殃。獲升天國。享見聖三
 光榮。如我所願。 亞孟。

聖母刺心七重苦經

天主經。聖母經。各
 一遍。後六端。倣此。

聞西默器。預言吾主。受難之狀。聖母一苦。

王黑落德。心生惡計。謀弑吾主。聖母二苦。
京都瞻禮。行歸在路。不見吾主。聖母三苦。
主負十字。重壓跌仆。苦街相遇。聖母四苦。
見舉聖架。通體全傷。七言而終。聖母五苦。
吾主聖軀。二聖取下。白布敬殮。聖母六苦。
聖身已葬。石板蓋墓。憂悶回府。聖母七苦。
啟 至苦至痛童貞瑪利亞。爲我等祈。
應 幸致我等。承基利斯督所許之洪錫。
請衆同禱。吾主天主。爾受苦難時。如西默盎前
言。痛刃刺透爾母瑪利亞之靈魂。懇因我等恭
敬其痛心。併藉其忠心。及諸聖之祈求。使我得
獲爾受苦難之效。爲爾偕罷德肋。及斯彼利多

三多。惟一天主。乃生乃王世世。亞孟。

慶賀聖母七樂經

每端後皆念天主經。聖母經。各一遍。

預聞天神福報。因聖神受孕。聖母一樂。

耶穌聖誕。乃人受福之首日。聖母二樂。

三聖王遠來朝拜。不約而同。聖母三樂。

憂覓耶穌。喜見講道於聖殿。聖母四樂。

耶穌復活。明證受難之甘心。聖母五樂。

自耶穌升天。始開永福之路。聖母六樂。

仰望降臨。荷蒙聖神之寵佑。聖母七樂。

聖母神僕祝文

潔哉純哉童貞瑪利亞。爾乃天主耶穌

之母。至尊至榮。我卒世卑污。伏於爾慈臺下。見爾立於天地萬物之上。欣悅不自勝。特願爲爾羣物踴躍靈若。以揚臣下於爾之喜。茲我叩首至地。甘心實意。許我永爲爾小僕。特願佩桎梏。以應小僕之分。以證爾神愛。真如桎梏釘我心。不能不敬爾。愛爾事爾。任人每貪埃寶腐榮。惟我所寶非他。即桎梏也。所榮非他。爲爾小僕也。崇哉聖哉。仁哉。天地元后瑪利亞。望爾勿棄勿嫌。容我爲爾小

僕。現世救拔我於過惡之桎梏。後世救護我於仇魔之桎梏。使脫永獄。得升天國。偕諸神聖。幸覩爾聖容。敬讚爾慈恩於無窮。亞孟。

向聖母託付經。

吾主后。聖母瑪利亞。我自今日。至於死候。託爾我命。付爾我靈魂。寄爾我身。求我慈母。日垂顧我。時降守我。刻來護我。又託付爾。以我諸望。以我諸慰。諸樂。以我諸艱。諸難。諸急。諸困。及我一生至終。

念我所作所爲。所思所想。所願所慮。所
談所論。由爾請求。承爾神功。皆合爾旨。
如爾聖子。亞孟。

託賴聖母經

吁。至仁童貞瑪利亞。求爾記憶。自生民
以來。未聞有求爾護衛。望爾助佑。祈爾
轉達。而被棄絕者。今我罪人。懷此倚靠
之心。趨赴童身之母臺前。歎泣侍立。爾
側。懇求聖子之母。勿棄吾言。俯聽允諾。
亞孟。

聖母冕旒十二殊恩

昔宗徒聖若望。一日幸見聖母在天堂高座。首戴異冕。上列大星一十有二。蓋指聖母從前膺受天主者十二殊恩也。嗣後聖教諸君子。緣此作小念珠。誦亞物十二遍。以表誠敬。聖母之意。且因前四恩得之於天主聖父者。中四恩得之於天主聖子者。末四恩得之於天主聖神者。故於每恩求畢。念亞物一遍。每至四求畢。加在天一遍。此功可效而行也。今以十二殊恩。畧題於左。

叩拜聖母第一殊恩。天主從無始之始。預簡定爾爲將來救世之母。(求)賜我蒙被寵照。於簡

選之內。獲享常生。 亞孟。

叩拜聖母第二殊恩。天主賜聖母始胎。無染原罪。超越諸聖人聖女之上。(求)賜我痛滌諸愆。得獲罪之全赦。 亞孟。

叩拜聖母第三殊恩。天主費畧選為救世之母。命天神朝報。爾伏躬謙答。婢女在茲。恭承主命。(求)賜我順命謙忍諸德。以中天主聖意。 亞孟。

叩拜聖母第四殊恩。聖母生平至聖。天主福膺寵佑。終身無染微愆。(求)賜我恒沾聖寵。至終時不陷罪惡。能悔前非。 亞孟。

叩拜聖母第五殊恩。聖母因受斯彼利多三多

之神功降孕。正爲天主耶穌之眞母。(求)賜我
神力神佑。俾我以全心全力。全靈全意。奉事
吾主天主。亞孟。

叩拜聖母第六殊恩。聖母誕生聖子之時。全無
產苦。惟因天主全能保爾童貞。(求)賜我神形
恒潔。能領耶穌聖體。澤潤吾靈。俾得升天。
亞孟。

叩拜聖母第七殊恩。聖母卒世童貞。爲古今諸
聖貞潔之表。(求)賜我做爾貞潔。克除私慾邪
情。純篤事主。以趨天國。亞孟。

叩拜聖母第八殊恩。聖母見耶穌受難被釘。忍
痛苦之劍。刺傷爾心。(求)賜我忍受世苦。及諸

逆境艱難。甘爲致命之毅。 亞孟。

叩拜聖母第九殊恩。聖母見耶穌復活之榮。升天之奇。領聖神降臨之寵慰。爾心欣樂無已。
(求)賜我樂行諸善。專務神功。悅爾聖意。獲爾寵榮。 亞孟。

叩拜聖母第十殊恩。聖母神形獲寵升天。超諸天神聖人之上。永永讚頌不已。(求)賜我隨處隨時讚美爾德。恭慶爾福。 亞孟。

叩拜聖母第十一殊恩。天主賜爾權能。爲天國之母皇。世人之主保。(求)賜我履爾德蹟。生前死候。惟賴廕庇。望爾恩保。 亞孟。

叩拜聖母第十二殊恩。聖母本人間貞女。爲天

國母皇。乃吾儕特望轉達主保之慈母。(求吾
仁慈主母。賜以洪佑。憐視我衆。以爾殊恩之
寵。受納我之請託。 亞孟。

聖母念珠默想規條

聖母在世六十三載。故其念珠。共
六十三子。內有六大子。謂之間子。

首十珠

一。想聖母從無始預簡於天主。為救世者之母。

誦亞物一遍。後各條皆倣此。遇間
珠則誦在天一遍。以謝吾主諸恩。

二。想聖母自生民初。天主即定為吾人類主保。

併以鎮克邪魔。

三。想聖母。爲古聖所指示。預題其萬端嘉美。
四。想聖母。爲古多聖女預像。以顯著其善聖之表。
五。想聖母二親。至老無子。多行善功。以求於主。
六。想聖母二親許願。得子必獻於主。
七。想聖母。蒙天主遣天神報彼始胎於其二親。
八。想聖母始胎。獨無原罪。超異古今萬人。
九。想聖母始胎。卽滿被聖寵。邁越諸聖諸神。
十。想聖母既生。卽致大喜於世。如時既黎明。卽知太陽將出。

誦在天一遍。奉謝吾主造成之恩。

次二十珠

一。想聖母爲二親如前願送獻主堂。

二。想聖母至堂。於高階十五級。自升而上。超出本歲之能力。

三。想聖母在堂所肄。惟祈禱誦讀。併繡臺上巾幌之屬。

四。想聖母在堂恒有天神來見。

五。想聖母爲同居幼女諸德之表。極爲衆所愛敬。

六。想聖母起立終身童貞之願。爲天下第一人。

七。想聖母年十四。奉天主默啟。聽許於若瑟聖人爲配。且明知無損童貞。

八。想聖母感動聖若瑟。亦發終身童貞之願。

九。想聖母得天神來報。應爲天主之母。仍爲童

貞。

十。想聖母。允天神之報。因聖神之功。接天主聖子於其胎。

誦在天一遍。奉謝吾主保存之恩。

次三十珠

一。想聖母。既得爲天主之母。即往見表姐依撒伯爾而謙事之。

二。想聖母。與表姐叙談時。彼子母俱蒙天主開明其心。一成善聖。一成先知者。

三。想聖母。見讚於表姐。即咏聖歌。歸諸美好於天主。

四。想聖母。在表姐家幾三月。至若翰誕生。即辭

歸。

五。想聖母以懷胎。致若瑟憂疑不解。即有天神告其故以解之。

六。想聖母奉國命。偕若瑟往本籍報名。

七。想聖母在白冷府。誕生吾主。裹以常衣。置馬槽中以乳之。

八。想聖母於牧童來叩。聞天神傳知之說。甚喜而藏於心。

九。想聖母遵行古割禮於吾主。以天神所報。稱名耶穌。

十。想聖母見三王來朝。不勝大喜。受其所獻三品。

誦在天一遍。奉謝吾主養育之恩。

次四十珠。

一。想聖母。奉獻吾主於聖堂。聖母雖不必行取潔禮。而亦行之。

二。想聖母。聞聖西默然。預言萬民。必受耶穌之救。又言有痛苦之刃。必將刺透聖母之心。

三。想聖母。聞天神報惡王謀害耶穌。即抱而偕若瑟。往避於厄日多國。

四。想聖母。偕耶穌潛居厄日多。備受七年苦勞。

五。想聖母。又得天神報知。惡王已死。乃復還本鄉。

六。想聖母偕耶穌往京都大殿瞻禮。歸時不見

耶穌。

七。想聖母。勤苦尋覓耶穌。至第三日。乃見在殿。與衆耆學論道。

八。想聖母。與耶穌偕處三十載。耶穌服聽其命。九。想聖母。偕耶穌往赴親戚婚宴。因乏酒。請耶穌救之。乃變水爲酒。

十。想聖母。每聞吾主所傳聖教。併見其所行之聖跡。

誦在天一遍。謝吾主救贖之恩。

次五十珠

一。想聖母。聞吾主預告受難之事。心雖大痛。卒全依天主聖意。而忍任之。

二。想聖母。聞吾主被鬻彼收。被解諸端。心中不勝傷痛。

三。想聖母。目擊吾主。通體鞭傷。茨透聖首。且爲問官指示惡衆。欲動其矜憐。而抑遏其害之之意。

四。想聖母。親聽衆聲。求釘耶穌於十字架。寧釋大罪人巴臘巴。

五。想聖母。於途中遇吾主。負十字架赴山。痛甚莫大焉。

六。想聖母。見吾主釘十字架。並聽鎚擊之聲。

七。想聖母。見吾主懸於十字架。在兩盜之中。乃極憐之。於架旁毅然陪之。

八。想聖母。聽吾主從十字架上。目若望宗徒。對聖母曰。女人。彼爲爾子。次謂徒曰。彼爲爾母。九。想聖母。見吾主舉一大聲而死。又見一卒以戟刺其右脇。

十。想聖母。抱聖屍與諸徒殮葬。痛泣不已。

誦在天一遍。奉謝吾主寵召之恩。

次六十珠

一。想聖母。於吾主死後。第三日忽見其復活。悅樂非常。

二。想聖母。於吾主復活四十日中。每相見輒增其喜樂。不可勝言。

三。想聖母。於吾主上升時。送之以目。仍更送之

以心。

四。想聖母。聚諸聖徒於聖宴之堂。誦禱。恭候聖神。至第十日。乃蒙降臨。

五。想聖母。於吾主升天後。宗徒四散傳教。獨居本國。代吾主樹表護教焉。

六。想聖母。是時常往瞻禮吾主。在世所履處所。及其受難之地。

七。想聖母。蒙天主遣天神。報以升天之期。滿其所願。

八。想聖母。蒙天主命天神。倏聚既散天下之聖徒於其前。聖母與之訣別。又屬以聖教之事。

九。想聖母。親見耶穌。率衆天神來接其靈魂。及

第三日。其肉身亦得復活升天。

十。想聖母。蒙天主聖三。加永福之冕。舉於諸神諸聖之上。

誦在天一遍。奉謝吾主榮福之恩。

末三珠

一。想聖母。高居極尊之位。爲我等慈母。併任受主保之職。

二。想聖母。操大權於天上。凡天主賜人諸恩。皆經其手。

三。想聖母。至仁至慈。凡人誠敬之。又做做之者。死時必蒙其護佑。而携升天。✠

聖母玫瑰經十五端

謹按十五端。係聖母瑪利亞一生之事跡。即吾主耶穌降生救贖受難復活升天之大端。吾人習誦此經。靜心默想。大獲神益。

首一分。包含聖母瑪利亞歡喜五端。

中一分。包含聖母瑪利亞痛苦五端。

後一分。包含聖母瑪利亞榮福五端。

每日或十五端全誦。或分三次誦。或分三日誦。

首一分。宜誦於瞻禮二日。五日。中一分。宜誦於

瞻禮三日。六日。後一分。宜誦於瞻禮四日。七日。

主日全誦。✠

歡喜一分

歡喜

一端

天神朝拜童貞瑪利亞。報曰。天主特選為母。誦聖母經十遍。天主經一遍。後十四端做此。

獻盛德崇福童真瑪利亞。我獻此經。

敬祝爾聖寵無涯之喜。昔日天神嘉俾

厄爾。奉天主之命。恭報於爾云。亞物瑪

利亞。滿被額辣濟亞者。主與爾偕焉。又

云。天主費畧選爾為母。將降孕於爾。最

淨最純之聖胎。為人救世。爾於是時俯

躬謙言。我乃主之婢女。願賜成於我。如

汝之言。

求 今我虔祈聖母。轉祈聖子耶穌。賜
我謙遜之德。使我諸凡行爲。自能順承
天主至聖之旨。 亞孟。

歡喜二端。聖母往見聖婦依撒伯爾

獻 全備諸德。童貞瑪利亞。我獻此經。
敬祝爾聖性仁愛之喜。天神嘉俾厄爾。
又以爾表姐依撒伯爾。受娠之奇事。奉
報於爾。爾乃大發熱愛之情。速行往顧。
既至其家。伊受孕期及六月。天神報云。
宜名若翰。是時若翰在胎。即知爾在伊。

母之前。又知爾已懷胎。是降生救世之
天主。其在胎中。不勝欣躍。聖子耶穌。在
爾胎中。即赦其所負原祖之罪。依撒伯
爾。荷天主默照。識爾爲天主之母。不勝
歡呼稱讚。女中爾爲殊福。爾胎中子。尤
爲殊福。我有何德。而煩吾主之母。遠來
顧我。

求 今我虔祈聖母。轉祈聖子耶穌。賜
我愛人之熱心。又賜我凡思言行。罪過
之赦。聖恩之錫。及明達天主事理。超性

之識。亞孟。

歡喜三端 吾主耶穌基利斯督降誕

獻 天主聖母童貞瑪利亞。我獻此經。
 敬祝爾神聖共慶之喜。爾至聖靈魂所
 受爾子耶穌。誕生於爾。至淨至貞之胎。
 以救世人。爾至喜至敬裏以常衣。置於
 馬槽。伏身拜為真天主。此時群天神奏
 樂於空中。讚美天主。慶賀世人曰。天主
 受享榮福於天。良人受享太平於地。
 求 今我虔祈聖母。轉祈聖子耶穌。賜

我甘貧之德。使我輕脫世緣。乃得純心奉事吾主。亞孟。

歡喜四端 聖母獻耶穌於主堂

獻 至貞至潔聖母瑪利亞。我獻此經。敬祝爾聖善令譽之喜。聖子耶穌。當時天神顯揚。牧童即來致敬。三王即來朝禮。聖誕後四十日。爾恭抱前往聖殿。獻於天主。罷德肋。此時有一盛德。年高西默盎。又有一盛德。節婦亞納。讚揚聖子耶穌。真是救世之主。

求 今我虔祈聖母。轉祈聖子耶穌。賜
 我或在聖殿。或居別所。時時皆能普揚
 天主聖名。讚美天主聖榮。命諸人咸知
 信從。亞孟。

歡喜五端 耶穌十二齡講道

獻 勤敏神工聖母瑪利亞。我獻此經。
 敬祝爾暫憂旋慰之喜。聖子耶穌。方一
 十二齡。隨爾前往聖殿。歸時相失耶穌。
 三日夜爾心痛苦。三日之後。竟至殿中。
 及見耶穌上座。與耆年博學之士。講論

天主事理。一見不勝忻喜。耶穌同爾言
歸。孝敬事爾至三十年。

求。今我虔祈聖母。轉祈聖子耶穌。於
我患難之際。賜我神慰。使我時時事事。
翕合聖意。克謙克孝。誠事天主。亞孟。

痛苦中一分

痛苦一端 耶穌山園祈禱

獻。高上仁慈之母瑪利亞。我獻此經。
默思母心痛苦。聖子耶穌。三十三歲。受
難之期已至。欲救贖人罪。於前一日。往

山園三次祈求天主罷德肋苦懇至極。
 通體出流血汗。叩拜天主罷德肋。乞赦
 人罪。至夜深時。惡眾捕縛送於亞納斯。
 求。今我虔祈聖母。轉祈吾主耶穌。賜
 我能求能禱。又賜我應受苦難。合天主
 旨。併能以我真忍。堪承苦難。亞孟。
 痛苦二端。耶穌繫受鞭笞。
 獻。毅然堅忍之母瑪利亞。我獻此經。
 默思母心痛苦。聖子耶穌。令儀令容。超
 絕萬眾。今在比辣多衙內。盡褫其衣。繫

之石柱。鞭責五千四百有奇。全體剝傷。血流不止。苦痛如是。耶穌默不置辨。有如羔羊。

求 今我虔祈聖母。轉祈吾主耶穌。卸我世間私欲之衣。賜我真忍。甘受諸艱諸勞。凡天主所賜於我者。 亞孟。

痛苦三端 耶穌受茨冠之苦辱

獻 苦刃刺心之母瑪利亞。我獻此經。默思母心痛苦。耶穌我等主。被惡人以棘茨冠。箍於聖額。聖血通流。又以絳色

做袍披身。僞拜如王。如此侮辱之甚。

求 今我虔祈聖母。轉祈吾主耶穌。賜
我能悉去自滿驕傲之念。並辭一切虛
僞之喜。願爲吾主耶穌基利斯督。忍受
患難凌虐之刺。庶望身後可獲榮福之
冠。於天上國。至於無窮。 亞孟。

痛苦四端 耶穌負十字架陟山受死

獻 寬慰憂患之母瑪利亞。我獻此經。
默思母心痛苦。爾極愛之子耶穌惡黨
造一重大十字架。逼令自己肩荷。赴受

死之地。負十字架時。一路壓跌難堪。爾隨之。慟悼哀傷。泣涕無已。

求 今我虔祈聖母。轉祈吾主耶穌。賜我心中。恒覺如是大痛。憶念不忘。亦如身負重大十字架。無異。又賜我能勤荷聖孝之十字。 亞孟。

痛苦五端 耶穌被釘十字架上死

獻 爲義致命之母瑪利亞。我獻此經。默思母心痛苦。耶穌至於受死之地。被人褫衣。釘手足於十字架上。日月失光。

口渴與以醋膽。終命時。天昏地震。石相
觸碎。若不堪痛。人人拊胸哀悲。萬物慘
傷。皆證被難者。為造物之真主。

求 今我虔祈聖母。轉祈吾主耶穌。藉
彼處忍受痛苦鴻恩。賜我。心中能覺悟。
當時受難之極苦。使我真悔極痛。迅改
我一生之罪過。 亞孟。

榮福後一分

榮福一端 耶穌復活

獻 心慰神怡之母瑪利亞。我獻此經。

頌爾安和之榮福。爾極愛之子耶穌。死後第三日復活。身體極光極美。先往見爾。以解爾憂。將爾前日諸痛諸苦。翻作不可勝言之樂。又欲顯厥至愛。屢亦見於宗徒。暨諸弟子。使皆不勝欣躍。

求 今我虔祈聖母。轉祈吾主耶穌。賜我善心之真樂。靈魂之潔淨光明。一如復活。不敢再陷於死罪。又使我能輕忽世物。若已死亡。不戀虛妄之福。 亞孟。

榮福二端 耶穌升天

獻神聖共仰之母瑪利亞。我獻此經。
頌爾極隆之榮福。爾子耶穌我等主。既
已復活。至四十日後。將欲升天之時。面
諭宗徒。分行天下。以天主正教訓誨萬
民。與領聖水洗罪入教。諭畢。自舉升天。
古聖羣從。天神簇擁。隨躋天國。坐於天
主罷德肋之右。耶穌命二天神。下慰於
爾。及諸聖徒。留爾於世。以啟照保護焉。
求。今我虔祈聖母。轉祈吾主耶穌。賜
我心能脫離世幻。但愛天上之物。又求

爾眷我。顧我撫護我。行此人世之路。使我畢程。得造天國。永享常生。亞孟。

榮福三端 聖神降臨

獻 上智大能之母瑪利亞。我獻此經。頌爾寵照之榮福。耶穌升天之後十日。爾與宗徒教眾。一百二十人。共聚一堂。誦經祈望天主。於辰時聖神降臨。如爾子之所許。迅如風雷。絕無驚恐。賜之撫慰。又有舌形如火。光耀不焚。分置於爾。及眾人之首。於時聖神賜爾以超眾之

聖寵。及大聰明。不煩學習。能通萬國方言。傳授聖教。

求。今我虔祈聖母。轉祈吾主耶穌。賜我聖寵。及發勇力。勉進善德。能以專心普揚天主聖教。亞孟。

榮福四端 聖母榮召升天

獻 陟天寶座。天地元后瑪利亞。我獻此經。頌爾純全之榮福。爾於六十三歲。耶穌遣天神嘉俾。厄爾來報於爾。天主提爾聖身靈魂。並躋天國。受安樂榮福。

爾將終時。耶穌顯大聖蹟。使向時分行天下之聖徒。咸來辭爾。爾俱一一撫慰。無病無痛。一惟愛慕天主。身終之後。葬爾聖身。天神空中奏樂三日。以顯爾子耶穌。令爾肉身復活。與爾靈魂同登天國。享無窮福。

求 今我虔祈聖母。轉祈吾主耶穌。賜我臨終時。不陷於邪魔之羅阱。又賜我於此世上。滌惡務善。罪罰已滿。援我升天。見爾聖容。與爾同慶。 亞孟。

榮福五端

天主立聖母於九品天神之上。以爲天地之母皇。及世人之主保。

獻巍巍高位之母瑪利亞。我獻此經。

頌爾峻德之榮福。爾已升天國。天主罷

德助。天主費畧。天主斯彼利多三多。特

立爲天地之元后。寵錫榮福。超諸天神。

及諸聖人。爲我世人。依賴轉達之主保。

求。今我虔祈聖母。轉祈吾主耶穌。憐

僕役。居此涕泣之谷。賜以聖寵。時垂恩

佑。使我死後。得升天國。瞻爾聖容。偕享

聖三之永福。亞孟。

看書及行各工以後誦

瑪利亞聖寵之母。仁慈之母。護我等於
仇敵。收我等於死候。榮歸於吾主。爾乃
童女所生者。偕爾聖父聖神。及無窮世
之世。亞孟。

聖母顯跡經

吁瑪利亞。無原罪之始胎。我等奔爾臺
前。爲我等祈。

日課卷上

終

耶穌聖名禱文

啟 天主矜憐我等。

應 基利斯得矜憐我等。天主矜憐我等。

啟 耶穌俯聽我等。

應 耶穌垂允我等。

啟 在天天主父者。

贖世天主子者。

聖神天主者。

三位一體天主者。

耶穌真天主子者。

應 矜憐我等。

啟

耶穌聖父之光美者。應矜憐我等。

耶穌永光之耀者。

耶穌榮福之帝者。

耶穌義德之日者。

耶穌童貞瑪利亞之子者。

耶穌宜愛者。

耶穌奇妙者。

耶穌至毅之天主者。

耶穌後世之父者。

耶穌宏謀之宗師者。

啟

耶穌至能者。

應矜憐我等。

耶穌極忍耐者。

耶穌極聽命者。

耶穌良善而心謙者。

耶穌愛潔德者。

耶穌極愛吾人者。

耶穌安和之主者。

耶穌常生之源者。

耶穌諸德之表者。

耶穌最熱切救人靈魂者。

啟

耶穌吾天主者。

應矜憐我等。

耶穌我等庇佑者。

耶穌貧窮之父者。

耶穌諸信者之真寶者。

耶穌善牧者。

耶穌真光者。

耶穌永遠上智者。

耶穌無窮善德者。

耶穌吾儕之真道吾儕之生活者。

耶穌天神之樂者。

啟 耶穌古祖之皇者。 應矜憐我等。

耶穌宗徒之師者。

耶穌聖史之明師者。

耶穌諸致命之毅者。

耶穌諸精修之光者。

耶穌諸童身之潔德者。

耶穌諸聖人之冠者。

啟 望耶穌垂憐。 應耶穌救我等。

望耶穌垂憐。

耶穌允我等。

於諸凶惡。

耶穌救我等。

啟於諸罪過。

應耶穌救我等。

於諸義怒。

於魔隱計。

於邪淫之魔。

於永死。

於怠惰疎忽主提佑。

爲主降生之奧理。

爲主聖誕。

爲主聖嬰時。

爲主平居生活顯聖性之奧理。

啟 爲主諸苦勞。

耶穌救我等。

爲主憂悶至死及主受難。

爲主十字架及被棄之苦。

爲主患難。

爲主死且葬。

爲主聖復活。

爲主靈奇之升天。

爲主忻樂。

爲主榮福。

啟 除免世罪天主羔羊者。

應 耶穌救我等。

除免世罪天主羔羊者。

耶穌允我等。

除免世罪天主羔羊者。

耶穌憐我等。

啟耶穌俯聽我等。

應耶穌垂允我等。

請衆同禱。吾主耶穌。基利斯督。爾昔有言曰。人求則受。人尋則得。人叩門則開。今求主賜我。爾至聖愛之情。使我能以心以口以行愛慕爾。及時刻不斷讚揚爾。爲爾偕罷德肋。偕斯彼利多。三多。惟一天主。乃生乃王。世世。亞孟。

教宗必約第九位。於一千八百六十二年。恩准熱心念此禱文者。每次能得三百天大赦。

請眾同禱。天主既俾教眾愛慕耶穌。基利斯督。爾子吾主之聖名。併俾魔畏聖名。懇主賜誠敬聖名者。存獲安寧。歿享永福於天。為吾主耶穌。基利斯督。亞孟。

向天主耶穌誦

吾主耶穌。我何時能順主命。翕合主旨。捐離世物。專心事主。我雖微賤。罪污。望主仁慈寬容。主若遺棄。疇為怙籲。熒熒無告。疇為矜恤。主真我父。主真我母。為

我釘死十字架上。償贖我罪。求主賜我
 遷改。垂愛憫存。賜以聖寵。加益神力。勤
 修不怠。臨死援我升天。享無窮福。吾主
 耶穌。至聖至慈。俯憐聖教中人。或背聖
 道。懇主默導。開其心目。轉認真主。惟一
 無二。或我父母昆弟親友恩人。凡疾痛
 窘困。及被擄者。求主憐庇。並賜煉靈滅
 苦。速赦升天。亦為主聖血寶死。普救若
 衆。亞孟。

向耶穌聖名誦

自立耶穌聖名瞻禮。至聖母獻耶
 穌於主堂瞻禮內。每日虔誦此經。

耶穌全能天主之聖號。世人不能想及。爾惟至智天主。自己稱爾。命天神語聖母瑪利亞。我乃世人。幸得知爾名深意。聞爾美音。享爾大德。乃爾爲吾主天主。第二位降生爲人之尊號。明表其降生受苦。救贖世人。莫大恩功。今我見爾聽爾。念及吾主無數恩功。又深玩爾意。追思天主。脫我於魔鬼。脫我於本罪。耶穌贖人之耶穌。求爾真爲我之耶穌。脫我於三讐。不許我中他計謀。得罪於爾。耶

耶穌。救世之耶穌。求爾爲我仰望之耶穌。
救我於患難。救我於凶惡。 亞孟。

立耶穌聖名祝文

天主聖父。因聖瑪利亞童貞之產育。賜
人類之永福恩錫。懇祈爾。吾等因彼。得
吾生命原始。耶穌基利斯督。使吾識其
轉達於爾臺前。 亞孟。

慶賀耶穌聖名祝文

天主爾定惟一聖子。爲人類之救贖。且
命以耶穌爲號。懇祈慈憫。賜我等在世。

欽崇厥聖名。享見聖容於天。爲是吾主
耶穌。基利斯督。偕爾偕聖神。均生均王
世世。亞孟。

望復活瞻禮祝文

吾主天主。求賦我等爾寵愛之聖神。俾
蒙飽飫。巴斯卦聖事之恩者。以爾仁慈。
共相和睦。爲爾子耶穌。基利斯督。我等
主。其偕爾。偕斯彼利多三多。均生均王
世世。亞孟。

耶穌復活本瞻禮祝文

吾主天主。爾今日因爾惟一子死者。已
啟開我等常生之門。望爾既以預啟之
寵照。吾願並得恩賜。扶佑前進。亦爲是
我等主。耶穌基利斯督。亞孟。

耶穌復活第一副瞻禮祝文

吾主天主。蒙大仁慈。啟開天路。指破迷
津。但我等力弱。不能勇毅前進。伏乞時
加聖佑。不致蹶步。爲我等主耶穌。基利
斯督。亞孟。

耶穌復活第二副瞻禮祝文

天主。我知世後永遠平安於天主。先該平安於三仇之中。望主至仁大能。揮叱仇攻。加我實謙耐苦勝誘之力。時存聖訓。爲我主耶穌。亞孟。

卸白衣主日祝文

全能天主。求賜我等已行復活瞻禮之慶。賴爾寵錫。以美德實行。保存無失。爲爾子耶穌。基利斯督。亞孟。

耶穌升天瞻禮祝文

全能天主。吾輩既信爾惟一子。吾主救

世者。今日升天。懇祈使我等。以心靈居於天上。時加恩佑。以行天上之事。亦為是爾子。基利斯督。吾主耶穌。偕爾偕斯彼利多三多。惟一天主。乃生乃王於世。亞孟。

耶穌顯聖容瞻禮祝文

天主。吾天主。爾視吾輩德劣。望爾內外護持。在形護於諸逆境。在神潔於諸惡願。為吾主耶穌。基利斯督。亞孟。

耶穌聖誕子時祝文

天主。爾以眞光照耀。俾此至聖之夜。燦爛光明。懇祈爾。賜我等在地。能識榮光之奧義。迨後在天。得享爾之諸樂。偕爾偕聖神。與吾主耶穌。基利斯督。惟一天主。乃生乃王。世世。亞孟。

耶穌聖誕子時經

維時責撒肋奧。吾斯多發令。命厥攸屬邦人。報名籍上。當時祭利諾。統理西利亞國。而兼掌册名事。國人俱歸故土。以報。乃若瑟達味。枝派人。欲往報名。携瑪

利亞新婦。自納匝肋。加理肋亞府。偕詣
白冷。如德亞郡。瑪利亞時懷孕。適滿產
期。產厥首子。襁褓置馬槽。時郊外牧童
未眠。守夜護羊。乍見異光四射。各生震
怖。天神倏見。謂曰。勿驚。予來報爾福音。
足樂衆心。救世主爲爾適誕於達味郡。
但見襁褓小嬰。臥馬槽。斯其然。告畢。多
神俄見。頌聲滿空。曰。天主受享榮福於
天。良人受享太平於地。

耶穌聖誕味爽祝文

祈望吾主。全能天主。我等因爾子爲人
新光受照。賴信德明達於內。功行顯著
於外。亦爲是爾子耶穌。基利斯督。亞孟。

耶穌聖誕味爽經

維時牧童胥言。往也。亟至白冷。往視天
主。今攸爲奇。而示於吾。急行乃見瑪利
亞。暨若瑟。暨臥於馬槽。嬰孩視之。則識
聞見。皆相應。聞者驚愕。惟瑪利亞。乃懷
於內。乃符於心。茲牧童之言。牧者聞見
多奇。揚天主以歸。

耶穌聖誕天明祝文

懇祈全能天主。雖久在罪軛。賴爾惟一
子肉身新誕。幸獲救脫。亦爲是耶穌基
利斯督。爾子我等主。亞孟。

耶穌聖誕天明經

厥始物爾朋已有。斯物爾朋實在天主。
實即天主。斯實在天主。於無始之始。萬
物由之受造。非斯無一物。凡諸受造。向
在彼者。壹是生活。夫生活者爲人光。光
照暗冥。暗冥弗識。主遣一人名若翰。斯

來爲證證茲真光。俾咸實信厥證。渠非
光。惟光真證。真光普照入世諸人。居世
造世。世莫之知。來入厥地。厥民猶罔逐。
諸向逐信厥名。錫與之能得爲天主子。
凡茲諸人。匪由血氣。匪由肉情。匪由男
慾生。獨由天主生。物爾朋已降爲人。已
居吾內。吾已覲厥榮光。皆儼然若聖父
真子。厥靈充盈以聖寵。以真實。

向天主聖父誦

皇皇全能天主聖父。從無始生聖子。無

始同聖子共發聖神。爲無始之始。全能之源。而於有始化成天地神人萬物。復遣眞子降生。救贖人罪。賜聖神降臨。佑助訓誨。我今稱頌大能。不可名言。諸恩懇求。天主聖父憫我。賜我神力。在世爲善。遵守主命。死獲見主。膺受永福。亞孟。

向天主聖子誦

皇皇全知。天主聖子。從無始生於聖父。同聖父共發聖神。爲天地神人萬物之始。與聖父同體。同知。同能。同善。爲救贖

人類。自願降世爲人。受苦至死。我誠罪人。蒙主所贖。懇求全知天主子者憫我。賜我明達主所立之正道。遵守主所定之良規。至於死後。獲見吾主。享受眞福。

亞孟。

向天主聖神誦

皇皇全善。天主聖神。從無始發於聖父聖子者。從無始與聖父聖子同一體者。賜先知聖人預言未來。賦宗徒光明徹通正道。布散天下。教訓萬民。感謝聖神。

照世之恩。昇人超性之識。安慰諸信者之憂。懇祈憫我。我雖負罪。蒙主愛佑。賜我熱情。能愛主萬物之上。體主開明之道。和睦同類之人。操守教規。死後見主聖容。永享真福。亞孟。

天主聖三瞻禮祝文

無始無終。全能天主。使爾僕受真教之傳。認識永永聖三之榮。係全能威福。欽崇惟一天主。懇祈爾賴此信德。堅定於諸危險。時蒙護衛。爲爾子耶穌我等主。

偕爾偕聖神。惟一天主。乃生乃王。世世。
亞孟。

向天主聖三誦

皇皇聖三。聖父聖子聖神。三位一體。全
能無始無終。天主。我恃主超性之光。信
識主全能神智。至仁之妙。並信識聖父
聖子聖神。無差等之殊。論位。敬其各一
論體。欽其無二。論榮。欽其均平。感謝主
造成天地萬物。救贖人罪。降賦神愛。我
雖負罪。是主所造。所贖。所賦。求主憫我。

賜我神力。明智愛德。能遵守主誠。闡明主道。愛主萬物之上。平生行善。至於死後。獲見聖父聖子聖神全能全智至仁。無始無終。惟一天主。永享無際真福。亞孟。

聖三光榮頌

天主罷德肋。天主費畧。天主斯彼利多。三多。吾願其獲光榮。厥初如何。今茲亦然。以迨永遠。及世之世。亞孟。

三王來朝祝文

全能至仁之天主。望爾今日。亦如當年

景星導引。顯爾惟一聖子於異教人。併
 賜我等。由聖信之德。識爾愛爾。觀爾尊
 榮。為爾子耶穌。基利斯督我等主。偕爾
 偕聖神。為一天主。世生世王。亞孟。

三王來朝經

耶穌既降誕。如大白冷郡。黑落得王時。
 瑪日東來。入都曰。適生國王安在。吾見
 厥星於東來。敬國王舉城。心皆不寧。王
 集解經諸司。問究救世將生何處。對曰。
 如大白冷聖誕處。預知者書曰。美哉如

大白冷。國內諸城之間。莫爲末城。厥大將總督。義臘。阨爾。吾民。且出於爾。王乃密請三王。詳咨新星。從現至今。經幾歲月。後命之曰。赴至白冷。勤究嬰孩虛實。尋旋報。吾欲奉朝。三王聽畢。辭君出。復見新星飛空引導。至嬰孩降生處方止。見星欣喜異甚。入室見孩。偕瑪利亞。厥母。跽伏地。啟笈。獻黃金。乳香。沒藥。三禮。夢間。天主阻復報王。乃自別道歸。

大祈禱祝文

天主萬善之源。懇賜伏祈爾者。因爾默
佑。思諸正義。賴爾引治。行其所思。爲我
等主耶穌。基利斯督。亞孟。

求天主賜佑誦

吾主天主。昔有言曰。人求我與。人求見
我見。人呼我。我啟納。此主自招我。我如
何不信。世人雖富。多施必乏。惟主海洪。
永長充滿。恒與不竭。主惟富有。多藏嘉
美。衆求不厭。惟樂與人。人若求主。讚美
稱頌。主賜恩佑。凡人遇難。專心呼主。主

輒申救。我今求主。寬赦我罪。賜我真切
哀悔。俾神魂清潔。可受主寵。專心奉事。
尊敬讚頌。並賜我能謙忍順命。愛人如
己。吾主天主。聽我微僕籲禱。乞垂矜憫。
佑我在世。屏絕愆尤。凡思言行。皆遵主
旨。日後援我升天。見主聖容。受樂無窮。

亞孟。

恭敬天主誦

全能無始無終者天主。聖父聖子聖神。
三位一體。至尊至貴。雖合天朝神聖。普

世萬民。窮口讚揚。莫能罄述其奧妙。備極欽崇。弗克稍增其光榮。我乃卑污微末。何敢主前對越。昔聖瑪大肋納。伏地哀悔。不敢面向主前。聖亞巴郎每自云。我乃塵埃糞土。安可與主對言。二大聖人。尚如此謙恭敬畏。我罪惡彌深。何敢主前褻瀆。惟主降生受苦受難。救贖人罪。仁慈寬容。命我近主。呼主讚美主。我今伏地瞻仰。心專情摯。尊親愛慕。猶願大地諸人。如先知熱肋彌亞云。萬物皆

主所成。萬民皆主所造。乘此生命未絕。齊來歡欣踴躍。認主敬主。感謝主。懇祈自茲以後。增益寵佑。堅我信望愛之德。虔誠奉事。永遠不離吾主。亞孟。

畏懼天主誦

吾主天主。赫赫威嚴。至公至義。照臨萬方。無微不入。爲賞爲罰。纖毫靡遺。惡神驕傲。貶抑爲魔。首人背命。流毒後裔。公私審判。區別善惡。往古來今。孰能逃厥鑒觀。避其審判者。惟神惟聖。朝乾夕惕。

順承主令。我等卑污罪人。愚懦偏拗。三
讐弗勝。屢逆命誠。主雖仁慈。不廢義怒。
天地有終。民皆有死。且誰知死期在何
時。死後居何所。聖教會訓誨吾儕。莫畏
人。惟畏主。我今思維。刺心惶汗。愧悔無
地。懇切求主憐我。恕我。勿棄我。我昏憤
賴主開道。我顛仆。望主携提。俾獲善終。
永遠享福。亞孟。

稱羨天主誦

吾主天主。萬有之源。萬美之泉。上天下

地。光耀者日月。流峙者山河。飛潛動植者。羽毛鱗介。五穀百果。秩然有其時序。燦然著其輝煌。凡吾儕世人。見見聞聞。奇奇妙妙。皆自主化成者。蘊奧已莫可名言。較天堂真福光榮。難比毫釐。主真全能全知全善。我何敢不稱頌羨慕。世願非我願。惟願愛主。世福願不滿。惟願見主。我雖卑污罪惡。係主所生所贖。懇祈堅我志。允我求。俾得與天朝神聖。永遠讚美吾主。亞孟。

感謝天主誦

吾主天主。造我肉軀。賦我神魂。且先造
有天地。覆載我。日月照臨我。發生萬物。
養育我。遣令天神護守我。我有罪惡。降
生受苦受難。救贖我。建立洗解聖體。赦
宥我。我受如是鴻恩。時時切念。感謝難
言。但恨我昏愚柔懦。每爲魔役。弗能報
主於萬一。懇求自今而後。開導扶翼。俾
我棄絕世榮。趨赴天路。三司五官。全獻
吾主。即至捐軀隕命。情甘忍受。斷不敢

背忘生養救贖。無窮之大恩主。亞孟。
恃怙天主誦

吾主天主。造成萬有。護恤斯民。一有遺棄。刻即隕滅。自亞當叛命。遭罹世苦。毒害災殃。三讐陷誘。形軀神魂。隨時隨地。俱伏危機。非主矜全。誰能自保生存。人遇困阨。呼父呼母。主真慈父。主真慈母。求無不應。願無不獲。如何不望主恃怙。我實如愚蒙赤子。禍患觸目。不能自覺。求主哀憐顧復。救援於患難之中。提携。

於天福之路。永遠常生。 亞孟。

晨興善願誦

教宗亞立山第七位日誦經文。
耶穌會一修士奉其特命敬集。

敬拜爾至聖聖三。聖父聖子聖神。三位惟一天主。我於爾至尊之前。伏俯我於全無之內。蒙爾默示於聖經。及由聖而公會命信之端。我皆堅心誠信。證此真實。萬死不辭。生平願望悉向於爾。我天主。我之生命。我之特望。獨於爾手望賜神形。現在未來。可冀之福澤。謹以形軀五官。及神魂記含明悟愛欲三司。從茲奉爾。迄於無窮。決定將來屬我自揣之事。永不獲罪於爾至尊之主。隱雖至細。斷以弗為。我必

嗣後悉捐心力。盡於事爾。揚爾光榮。爲爾聖心之樂。不拘何等艱難。由爾仁慈。俯賜無不恪恭珍領。我欲殫竭所能。力導萬有。俾咸事爾。普勗世人。俾咸榮爾。愛其造化真宗。爾純嘏悠久無疆。令我神怡心曠。爾光榮洋溢兩間。使我踴躍歡欣。感謝爾預垂慈眷。已往將來。日賜我與普世諸人。源源無數隆恩。我今因爾無涯之善。悉心愛爾。并欲以我清心之愛。附於天神義人之愛。苟能肖似其熾而愛之。則吾幸甚。自今以永願我攸行。仰合於基利斯督一生行實。受難聖死。及卒世童貞聖母。暨古今諸聖之勳勞。獻爾至尊之前。懇以耶穌我等救世

主之寶血。肯賜浣潔包容。儘以本日所爲備
沾宥。蠲罪罰之神恩。兼祈分惠煉靈。用申周急
通功之仁誼。凡可補我夙愆之善事。今亦全
然恭獻於爾。我天主。爾乃極應愛事於無窮
者。茲因爲爾自有萬善。盡情痛我罪惡。罪爲萬
惡之污。謙卑懇爾。慨施矜宥。定心改過。再不辱
爾至尊。耶穌容我藏爾聖傷中。蔽之護之。自
今迨於無窮。賜我覲爾聖顏。永常愛爾之洪錫。
耶穌瑪利亞若瑟奉爾以我心我靈。凡思
言行。皆爲愈顯主名之榮。✠

耶穌受難禱文

此禱文因未蒙教皇恩准誦之無
恩赦只可私念不可在堂公誦

啟 天主矜憐我等。

應 基利斯督矜憐我等。

天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

耶穌園中祈禱大發憂悶者。

耶穌園中徧體汗血流地者。

啟

耶穌園中俯首順命者。

應 矜憐我等。

耶穌被無情所鬻者。

耶穌被惡衆捕押如盜者。

耶穌於官衙鞠訊如惡人者。

耶穌被惡衆妄證者。

耶穌被惡衆誣言者。

耶穌被惡人唾污聖面者。

耶穌被惡人狠擊聖身者。

耶穌被惡隸掌擊聖面者。

耶穌被惡人繫繫聖身者。

耶穌被惡人訕毀聖名者。

耶穌被惡人裂碎衣服者。

啟

耶穌被惡人掩障聖目者。

應矜憐我等。

耶穌被惡黨棄絕過於兇惡無賴者。

耶穌被繫聖手於石柱者。

耶穌被重鞭聖身五千餘數者。

耶穌無罪而被問罪者。

耶穌肩負極重十字架者。

耶穌被釘十字架者。

耶穌被懸墜於十字架者。

耶穌被釘豎十字架於盜中者。

耶穌被嘗醋膽者。

耶穌仰求聖父赦仇者。

耶穌恩賜右盜升天者。

啟

耶穌被戟刺聖肋者。

應矜憐我等。

耶穌聖血水迸流注地者。

耶穌於十字架大敗吾仇者。

耶穌罄贖人者。

啟

望主垂憐。

應

耶穌救我等。

望主垂憐。

耶穌允我等。

於諸凶惡。

耶穌救我等。

於引誘邪淫之魔。

於罪過及其形罰。

於吾仇毒害。

於魔隱計。

於地獄之苦。

啟

於猝然死。

應耶穌救我等。

於永死。

為聖十字架。

為主茨冠。

為主三鐵釘。

為主刺戟。

為主五傷。

為主聖血。

為主艱難。

為主聖淚。

為主聖終。

至於審判。

罪人。

應求主俯聽我等。

求赦我罪。

主俯聽我等。

求恕我過。

求堅我善志。

求安聖死之恩。

求安心負我十字架。

求為主不顧世俗。

求聖十字架釘我罪過。

啟

應求主俯聽我等。

天主降世者。

求主俯聽我等。

天主受難者。

求主俯聽我等。

聖詠

天主贖人者。

求主俯聽我等。

吾主耶穌。自天降世。受萬苦多艱。自願以親身聖血。流注至地。救贖人罪。今爲主之劇苦。望許我罪人。於審判之日。幸在主右。安聽聖音云。

吾父聖福者。偕來享天國。吾父於世初。所備與爾者。亞孟。

天主爲救人贖人。許聖子降世爲人。受千百苦難。被釘十字架死。以逐吾之強仇。因此懇求。佑吾罪人。不犯主之聖命。增益我力。俾能立功。倚賴聖恩。俾免地

獄。獲登天堂。榮享眞福。亞孟。

吾主耶穌。聖父眞子者。爲我等天下萬民。釘於十字架。皆因我罪。主之聖血。盡流注地。我今感謝主恩。心專情摯。望主垂憐。俾我時時切念。易立善功。及我絕世。許入天國。沐主永福。亞孟。

感謝耶穌爲我代受艱難

吁。吾主天主。我稱揚爾。合掌尊敬爾。感謝爾。我自幼至長。受爾恩德甚多。天主子。爾最大最好。我亦感謝爾。爾爲我降

世爲人。願生在馬房中。爾母破巾包爾。置在馬槽中。亦飲乳。亦啼叫。如俗之幼子者同。後受窮苦。至三十三歲。躬盡艱難。被人萬般凌辱。出多汗血。又被人拿縛。被人侮慢。亦願受人唾面打嘴。著爾白長衣。辱爾如失顛人。爾亦願受人重打。皮裂血流。亦受人茨籬。縮頭。手足被人釘。口受醋。膽酸苦。爾最尊貴。乃衆生之主。懸在十字架上。裸身露體。受刑萬狀。捨盡己血。贖我等罪過。我今求爾。

賜我立心惜爾。要報爾此等恩德。爾之
聖愛。入我神魂之中。我今伸直神魂之
手。抱爾最清秀之十字架。亦切愛之。爲
其乃爾之清潔主臺。我亦俯伏尊敬爾。
尊貴手足釘孔。爲我罪人。被人釘傷。欲
我名。銘刻在被傷孔肉中。使爾永常記
我。我今再拜。多感爾寶傷聖血。猶美麗
春天之花。猶世間神驗妙藥。我今當爾
面前。認我罪。我爲最惡。我今藏頭隱面。
在此偏僻之處。我實無功。不當得此世

上所用之物。我亦不敢受人念及。但我當服衆人。我心要寬大。汎愛衆。愛人如愛己。尤惜我冤仇。我今爲著爾。辭我罪過。辭我惡行。辭我習邪俗。辭我快身事。辭斷各等惡情。我從今實背此世物。止要奉事爾。敬畏爾。隨爾主意。順守爾命。求爾要受納我。爾若助我。我常念爾。要受一切艱難。

耶穌受難瞻禮祝文

至仁至慈天主。昔茹答受厥罪罰。盜賊

受厥信賞。由爾公義之旨。伏乞與我等
仁慈之效。耶穌基利斯督受難。酬報各
異。宿謬胥除。獲其復生之寵。其偕罷德
肋。偕斯彼利多三多。乃活乃王於世世。

亞孟。

耶穌寶血瞻禮祝文

無始無終。全能者天主。爾定惟一聖子。
爲世人之救贖者。並欲以其寶血。息爾
聖怒。懇賜我等。恭敬此常生之寶價。仗
其德能。幸脫諸患於世。欣享永益於天。

其偕爾偕斯彼利多三多。爲一天主。乃生乃王世世。亞孟。

朝拜耶穌百肢誦凡十四肢

申爾福。吾主耶穌。基利斯督。極聖極尊之首。上諸天神。下諸世人。皆所宜敬。皆所宜畏。爾爲我人。見冠以刺。見擊以竹。

申爾福。贖我耶穌。極聖極麗之面。爾爲我人。見汚以唾。見批以掌。

申爾福。贖我耶穌。極聖極慈之目。爲我罪人。多流涕淚。被人掩障。

申爾福。吾主耶穌。極聖極飽之口。極聖極甘之

咽。爾爲我人。見苦以膽。見飲以醋。

申爾福。吾主耶穌。極聖極尊之耳。爾爲我人。見填以詈言。見充以辱語。

申爾福。吾主耶穌。極聖極遜之項。極聖極順之背。爾爲我人。見搥見笞。極重極多。

申爾福。吾主耶穌。極聖極貴之手。極聖極策之肱。爾爲我人。見釘見拽。伸於十字架上。

申爾福。吾主耶穌。極聖極良之胸。爾爲我人。見捶見痛。以多端之苦。

申爾福。吾主耶穌。極聖極善之心。爾爲我人。憂悶至極。見刺以鎗。

申爾福。吾主耶穌。極聖極貴之膝。爾爲我人。屢

以長跪。以代我祈禱天主父。

申爾福。吾主耶穌。可欽可崇之足。爾爲我人。見釘於十字架上。

申爾福。吾主耶穌。極聖之全躬。爾爲我人。懸伸於十字架。爾爲我人。見傷見死見痊。

申爾福。吾主耶穌。極聖極純極貴之血。爾爲我人。見潑見流於渾身。

申爾福。吾主耶穌。極聖極尊極貴之靈魂。爾爲我人。見付託於罷德肋之手。我自今日。至於死候。奉託吾主。以我靈魂。以我生命。以一切我身。我諸官。諸欲。與內外。諸功力。又奉託吾主。以我朋友恩人。與我親戚及我子女。又奉託吾主以

我父母昆弟姊妹。與我一切仇讐。等人之靈魂。望爾保我護我。管我守我。照我救我。於諸顯讐。於諸隱敵。自今以後。永永悠悠。亞孟。

認己罪

吁耶穌。爾乃我真主。天主。我將何言。我跪在此。叩首至地。自認己罪。我實有得罪爾。我多爲罪事。噫。我最愚頑。常違十誡。每逆爾命。不知報本。我最無用。塵埃糞土。沒有好處。我多罪惡。極其污穢。爾可憐我。付爾洗潔。噫。不若前日。莫得罪

爾之猶愈噫。爾可憐我。我前日若不自棄爾所賜之物。我今有多聖寵矣。是誰之過。是誰之過。我今與爾立約。後定不敢犯罪。要順爾命。雖被人碎割。亦不敢復得罪爾。吁。吾主天主。爾最慈悲。千萬可憐我。常念爾子耶穌。及聖母瑪利亞。併衆聖人在天上。與爾相和好。爾洗我神魂清潔。使我能得爾愛。能受爾福。亞孟。

五傷經規程

初行畫十字

恭向敬拜吾主左足之聖傷。念天主經五遍。○尋思聖左足苦難。是吾主爲贖我諸罪。願受釘左足之聖傷。尋想既畢。向聖左足恭誦云。

吾真主吾恩主。自生我。養我。存我。降來近我。自願贖我。不辭難苦。我大罪人。宜棄絕犯命之端。全心堅志。向主爲善。我今惟賴主佑。堅立此心。我本力弱。無能翕合聖意。求主爲左足聖傷。全赦我罪。施以特寵。望至成功。 亞孟。

念聖母經一遍。尋思聖母親見耶穌左足之傷。心中疼痛。哀苦難言。尋思既畢。向聖母恭誦云。

聖母吾慈母。我今一心想母之痛苦。一意體母

之艱難。應發我神子衷情。求我等之慈母。於我
心中。深刻吾主耶穌釘十字架左足之聖傷。俾
我時時切念不忘。再不敢犯誠得罪於天主。我
今哀懇聖母慈佑。引我罪人。得近十字聖架。親
吾主耶穌左足之聖傷。亞孟

念畢。親念珠十字架。如親聖左足之傷。恭向敬拜吾主
右足之聖傷。念天主經五遍。○尋想聖右足苦難。專心
念想。天主爲愛人。願贖人。甘受此右足之聖傷。感謝
吾主耶穌。爲我罪人。忍是苦難。尋思既畢。向聖右足
恭誦云。○

吾真主。吾恩主。我今一心稱美主情。主爲愛我。
不棄我罪人。賜如是重大奇恩。求主全赦我罪。
盡逐惡念。辭絕邪行。屏除惡言。恕我往失。加我

新恩。俾能遵從聖意。順聽主命。堅遠世俗。又求
賜我確信之德。固望之志。熱愛之情。仰主右足
聖傷。踐履善道。 亞孟。

念聖母經一遍。尋思聖母親見耶穌右足之傷。
心中疼痛。哀苦難言。尋思既畢。向聖母恭誦云。

聖母。吾慈母。我今一心想母之痛苦。一意體母
之艱難。應發我神子衷情。求我等之慈母。於我
心中。深刻吾主耶穌。釘十字架右足之聖傷。俾
我時時切念不忘。再不敢犯誠。得罪於天主。我
今哀懇聖母慈佑。引我罪人。得近十字聖架。親
吾主耶穌右足之聖傷。 亞孟。

念畢。親念珠十字架。如親聖右足之傷。恭向敬拜吾主
左手之聖傷。念天主經五遍。○尋思聖左手苦難。專心

記憶。天主爲願贖人。愛人至極。甘受此左手之聖傷。恭惟聖傷。是吾主爲我大罪。代受艱難。尋思既畢。向聖左手恭誦云。

吾真主。吾恩主。我今一心稱美主情。感謝主恩。主左手所被之苦。極兇極酷。爲願代我受此不肯爲善之罪罰。主手擔負聖身之重。爲願代我任罪過之巨負。今我恭拜聖傷。求主賜佑我專心思憶主恩。又求主爲左手聖傷。脫免地獄之永苦。亞孟。

念聖母經一遍。尋思聖母親見耶穌左手之傷。心中疼痛。哀苦難言。尋思既畢。向聖母恭誦云。

聖母吾慈母。我今一心想母之痛苦。一意體母之艱難。應發我神子衷情。求我等之慈母。於我

心中。深刻吾主耶穌。釘十字架左手之聖傷。俾我時時切念不忘。再不敢犯誠。得罪於天主。我今哀懇聖母慈佑。引我罪人。得近十字聖架。親吾主耶穌左手之聖傷。亞孟。

念畢。親念珠十字架。如親聖左手之傷。恭向敬拜吾主右手之聖傷。念天主經五遍。尋思聖右手苦難。專心記憶。天主爲愛人至極。降世爲人。願贖人罪。甘受此右手之聖傷。伏維聖傷。是吾主因我重罪。願被此難。尋思既畢。向聖右手恭誦云。

吾真主。吾恩主。我今一心稱美主恩。讚歎主旨。我雖多罪。無功無德。惟主聖性本慈。哀矜吾人。今爲主右手聖傷。求主於我棄世之候。賜開天門。晉享真福。亞孟。

念聖母經一遍。尋思聖母親見耶穌右手之傷。心中疼痛。哀苦難言。尋思既畢。向聖母恭誦云。

聖母吾慈母。我今一心想母之苦痛。一意體母之艱難。應發我神子衷情。求我等之慈母。於我心中。深刻吾主耶穌。釘十字架右手之聖傷。俾我時時切念不忘。再不敢犯誠得罪於天主。我今哀懇聖母慈佑。引我罪人。得近十字聖架。親吾主耶穌右手之聖傷。亞孟。

念畢。親念珠十字架。如親見右手之傷。恭向敬拜吾主肋旁之聖傷。念天主經五遍。○尋思聖肋旁苦難。爲吾主絕世後。復被此傷。我當竭情罄慮。思念吾主耶穌。於我罪人重愛如是。願死後更受此傷。全傾聖血。涓滴不存於聖躬。明示其盡贖吾人特意。尋思既畢。向聖肋

旁恭誦云。〇

吾真主。吾大恩主。我今盡心讚美主情。主死後
盡流聖血。以訓吾人。全心奉獻天主。立意罄情
事主。我大罪人。真懷是心。敢求於主。爲主肋旁
聖傷。賜我棄絕世俗之志。專向主情。時時想主
爲我所受之苦。懷主愛我所施之恩。心瞻神仰
主在十字架。被鎗刺之聖傷。 亞孟。

念聖母經一遍。尋思聖母親見耶穌肋旁之傷。
心中疼痛。哀苦難言。尋思既畢。向聖母恭誦云。

聖母吾慈母。我今一心想母之痛苦。一意體母
之艱難。應發我神子衷情。求我等之慈母。於我
心中。深刻吾主耶穌。釘十字架肋旁之聖傷。俾

我時時切念不忘。再不敢犯誠。得罪於天主。我
 今哀懇聖母慈佑。引我罪人。得近十字聖架。親
 吾主耶穌肋旁之聖傷。 亞孟。

念畢。親念珠十字架。如親聖肋旁之傷。終。念天主經五
 遍。為吾主受苦之五器。念天主經三遍。為吾主被釘之
 三釘。念天主經一遍。為吾主死後。肋旁被傷於鐵鎗。念
 天主經一遍。為吾主聖躬。被釘於十字架。念畢。俯伏耶
 穌苦像臺前。真心痛悔。從前所犯諸罪。立志真解。望賴
 聖佑。不敢復得罪於天主。

領聖灰誦

天主之言。天主之訓。世人皆微皆灰而
 已。昨日出於灰。異日歸於灰。為灰耶。為

人耶。天主提拔之爲人。不顧就爲灰。謝
天主罷得肋及費畧。及斯彼利多三多。
三位一體。天主。原以泥土造成人類。今
當謝主洪恩。望主提拔我。賜我常存謙
下之心。不生餘傲之念。凡我所思所言
所行。俱賴主提拔。佑我行善。挈我升天。
享無窮福。亞孟。誦在天亞物信經各一遍

聖灰禮義祝文

伏望天主。至仁至慈。隨茲齋禮。俾信爾
者。欣然承接。虔心持守。爲吾主基利斯

督。亞孟。

領聖枝誦

天主降榮下福於達味之子。天主居極高。自彼庇廕。自彼廣榮其國。

誦在天亞物
信經各一遍

聖枝禮儀祝文

無始無終。全能者天主。爾為作人類謙德之表。俾吾救世者。取形身而釘十字。懇祈爾與我等。師法其忍德。並偕與之復活。亦為是我等主耶穌。基利斯督。偕爾偕聖神。世生世王。亞孟。

聖十字架禱文

此禱文因未蒙教皇恩准誦之無
恩赦只可私念不可在堂公誦

啟 天主矜憐我等。

應 基利斯督矜憐我等。

天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

聖十字架造天地之根基者。

聖十字架若浮洪水諾厄之櫃者。

聖十字架每瑟舉銅龍於曠野之像者。

啟

聖十字架救古聖於靈薄者。
 聖十字架戰三仇之利兵者。
 聖十字架渡世海之寶筏者。
 聖十字架驅邪魔之寶劍者。
 聖十字架啟天門之寶匙者。
 聖十字架升天之高梯者。
 聖十字架常生之聖木者。

矜憐我等。

啟

望主垂憐。
 望主垂憐。
 於諸凶惡。
 於肉身之私欲。
 於耳之妄聽。

應 聖十字架赦我等。

聖十字架允我等。

聖十字架救我等。

於目之妄視。

於口之妄言。

於手足之妄動。

於心之倨傲。

啟 罪人等求天主子者。

啟 除免世罪聖十字架者。

除免世罪聖十字架者。

除免世罪聖十字架者。

啟 賴聖十字架救贖我等。

應 我號聲上徹於主。

應 主俯聽我等。

應 主赦我等。

主允我等。

主憐我等。

請衆同禱。聖奧斯定有言。世界之成。由聖十

字架。魔鬼之敗。由聖十字架。永死之沉。由聖

十字架。

經云。基利斯督。自謙聽命至死。釘死十字架。緣此天主顯揚伊。加厥美號。超越諸名號之上。吾曹宜光榮於吾等主。耶穌基利斯督十字架。凡爲吾主耶穌之真實弟子。必將其肉身與諸情慾。盡釘於十字架焉。

今我虔祈聖母。轉祈吾主耶穌。賜我心中。恒覺如是大痛。憶念不忘。亦如身負重大十字架無異。又賜我能勤荷聖孝之十字。亞孟。

向聖十字架誦

恭向敬拜聖十字架。爾爲罪人之切望。

憂苦之太平。山林中。奇美異香之樹。險
海內。乘風破浪之舟。敗邪魔。勝世俗。敵
肉身之神鎗。利劍。開天門。閉地獄。拔煉
靈之寶鑰。高梯。爾根。爾幹。爾枝。爾葉。爾
花。爾菓。從古以來。何樹有爾之嘉。何木
比爾之尊。爾自天地大君。釘死在上之
後。爾榮無極。爾能無窮。爾德無比。我今
念吾主耶穌。莫大恩功。虔恭敬爾。專心
向爾。信爾。係救吾之器械。愛爾。是贖我
之價值。望爾。得我罪之赦。我須之資。我

病之醫。我願之滿。我求之允。我苦之安。
更仗爾庇。扶我善行。今世之危途。一如
扶老之杖。至死不離。扶至天堂。息我永
安之所。亞孟。

尋獲十字架祝文

天主爾於尋獲救世聖十字架之榮耀。
復與爾受難之靈異。祈賜我等。賴此生
命寶木。得蒙常生之益。爲爾偕罷德肋。
偕斯彼利多三多。惟一天主。乃生乃王
世世。亞孟。

天主聖神禱文

此禱文因未蒙教皇恩准誦之無
恩赦只可私念不可在堂公誦

啟 天主矜憐我等。

應 基利斯督矜憐我等。

天主矜憐我等。

啟 聖神恩照我等。

基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

自無始發於聖父聖子者。

明證耶穌為真天主子者。

啟 眞道正理之根源者。

矜憐我等。

覆庇瑪利亞者。

施異能以成真主降孕之功者。

聖神充滿普世者。

恒居我等之心者。

賜吾上智明徹者。

賜吾正謀義行者。

賜吾剛毅勇果者。

賜吾敬畏天主者。

賜吾仁惠廉隅者。

賜吾誠信睦愛者。

賜吾謙遜辭讓者。

啟

賜吾寬柔忍耐者。

應矜憐我等。

賜吾深悔己罪者。

賜吾神形諸恩者。

賜先知諸聖能言未來者。

借白鴿之形。降臨耶穌聖頂者。

常想耶穌聖心者。

降臨之日。分現多舌如燄。坐於諸徒頂上者。

充滿諸徒之心。堅固其德者。

加諸徒勇敢。明認耶穌爲天主者。

賦宗徒光明。徹通正道者。

牖普世超性之識者。

賜諸宗徒信勇。固守主命者。

啟 賜我等重義輕生欽崇真主者。 矜憐我等。

賜我等懷感堅振之異恩者。

賜我一生諸罪全赦者。

啟 望主垂憐。 應 聖神赦我等。

望主垂憐。 聖神允我等。

於諸凶惡。 聖神救我等。

於諸罪過。

於魔隱計。

於妄恃主恩犯命無忌。

於失望主宥不復圖改。

於攻斥己見真理。

於妒忌他人福寵。

啟於固執不聽善勸。

應聖神救我等。

於怙終不改前惡。

於身心不潔之污。

於怨怒爭鬪不睦。

於邪淫之魔。

於諸魔害。

爲爾永發於聖父聖子之奧妙。

爲爾致聖子降孕之奇功。

爲爾於授洗時降現於耶穌聖首。

爲爾充滿宗徒心身。

至於審判。

罪人

求主俯聽我等。

啟

求赦我罪。

主俯聽我等。

求賜我等身既生於世上神復生於主前。

求賜我等不獲罪於聖神。

求賜我等不失聖神恩寵。

求賜我等真實和睦之恩。

求賜我等步履潔淨之道。

求賜我等不毀聖神之室。

求賜我等善教世迷之能。

求賜我等神貧之德。

求賜我等良善之德。

求賜我等泣涕之德。

求賜我等嗜義如飢渴之德。

啟 求賜我等哀矜之德。 應主俯聽我等。

求賜我等心淨之德。

求賜我等和睦之德。

求賜我等為義而被窘難之德。

求賜我等無懼於不赦之罪。

求賜我等不廢失堅振所受之恩。

求賜我等克終信望愛三德。

啟 除免世罪天主羔羊者。 望發爾聖神智勇。

除免世罪天主羔羊者。 望發爾聖神光芒。

除免世罪天主羔羊者。 望發爾聖神愛火。

天主經一遍

啟 天主肇成潔心於我。而重賦聖神於我心。

弗棄擲我絕於爾聖神。

應 爾聖神弗脫於我。

啟 復賜我蒙爾救而且樂。

應 爾聖神堅固我等。

啟 聖神之寵光。

應 求照我等。

啟 天主俯聽我禱。

應 我號聲上徹於主。

請眾同禱

吾全能天主。爾因聖神寵照。今訓誨諸
信者之心。望爾使我等。於是知識正直
之事。而以其安慰。常欣常樂。為爾子耶
穌。基利斯督。我等主。其偕爾偕是聖神。

爲一天主。乃生乃王。世世。亞孟。
求主聖神之火。灼熱我等。冰心。以能貞
身服勤主命。併能淨心。翕合主旨。

感謝天主之大恩。於萬億人中。特賜我
進教事主。我卑微懦弱。伏望時加護佑。
克勝三仇。以至末日。實獲臨終之聖寵。
爲我主耶穌。亞孟。向天主聖神誦一遍。見一百六十張

聖神降臨誦

伏求聖神降臨。從天射光。充滿我心。爾
爲貧乏之恩主。孤獨之父。靈性之光。憂

者之慰。苦者之安。勞者之息。涕者之樂。吾心之飴客也。

伏求聖神降臨。以潔心污。以灌心枯。以醫心疾。以柔心硬。以暖心寒。以迪心履。伏求聖神降臨也。

請衆同禱。以聖神之名。滿信者之心。天主者。賜我等聖神光輝。以長至智。以恒安樂。爲我等主。基利斯督。亞孟。

聖神降臨本瞻禮祝文

全能天主。爾因聖神寵照。今訓誨諸信

者之心。望爾使我等。於是聖神。知識正直之事。而以其安慰。常欣常樂。爲爾子耶穌。基利斯督我等主。其偕爾。偕是聖神。爲一天主。乃生乃王。世世。亞孟。

聖神降臨第一副瞻禮祝文

伏望天主。加我熱愛。併能淨心。以合主旨。爲我主耶穌。基利斯督。亞孟。

聖神降臨第二副瞻禮祝文

感謝天主之大恩。於萬億人中。特賜我進教事主。我卑微懦弱。伏望時加護佑。

克勝三仇。以至末日。實獲臨終之聖寵。
爲我主耶穌。亞孟。

求神愛誦

吾主天。賜我諸德。尤望賜我聖寵。能以
全心全靈。專志愛爾。我若充盈愛爾之
愛。乃我望之慰。我心之味。我靈之生命。
我神體之安居。我明悟之朗耀。求爾除
滅我心之偏情。立一大殿於其中。爲爾
永居。使爾愛情之箭。深透我心。愛情之
味。扶養我靈。噫嘻。何時得遂此願。何時

盡絕不合爾意之情。何時盡克私意。而
遵守爾旨。何能全忘我身。惟純記憶吾
主。何時盡捐諸物。諸事於我心。惟獨存
吾主。何時愛情之火。炙熱我心。何時得
享爾之愛情。何時賜我得合爾旨。永遠
不離。爲我等主耶穌。基利斯督。亞孟。

聖三光榮頌

天主罷德肋。天主費畧。天主斯彼利多
三多。吾願其獲光榮。厥初如何。今茲亦
然。以迨永遠。及世之世。亞孟。

耶穌聖體禱文。

啟 天主矜憐我等。

應 基利斯督矜憐我等。

天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

性命之糧自天而降者。

啟耶穌聖體人之性命者。矜憐我等。

隱藏救世之天主者。

以聖愛永愛吾人者。

與主遊往未嘗有厭者。

與主交友有善樂者。

膏糧及帝王之珍膳者。

至潔之聖誕與主偕燕有愷樂者。

天神之糧者。

活糧健裨普衆者。

真飲樂普衆者。

啟敬畏主者之大慰。

應矜憐我等。

主之神氣甘於蜜。

主之遺味超絕諸美。

簡閱者之神糧。

生育童貞之醴。

奧蘊之瑪納。

吾生吾德諸望所從出者。

真道正學之恩所由來者。

天主奇異諸事之標蹟。

厚養人之糧者。

啟費畧降生之本體。

應矜憐我等。

與世游王者。

無玷之綿羔者。

聖祭之聖品及降福之爵者。

預防諸罪之天藥者。

天主仁愛之首榜者。

恩賜之第一恩賜者。

吾眾罪之恩赦者。

天主恩惠之流溢。

常生之劑。

啟 本體以筵賓者。

應 矜憐我等。

天神供案最飴之筵者。

仁愛之聯合者。

自為獻品而且為獻者。

神飴之原者。

諸聖魂之飽飴。

善終之資。

身後真福之質。

啟 望主垂憐。

應 主赦我等。

望主垂憐。

主允我等。

啟於干冒天主聖體聖血之罪。應主救我等。

於肉身之私欲。

於目之妄視。

於心之倨傲。

於諸罪過之誘。

爲主同宗徒行聖教大禮者。

爲主至謙濯門徒之足者。

爲主之至愛立聖體之奧禮者。

爲主寶血恒流聖臺者。

爲主聖躬五傷爲吾儕所受者。

罪人。

應求主俯聽我等。

求賜我等堅存真信虔奉主之聖體者。

主俯聽我等。

求免我等陷諸異端與諸惡情。

求賜我等時受斯至奧至重之鴻恩。

求賜我等臨終之時以此聖血撫慰堅定我

心者。

天主子者。

應求主俯聽我等。

啟
除免世罪天主羔羊者。

應主赦我等。

除免世罪天主羔羊者。

主允我等。

除免世罪天主羔羊者。
主憐我等。

啟 基利斯督俯聽我等。

應 基利斯督垂允我等。

啟 天主矜憐我等。

應 基利斯督矜憐我等。
天主矜憐我等。

啟 在天我等父者。云云。至文不我許陷於誘惑。

應 乃救我於凶惡。亞孟。

啟 吾至仁至慈之主建立諸異蹟之標。

應 以食諸敬畏己者。

啟 吾主自天畀我之食。

應自含諸甘馨。

啟吾主自主聖臺我等恭領耶穌聖體。

應吾身心所向而生踴躍者。

啟望主俯聽我禱。

應我號聲上徹於主。

請衆同禱。吾主耶穌。活天主子。初因聖父之旨。及聖神之功。以主寶死。致世人復活者。求爲主聖體聖血之尊奧。脫我於諸罪。及諸凶惡。俾我常依主命。永不違離於主。吾主俯聽我籲。療我靈疾。

使我既獲主赦。永樂於主之眞福。

天主於斯奇妙之禮。初遺主受難之跡者。使我欽崇聖體聖血。可時獲主洪錫。天主預備不可見之諸美。酬諸具愛德者。乞賦我愛主之誠心。令我事事愛主。且愛主萬有之上。以終獲享主所許眞實之永福。

天主聖體。及諸聖誠。咸令我自新。克肖主像。乞導我獲履眞道。以主仁慈。實獲主愛之賜。凡所命我輩仰望者。惟爲吾

主耶穌基利斯督。偕爾聖神。世生世王。
亞孟。

凡諸信者。靈魂。賴天主仁慈。息止安所。
亞孟。

欽敬聖體仁愛經

至慈吾主耶穌基利斯督。自甘受傷。傾
血。釘死在十字架上。為救贖眾罪。又永
留聖體大祭。養人靈。醫人心。更顯其愛
於無窮極。罪人_某等。感受如是鴻恩。痛悔
往愆。大發心願。將我形神。盡獻吾主。時

時欽敬。思慕聖體。懇賜恩佑。改過。堅定
我心。令我以毫釐仁愛。報主無窮仁愛。
得至善終。享天上仁主。永遠真福。亞孟。

耶穌建定聖體瞻禮祝文

吾主耶穌。爾奇異聖體之內。遺吾等於
爾受難之憶。懇祈使我等。於爾聖體聖
血奧義之敬。常獲爾救贖之效。偕爾偕
罷德肋。偕斯彼利多三多。乃生乃王世
世。亞孟。

耶穌聖體瞻禮祝文

天主。爾奇異聖體之內。令我等深憶爾受難之迹。懇主仁慈。俯賜我等。聖體聖血。奧義之敬。脫諸凶惡。俾獲爾救贖之實效。偕爾偕罷德肋。及斯彼利多三多。乃生乃王。世世。亞孟。

聖心規程

引言 天主耶穌仁愛大恩。我等感謝不盡。故聖名聖十字。聖五傷。靡不敬畏。最重者。莫如聖體。然聖體之死於十字架。聖體之五傷。長留聖體特恩。皆從聖心所發。應舉行欽崇之典。數十年前。拂郎濟亞修院中。一貞女。主令

目覩聖心。熱愛炎炎。勝於烈火。且屢示恭敬之規。人能實力廣傳奉行。主必賜非常恩佑。並可補自己與他人。從前冒領不尊之罪。即陳明一耶穌會神父。又一日。貞女領聖體時。天光奪目。光中明見三心。一在上如火。二在下漸合如一心。亦詳陳之。遂遵耶穌所定。每年聖體瞻禮第九日。爲恭敬聖心瞻禮。凡主日之第六日領聖體。求補罪受恩。經文如後。凡例 耶穌念珠三十三子爲本珠。起首不同之一子爲間珠。過三本珠。又一間珠。後十本珠。各一間珠。共間珠四。本珠三十三。成一串。○凡誦經者。捧念珠十字架。先念向十字誦

一遍。後念間珠誦一遍。本珠誦三遍。○間珠誦一遍。中間本珠誦三十遍。每十遍念間珠誦一遍。○聖母聖心亦用三十三子。經不同。念法皆同。○各珠誦訖。念在天亞物各一遍。再念祝文禱文。惟念聖母間珠誦之後。俱念亞物一遍。

恭敬耶穌聖心

向念珠十字誦 恭向敬拜。吾主耶穌基利斯督。懇求耶穌之聖靈救我。懇求耶穌之聖心熱我。懇求耶穌之聖軀救我。懇求耶穌之聖血酣暢我。懇求耶穌聖肋之水潔淨我。懇求耶穌之苦難聖死。堅我勵我。於戲。伏望全仁全善。至愛

至慈吾主耶穌。俯允我求。藏我於聖傷中。勿棄我。勿拒我。毋許瞬息或離。救我諸仇諸惡。迄我終期。容我趨赴主臺前。偕諸神聖。讚揚我主於無窮。亞孟。

向間珠誦 至仁至愛吾主耶穌。以爾聖心。變化我心。惟望我心。同爾聖心之聖。我今在此叩拜聖心。感謝爾山園祈禱。極悶極憂。爲補當時後世背主叛恩。輕慢聖體之罪。吁嗟。惟爾爲無始之聖。惟爾爲無上之主。惟爾爲無對之尊。✠向本珠誦。敬拜吾主耶穌極聖之心。敬求耶穌聖心極熱之愛。惟爾聖愛之火。能熱我心。✠

祝文

吾主耶穌。以爾聖心中。所發重愛難施。言語難明之奇蹟。自成聖體大禮於寰區。將真主真人之身心性命。全賚於吾人。永垂弗替。我等拜恩無地。抱咎良多。今不勝實情痛悔。深惡人人辜負。洪恩之罪。求主無窮仁愛。充滿我心。自今後。惟有全心竭力。盡瘁輸誠。讚揚吾主耶穌聖心之慈善。亞孟。

耶穌聖心禱文

此係教宗准定之禱文。教友照誦。每次可得三百天大赦。

啟 天主矜憐我等。

應 基利斯督矜憐我等。 天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。 應 矜憐我等。

贖世天主子者。

聖神天主者。

三位一體天主者。

啟
無始聖父之子耶穌之聖心。應矜憐我等。

耶穌聖心聖神所成於貞母胎中者。

耶穌聖心全體合於天主物爾朋者。

耶穌聖心無限尊威者。

耶穌聖心爲天主之聖殿。

耶穌聖心爲至上者之幕府。

耶穌聖心爲天主之宮上天之門。

耶穌聖心爲愛火之烈窰。

耶穌聖心爲義德慈愛之總滙。

耶穌聖心充滿慈善仁愛者。

啟
耶穌聖心為諸德之淵。應矜憐我等。

耶穌聖心最宜讚頌者。

耶穌聖心為眾心之王眾心之向者。

耶穌聖心為上智神明諸寶藏之所在。

耶穌聖心為主性全備之所居。

耶穌聖心為聖父所忻悅者。

耶穌聖心我等咸受其盈餘。

耶穌聖心為永遠山陵之仰望。

耶穌聖心最忍耐慈悲者。

耶穌聖心富有以賜禱爾者。

啟
耶穌聖心爲神命聖德之源。矜憐我等。

耶穌聖心爲我等罪惡之補贖。

耶穌聖心飽受凌辱者。

耶穌聖心爲我等罪惡傷殘者。

耶穌聖心至死順命者。

耶穌聖心爲長矛所刺透者。

耶穌聖心爲諸忻慰之泉。

耶穌聖心爲我等之生命復活。

耶穌聖心爲我等之安樂平和。

耶穌聖心爲贖罪之犧牲。

啟 耶穌聖心為望爾者之救援。矜憐我等。

耶穌聖心為臨終賴爾者之仰望。

耶穌聖心為諸聖人之權佑。

啟 除免世罪天主羔羊者。應 主赦我等。

除免世罪天主羔羊者。主允我等。

除免世罪天主羔羊者。主憐我等。

啟 良善心謙之耶穌。

應 懇使我等之心仰合爾心。

請 眾同禱。全能無始無終者天主。垂

視爾極愛子之聖心。並視其代我罪人。

所獻於爾之讚頌。所行之補贖。凡罪人
乞爾慈憫。懇即息怒。赦宥之。爲爾子耶
穌。基利斯督之聖名。其偕爾偕聖神。爲
一天主。乃生乃王於無窮世。亞孟。

奉獻於耶穌聖心祝文

吁。至甘飴之耶穌。救贖人類者。吾儕伏
於爾聖台前。求爾垂視。憐顧。我等原屬
於爾。亦實甘心屬下於爾。今爲與爾聯
合更深。故於今日。將我等情甘再獻於
爾聖心。仁慈耶穌。人類之中。多有從未

識爾者。更有輕視爾誠。背叛爾者。求爾
一一矜憐。引歸爾之聖心。吾主耶穌。求
爾不但作我信友。未離爾者之君王。亦
求作彼敗子。背離爾者之慈父。賜早歸
家。不致困餓而死。凡爲謬見所惑者。或
因讐恨不睦者。求爾作其君王。引至真
實之岸。臻於信德之至一。使成一棧。共
爲一牧之所牧。未奉教者。深爲異端回
回之所迷。求爾作其君王。賜脫暗昧。得
視真光。同歸天主之國。吾主耶穌。以爾

慈目憐視。特選如得亞民。雖彼等担負。無辜義血。亦可沾領聖洗。而得救贖。常生。賜爾聖而公會。安享自主之權。無擾無阻。並賜萬民俱治。盡享泰平。更賜寰區八極。同聲讚爾聖心。曰。耶穌聖心。俾我得沾救贖之惠。願其受享光榮。迄無窮世。亞孟。

盡聖盡仁。救世之主耶穌。以從來未有之新恩。常留於聖而公會。大開福樂之途。今我等虔恭求爾。許我時隨至愛。報

主盡聖。盡仁之恩。補我負主。負恩之罪。
偕罷德肋。及斯彼利多。三多。均生均王。

亞孟。

獻心誦 恭獻自己之心。求合於主心。

至聖之心兮。神愛泉。聖三之宮兮。重生
原。爾情如醉兮。及血流。振振志兮。永不
休。爾爲犧牲兮。用救萬民。爾爲飲食兮。
用飽饑人。心兮。心兮。誰知爾志。惟火生
火。惟情引情。悲哉。悲哉。爾情猶火兮。我
冷似堅冰。爾潔如玉兮。我惟習醜行。爾

首戴棘兮。我欲安華枕。爾求辛苦兮。我苦則不寧。嗚呼。我心兮。已焉哉。爾猶匪石兮。云胡不裂。負心之心兮。已焉哉。耶穌至善者。心不知爾美。匪心也。耶穌極仁者。人不感爾惠。匪人也。耶穌大明者。爾心度我心。愛乎否乎。爾心知之。耶穌全美者。永失愛爾。我愛若小。爾愛之大。足以大之。我心若冷。爾心之火。足以火之。獨賴我力。力無所能。敬求爾心。始無不及。今我所大欲者。以心易心而已矣。

爾心所好。我亦好之。爾心所惡。我亦惡之。爾心所思。我亦思之。爾心所願。我亦願之。夫愛之誠。惟在實行。不在虛言耳。是故我禱於爾。耶穌所貽。我愛之愛。我心之心。懇懇求爾。範鑄我心。爾光照之。令其愛耶穌而生焉。爾火煬之。令其愛耶穌而死焉。爾策圍之。俾其以世俗之樂爲苦。以耶穌之苦爲樂焉。以十字聖木益之。使其研厥價。而知厥味。拳拳抱之。而繫焉。以耶穌三釘釘之。賜體信望。

愛三德。克信而無惑。克望而無變。克愛而無限。心兮心兮。奚爾見傷。戟兮戈兮。奚我不戕。心中傷兮。喜永不愈。可愛瘡兮。幸而弗去。噫。耶穌心生之生者。我心既爲爾所取。爾心既爲我所得。自今而後。拜爾聖心。以爲我行之元。我憂之慰。我病之痊。我悅之始。我謀之終。我罪之宥。我德之榮。惟佑我生。惟善我死。聊與爾如一。同觀天國之光。同得永福之慶。

亞孟。

仰賴聖心求救煉靈誦

吾主耶穌。至仁大主。降來人世。爾心劇苦劇難。凡人遭遇困窮。爾心憐憫。亟施拯救。粵遡當時。受爾誨者。五千餘人。隨至曠野。饑餓難堪。爾以全能。俱令飽飫。又因孀婦。惟生一子。病亡悲慟。爾心惻然。命子復活。以還其母。又辣匝錄。已死四日。其妹瑪爾大。瑪大肋納。痛哭求憐。爾心憫然。命兄復活。以還其妹。吁。爾寬哉。仁哉。甘哉。萬民重罪。爾身代之。萬民

永罰。爾身贖之。今爾在天。無異於世。俯
憐煉獄衆靈。彼心契合爾心。爾心所好。
彼亦好之。爾心愛彼。彼亦愛爾。彼在煉
獄。如病莫興。我等願輔之助之。但我罪
人。無功無德。惟賴爾心。無限功勞。息彼
於安所。嗚呼。爾竟亡羊。急追歸棧。煉獄
衆靈。不比亡羊。雖因微愆。未合聖棧。然
盼望甚殷。自行無力。我等叩首至地。誠
切哀呼。俯允此求。賜彼速登天棧。常享
眞榮。亞孟。

耶穌聖心瞻禮祝文

吾主耶穌。賜我等服習爾聖心之德。炙熱於聖愛之情。俾得成爾聖善之像。以蒙救贖之效。爲爾偕罷德肋。偕斯彼利多三多。惟一天主。乃生乃王。世世亞孟。

向耶穌普世總王誦

吁。耶穌基利斯督。我認爾爲普世總王。凡諸受造。皆爲爾而造。請行爾權能於我身。我今復許領洗之願。棄絕魔鬼。及其虛榮與諸行。我許以後度善信者。

之性命。特盡心設法。務使天主與爾聖
教權能。克獲榮勝。耶穌天主之心。將
我微行。奉獻於爾。使衆心悉認爾之至
聖王位。俾爾和平之國。成立於普世。
亞孟。

凡照常行要功。而誦右經者。每日可得一次全赦。
一千九百二十三年。二月二十一號。聖赦部頒行。

奉獻全家於耶穌聖心誦

吾主耶穌。我今跪在爾聖心像前。感念爾諸凡
恩德。愛慕爾無窮美善。回念爾告福女瑪加利

大。願各國君臣。咸獻於爾。我今體爾聖意。依賴無原罪聖母瑪利亞。及中國大主保聖若瑟轉達。將我全家獻爾聖心。願家中常有信望愛三德。人人勤謹行事。用心祈禱。內外平安。懇求爾仁慈聖心。作我家主。理我諸務。吁。可愛之耶穌。我將一切景況。無論患難喜慶。全托於爾。求爾降福於生者。亡者。出外者。在家者。凡爲我家人。莫不保護。倘我儕之中。有人傷爾聖心。求爾寬宥。仍復垂憐。吁。耶穌聖心。爾固慈善無量。我求爾保佑天下教友。并使中國外教進教。聖教平安。噫。仁愛之海洋。求爾助我全守主誠。卒得善終之恩。用望全家均至天堂。永謝爾聖愛。亞孟。

恭敬聖母聖心望賜轉求

向念珠十字誦。恭向敬拜天主聖母。童貞瑪利亞。懇求瑪利亞之聖靈聖我。懇求瑪利亞聖心中。所愛爾子耶穌熱愛之火熱我。懇求瑪利亞之聖步引我。懇求瑪利亞之聖手受我。懇求瑪利亞之聖目憐視我。懇求瑪利亞之聖耳聽我哀呼。懇求瑪利亞之聖舌。代我轉祈。懇求瑪利亞之聖軀潔淨我。懇求瑪利亞之重苦。堅我勵我。於戲。伏望大主保仁慈聖母。俯允我求。藏我於聖心中。勿棄我。勿拒我。毋許瞬息或離。救我於諸仇諸惡。迄我終期。容我趨赴爾臺前。偕爾聖子耶穌。及諸神聖。讚揚爾恩德於無窮。亞孟。

向間珠誦。乃聖乃慈。聖母瑪利亞。惟祈變化我心。能同爾子。吾主耶穌之聖心。念聖母經一遍。向本珠誦。甚矣聖母之聖心。允矣聖心之貞潔。以爾熱愛吾主耶穌。聖愛之火。薰炙我心。同歸於熱。

祝文

惟聖惟神。天主斯彼利多三多。因爾奇妙之化。丁。滿被額辣濟亞於聖母瑪利亞之聖心。可爲天主之寶座。今我等真切懇求。望主神恩。允我罪人。常託庇於聖母聖心之內。臨終時獲享吾主耶穌基利斯督。所許之真榮。亞孟。

聖母聖心禱文

此禱文因未蒙教皇恩准誦之無
恩赦只可私念不可在堂公誦

啟 天主矜憐我等。

應 基利斯督矜憐我等。

天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

啟 聖母瑪利亞。應 求賜愛耶穌之愛以熱我心。

瑪利亞聖心滿被額辣濟亞者。

瑪利亞聖心天主降福獨隆超越衆心之上。

啟

瑪利亞聖心為天主聖三之安宅。

瑪利亞聖心與耶穌聖心同心同聖。

瑪利亞聖心為耶穌欣樂。

瑪利亞聖心為謙德中至極之謙亘古莫能幾及者。

瑪利亞聖心為潔淨中至極之潔無物可能形容者。

瑪利亞聖心為慈憫矜憐之府庫。

瑪利亞聖心為耶穌熱愛之火。

瑪利亞聖心為仁愛無涯之大海。

瑪利亞聖心為天主全德聖容之明鏡。

瑪利亞聖心為至聖童貞之首。

瑪利亞聖心為耶穌寶血之所由生。

瑪利亞聖心為救世大恩之夙望。

啟 瑪利亞聖心為罪人肆宥之轉求。

應求賜愛耶穌之愛以熱我心。

瑪利亞聖心為耶穌一生言行之總贖。

瑪利亞聖心為苦刃所刺者。

瑪利亞聖心於耶穌受難時極其憂悶。

瑪利亞聖心與耶穌同釘於十字架。

瑪利亞聖心與耶穌同瘞於石塚。

瑪利亞聖心於耶穌復活後歡心無似亦

如死而復活。

瑪利亞聖心於耶穌升天時滿其悅樂。

瑪利亞聖心於聖神降臨又得無盡無窮之寵照。

瑪利亞聖心為憂苦之慰。

啟 瑪利亞聖心聖心為罪人之託。

應 求賜愛耶穌之愛以熱我心。

瑪利亞聖心為恭敬者之仰望。

瑪利亞聖心為諸信者臨終之助佑。

瑪利亞聖心為諸天神聖人之權怵。

啟 仰惟聖母瑪利亞至仁至愛至潔至謙。

應 願將我等之心合於耶穌之心。

吾主天主。爾極聖之心。為救我等於艱難叢集

中。賜以至善至慈聖母瑪利亞之心。與耶穌聖

心。同仁同愛。容我求恩轉達。今惟賴聖母大勳。

變化我心。髮鬚耶穌聖心之聖。為我等主基利

斯督。亞孟。

聖母聖心祝文

無始無終。全能者天主。爾於童貞瑪利亞之聖心。特備聖神之寶殿。懇祈慈佑。俾我等熱切敬此至潔之心者。能依爾心以生。爲吾主耶穌。基利斯督。其偕爾。偕是聖神。惟一天主。均生均王。世世。亞孟。

聖彌額爾及諸天神列品禱文

此禱文因未蒙教皇恩准誦之無恩赦

啟 天主矜憐我等。

應 基利斯督矜憐我等。

天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

啟 聖瑪利亞。

應 爲我等祈。

天主聖母。

諸童身之聖童身者。

諸天神之母皇。

聖彌額爾總領天神者。

聖彌額爾護守聖教者。

聖彌額爾克勝魔鬼者。

聖彌額爾統收靈魂者。

聖嘉俾厄爾侍衛聖母者。

聖嘉俾厄爾來報聖母者。

聖嘉俾厄爾天主遣使者。

聖嘉俾厄爾奉事耶穌者。

聖辣法厄爾引導旅人者。

啟

聖辣法阨爾驅遠魔鬼者。

應為我等祈。

聖辣法阨爾療愈目瞽者。

諸聖遣使天神及宗使天神者。

真福聖品諸天神者。

護守萬國諸聖天神者。

護守府州等處諸聖天神者。

護守帝王仕宦諸聖天神者。

護守世人諸聖天神者。

送獻人善諸聖天神者。

為人轉求賞善諸聖天神者。

為人轉求免罰諸聖天神者。

安慰憂患諸聖天神者。

啟 先知之師諸聖天神者。 應 為我等祈。

侍立天主座前諸聖天神者。

啟 為爾純性。 應 求照我等。

為爾奇妙。 求淨我等。

為爾巨能。 求護我等。

為爾盛愛。 求導我等。

為爾真福。 求願我等。

基利斯督諸天神之真福。 求主俯聽我等。

基利斯督諸天神之榮光。

基利斯督諸天神之忻樂。

為天神昔守地堂之門。

為天神昔慰聖亞巴郎許其胤嗣。

啟

為天神昔禁聖義撒格之死。求主俯聽我等。

為天神昔引聖多俾亞之路。

為天神昔携聖祿德使出淫城以免同燼。

為天神昔付聖每瑟古教之令。

為天神肅奉耶穌聖誕之時。

為天神來報牧童以耶穌聖誕。

為天神進膳於耶穌嚴齋之後。

為天神顯現耶穌於受難時。

為天神來報聖徒以耶穌復活。

為天神扈從耶穌升天。

為天神屢敗敵軍。

為天神勉勵致命諸聖。

為諸天神祈免我等之罪。
為諸天神祈賜我等同享真福。

啟

除免世罪。天主羔羊者。

應主救我等。

除免世罪。天主羔羊者。

主允我等。

除免世罪。天主羔羊者。

主憐我等。

啟

天主矜憐我等。

應

基利斯督矜憐我等。

天主矜憐我等。

天主經一遍

啟

我願稱頌吾主。天主於諸天神之前。

應

我將陟聖殿而稱頌吾主。天主之聖名。

啟

天主俯聽我禱。

應

我號聲上徹於主。

請衆同禱。吾主天主。依爾全知。明鑑天神世人之品。析別其職。懇祈天主。命恆侍天神。降護吾生。爲我等主耶穌。基利斯督。亞孟。

天主諭令天神。指引我路。扶我勿履石上。凡人護守天神。恆瞻天主聖父光榮。請衆同禱。全能無始無終天主。生我賜我靈魂。肖似於主。又命天神護守。懇祈吾主。賜僕聖佑。率訓遵命。獲免神形諸患。死後同諸天神。享天上眞福。爲我

等主耶穌。基利斯督。亞孟。

向諸品天神誦

天上尊美諸品萬神。天地大君遣使者。
爾靈性知愛德能。超絕人類。無可比擬。
我冀面覲天主。爾常享見。我切望天上
真福。爾久得之。久存之。爾體純神無質。
爾欲德向善。恒一不變。爾明德直通。不
煩推論。爾寵異尊秩。勿以爾尊健明潔。
棄我卑愚弱污。求爾今世訓我愚。振我
弱。使我如爾承行主旨。死後與爾偕享。

永樂。亞孟。

向護守天神誦

極尊天地大君神使者。從我入世至今。
與我偕。須臾不離。教我善。懲我惡。抑鎮
邪魔。使不得施計。迷害於我。我行爾指
我路。我怠爾策。我勤。我憂爾慰。我心。我
立神功。爾獻於天主。我常得罪。爾爲求
赦。我今追思已往。屢忘爾恩。不聽爾教。
不戒爾懲。我今深悔苦痛。定心立志。以
後感謝爾恩。恭敬爾陪。體懷爾情。聽遵

爾教。勉力爲善。再不爲惡。不致爾憂。懇求勿棄絕我。寬裕教我。使我行善。以至升天。同享永樂。亞孟。

向聖彌額爾天神誦

天地大君。三軍之帥。善神之首。聖彌額爾。保守聖教會。昔日抑禁邪魔驕傲。使認天主至尊。大能無偶。轉求天主。賜教中諸品級。聰明剛毅。以能醒悟異端。解明大惑。加之神力誠意。以能體懷仁義。正肅萬民。爾依主命。世人終時。携靈魂。

置之主前。聽斷其行。辨定善惡。或因善
 受賞上升。或因惡受罰下墮。我亦忝入
 聖教。感謝爾。真切望爾。佑我平生。痛悔
 前非。以至死後。求主赦我重罪。 亞孟。

建聖彌額爾大天神殿祝文

天主爾以奇妙秩序。分別天神。及世人
 職事。懇賜俯佑。使在天恒侍爾側之神。
 亦在世衛護我等之命。為爾子耶穌。基
 利斯督我等主。偕爾偕聖神。世生世王。
 亞孟。

聖母無原罪禱文

啟 天主矜憐我等。

應 基利斯督矜憐我等。

天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

應 矜憐我等。

吁瑪利亞無原罪之始胎。

每啟先念此一句

啟 應

我等奔爾台前為我等祈。每應念此一句

吁云云聖父聖子聖神首愛者。應我等云云

吁云云皇皇聖三之安宅。

吁云云聖子降生之活殿。

吁云云耶穌之母卒世童身者。

吁云云爾心與耶穌之心極肖者。

吁云云與釘十字之耶穌同受萬難者。

吁云云允為聖神七恩特飾黃金燭台者。

吁云云熱愛天主之火如全燔之祭者。

吁云云純美無玷者。

吁云云活信德之表。

吁云云飴望德之母。

吁云云美愛德之后。

吁云云蒙主特免財色意之慾者。

吁云云特選爾姪潔淨之原為滌世

人之污穢。

吁云云天主曾許聖祖繼厄娃踐踏蛇首者。

吁云云為先知預言者。

吁云云古多賢女為爾之像預。

吁云云義辣厄爾喜爾聖名甘飴純福者。

吁云云義德太陽之曉明。

吁云云嬰孩之時已獻童身於天主者。

吁云云女中爲讚美者。

吁云云受造之內爾爲極全者。

吁云云諸天神聖人之母皇。

吁云云諸揀選之儀範。

吁云云成德人之寶藏。

吁云云荆茨中皎白如玉莖者。

吁云云聖爾公會之輝耀。

吁云云教中人之光榮。

吁云云掌握主恩盡施普衆者。

吁云云魔鬼之畏敵。

吁云云罪人之託望。

吁云云弱人之提拔。

吁云云窘難臨終之安慰。

吁云云特庇虔求爾者。

吁云云衆子極仁之母。

吁云云於永榮永樂之域爲門者。

吁云云以爾德馨牽爾子女引之升天者。

除免世罪天主羔羊者。主赦我等。

除免世罪天主羔羊者。主允我等。
除免世罪天主羔羊者。主憐我等。

啟 吁童貞瑪利亞爾始胎毫污未染。

應 為吾轉求天主聖父。蓋爾因聖神之
工無損童貞。生其聖子耶穌。

教宗必約第六位。於一千七百九十三年。賞
與虔誦此兩句經者。每次得一百天大赦。

請眾同禱。天主爾特賞童貞瑪利亞。
無染原罪。以備爾子耶穌適宜之所。託
賴聖母轉達。凡詣瞻被隆恩者。求爾保

其心身潔淨。痛絕世污。並賜今世平順。
日後賞升天國。永享榮光。靖福。爲爾子
耶穌基利斯督我等主。偕爾偕聖神。惟
一天主。乃生乃王。世世。亞孟。

讚美聖母無玷之經文

吁瑪利亞。吾儕讚頌爾。認爾原無玷染。
爾本衆犯恩保。罪人等仰懇爾。普
世信輩。繕靈諸會之友。於爾始胎。無不
熱切呼號。曰。無玷。無玷。無玷。天
主童貞之母哉。天旣曉明矣。誰能外

爾熱。天堂諸天神。稱頌聖父之忻女。地獄諸罪囚。畏服聖子之立母。煉獄諸靈魂。仰呼聖神之寶殿。聖而公會之子女。同心舉揚寬仁之母。聖婦亞納。惟一之愛女。天主忻悅若瑟之淨配。叶瑪利亞。爾爲赦宥之脉絡。聖寵之奇母。爾爲救人類。曾獻爾身。依嘉俾阨。爾報施樂衆心。爾又滿著殊美侍立。天主座佑。爲世人求成之母皇。故吾懇求助佑。特慶無玷始胎者。俾吾同

諸天神。共享無窮福美。護爾門下嗣業。
祐伊力行德績。於爾瞻禮日中。共詣
讚美瑪利亞。頌揚可愛之名。在諸名之
上。因爾至潔之始胎。懇祈救我於罪
埃。又爲爾小僕。將爾胸乳。顯示爾子。
使伊將己心身全傷。顯獻聖父。執此
愛據。何求不得哉。吁瑪利亞。凡諸受
造者。咸宜忻躍。頌揚爾無玷之始胎。
啟全美寵愛童女。原污絕未爾染。
應福哉童貞瑪利亞。我等讚美爾至聖

無玷之始胎。

凡念上節應經福哉云云。於一千七百九十三年。教宗比約第六位。賞一百天大赦。

請衆同禱

至仁至慈天主。爾於童身瑪利亞心中。爲爾子耶穌基利斯督。立一無玷之潔宮。因爾喜其轉達。感發爾慈心。使吾潔清事爾。恒勝三仇。總不離爾。至於永世見爾。愛爾。欽頌爾。爲吾主耶穌。偕爾偕聖神。爲一天主。乃生乃王。世世。亞孟。

奉獻聖母經

天主聖母。童貞瑪利亞。僕雖卑微。不堪
事爾。但恃母心慈愛。今敢於我護守天
神。天朝神聖之前。認爾爲我之主母。作
我恩保。爲我託賴。我今堅心定志。以後
永常事爾。恃爾體爾。及爾聖子。亞孟。
吁。至聖之母。我懇求爾。因爾聖子切愛
之真情。於十字架將終之時。獻已於天
主聖父。囑爾於徒。付徒於爾。收僕於爾
陰庇之下。管轄之中。生時死候。救我於

諸危難。亞孟。

向聖母求潔德誦

至潔至淨童貞瑪利亞。因爾極聖之貞
德。及爾始孕無玷之妙。我今求爾俯賜
潔淨我之心身。亞孟。

求爾顯爲我之慈母。轉達爾子耶穌爲
我降生者。納我所求。亞孟。

聖若瑟禱文

教皇比約第十位准

啟 天主矜憐我等。

應 基利斯督矜憐我等。 天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。 矜憐我等。

贖世天主子者。

聖神天主者。

三位一體天主者。

聖瑪利亞。 應為我等祈。

聖若瑟。

若瑟達味之名裔。

古聖祖之光輝。

天主聖母之淨配。

童貞聖母清潔之護衛。

鞠養天主子者。

勤衛基利斯督者。

聖家之尊長。

若瑟極義者。

若瑟至潔者。

啟
若瑟極智者。
應爲我等祈。

若瑟極勇者。
若瑟極聽命者。
若瑟極忠信者。
忍耐之明鏡。
鐘愛神貧者。
藝人之表率。
家居之徽美。
童貞者之保護。
室家之砥柱。

啟 苦者之安慰。

應 爲我等祈。

病者之仰望。

臨終者之主保。

邪魔之驚懼。

聖而公會之保障。

啟 除免世罪天主羔羊者。

應 主赦我等。

除免世罪天主羔羊者。

主允我等。

除免世罪天主羔羊者。

主憐我等。

啟 天主特立之家臣。

應 掌其一切所有者。

請衆同禱。天主因爾無可名言之照顧。特簡眞福若瑟。爲爾聖母之淨配。懇賜我等。在世敬彼爲主保者。得其在天之轉達。乃爾偕罷德肋及斯彼利多三多。惟一天主。乃生乃王。世世。亞孟。

向聖若瑟誦玫瑰聖月內日誦此經

吁。眞福者大聖若瑟。我等在患難中。特來投爾。旣求爾至聖淨配助佑之後。亦以堅切之望。求爾爲我等之主保。以爾得配無染原罪童女。天主聖母。互相之

潔愛。又因爾如慈父。愛護耶穌聖童之
愛。懇切求爾。慈顧耶穌基利斯督。以寶
血所贖之遺業。且以大德大能。濟佑我
等急難。聖家極智之護衛。求爾保護耶
穌基利斯督特簡之後裔。極愛之父哉。
勿許我沾染異端敗俗之惡疫。我等勇
毅之帥。我與暗冥惡魔。戰於此世。求爾
從天助我之勇。爾昔曾救耶穌聖童於
失命之大險。今求護救天主聖而公會。
於仇讐之計。及諸災患。又求爾作我每

人之主保。時時保護。賴爾助佑。效爾善
生安死。得獲天上永福。亞孟。
請衆同禱。至能至仁者。天主。惟主預
簡義人達味之裔。聖若瑟。爲童貞聖母
瑪利亞之淨配。復選伊爲鞠養耶穌者。
祈主爲彼勳勞。俾聖而公會。樂享太平。
併賜我等。咸受永照之安慰。亞孟。
伏望吾主。荷蒙至聖母淨配之功績。翼
衛我等。吾力所不能。惟賴其轉達。莫不
允獲。乃爾與天主罷德肋。及天主斯彼

利多三多。為一天主。乃生乃王。世世。
亞孟。

向聖若瑟誦

至聖耶穌之父。聖若瑟。爾乃是天主所
選。為照顧聖母童身之貞。看守聖三之
寶殿。而恩受天主默示降生奧妙之事
情。在世之時。鞠養萬物大主。今爾在天
國。登高品。而享無窮之福。天主經。聖母經。聖
三光榮頌。各一遍。
求聖若瑟為中國大主保。祝文
虔恭求爾。為我等轉達於爾所愛之子

耶穌。赦我等罪。又求爾爲國中主保。轉求天主。憐視中國。未奉教人。開其心。明其目。使反邪歸正。能知信望愛之德。通國欽崇。聖教大行。不致邪魔誘惑。及至死後。同升天國。共享眞福。亞孟。

每日求聖若瑟爲本身主保祝文

至聖若瑟。膳養吾主耶穌之父。又極淨聖母瑪利亞之配。我今日求爾於天主前。作我主保。噫。惟爾爲我主保中。首先所敬仰者。求爾今日。收我爲爾之門下。

保護我於患難之中。不離我於臨終之時。
亞孟。

奉獻若瑟祝文 若瑟月內日誦此經

吁。榮福若瑟。爾乃我苦中之望。難中之佑。我能敬爾效爾。終於爾手。生則有功。死亦安泰。茲特堅心定志。盡力遵守主誡。小心謹守本分。因爾所留之善表。欲我做效者。全在於此。我今不顧私意。切願效爾芳踪。以樂爾心。望爾轉求天主。賜我常隨爾行。至死不變。並求扶助我。

弱。降福我志。納我於爾聖子之懷。生死不離。偕爾永樂。亞孟。

聖若瑟七苦七樂經

聖母有孕。天神未報。不知其由。聖人一苦。天神來報。聖母受孕。天主聖子。聖人一樂。

極貞至潔。童貞聖母瑪利亞之淨配。聖若瑟爾見聖母懷孕吾主。不知其由。爾心不勝驚苦。及天神夢中爲爾解疑。爾心無任忻樂。我今稱讚爾。懇求爾。仰望爲爾苦。爲爾樂。今世佑我善生。臨終佑我如爾善死。於吾主耶穌。暨聖母瑪利亞之中。天主經。聖母經。聖三光榮誦。各一遍。

主誕隆冬。臥於馬槽。襤衣裹體。聖人二苦。
無數天神。從天降臨。拜颺吾主。聖人二樂。
滿被榮福。鞠養吾主耶穌者。聖若瑟。爾見吾主
生爾貧家。爾心不勝痛苦。迨聞天神空中頌颺
天主。爾心無任忻樂。我今稱讚爾。懇求爾。仰望
爲爾苦。爲爾樂。佑我死後。得升天堂。聽諸天神
讚美天主。永享榮福。

天主經。聖母經。聖三光榮頌。各一遍。

聖嬰割損。聖血廣流。呱聲哀切。聖人三苦。
依天神報。立名耶穌。乃救世主。聖人三樂。
承順主命無違者。聖若瑟。爾見吾主受行古禮。
以石刀割損聖肢。爾心不勝痛苦。迨聞稱主耶

穌之名。爾心無任忻樂。我今稱讚爾。懇求爾。仰望爲爾苦。爲爾樂。轉求天主。賜我生時。能倚主名。退絕諸罪之緣引。死時心口合一。稱頌主名而謝世。 天主經。聖母經。聖三光榮頌。各一遍。

聞西默盎。預言吾主。受難之狀。聖人四苦。聖西默盎。讚美吾主。將救萬民。聖人四樂。

通達救世奧義者。聖若瑟。爾聆西默盎祝讚吾主。如衆矢所集之鵠。聖母如利刃刺心。爾心不勝痛苦。乃爾明達吾主與聖母之苦。能救贖萬民。又爲衆人之榮復活。爾心無任忻樂。我今稱讚爾。懇求爾。仰望爲爾苦。爲爾樂。以吾主耶穌之功勞。聖母瑪利亞之主保。賜我將來。能得榮

光之復活。天主經。聖母經。聖三光榮頌。各一遍。

王黑落得。心生惡計。謀殺吾主。聖人五苦。

避日多國。見諸魔像。自仆破碎。聖人五樂。

謙謹伴衛天主聖子者。聖若瑟。爾以極貧。竭力
鞠養吾主。更窘迫於避害。而往厄日多。爾心不
勝憂苦。但爾得親顧復天主聖子。且見彼地魔
像。為主傾頹。爾心無任忻樂。我今稱讚爾。懇求
爾。仰望為爾苦。為爾樂。轉求天主。賜我能避地
獄。虐王之害。能傾頹私欲諸惡情。生時專心奉
事吾主耶穌及聖母。死後偕同聖母聖配。安然
而逝。天主經。聖母經。聖三光榮頌。各一遍。

新王亦厲。恐生惡計。謀殺吾主。聖人六苦。

久居異地。天神復報。得還本鄉。聖人六樂。極尊上主之世使者。聖若瑟。爾受聖子承順之德。携聖子及聖母。自厄日多。而回協路撒冷。爾聞亞格老。嗣黑落得之位。心中不勝憂苦。後得天神慰示。平安回歸。納匝肋府。爾心無任忻樂。我今稱讚爾。懇求爾。仰望爲爾苦。爲爾樂。賜我形神安和。無恐無懼。偕吾主耶穌。暨聖母瑪利亞。以生以死。天主經。聖母經。聖三光榮頌。各一遍。

京都瞻禮。行歸在路。不見吾主。聖人七苦。尋覓吾主。三日得見。在殿講道。聖人七樂。萬德諸善之表儀者。聖若瑟。爾失吾主三日。雖非爾罪所致。爾心不勝痛苦。多方尋覓。二日後

得遇吾主在聖殿。講論於教士之中。爾心無任
忻樂。我今稱讚爾。懇求爾。仰望爲爾苦。爲爾樂。
轉求天主。賜我至終不失吾主。或不幸有何罪
惡。以致失主。求賜我如爾痛苦尋覓。必至見主。
併籲懇佑我死後。得見吾主。偕爾及諸聖人聖
女。享厥榮福。 天主經。聖母經。聖三光榮頌。各一遍。

聖宗徒禱文

此禱文因未蒙教皇恩准誦之無
恩赦只可私念不可在堂公誦

啟 天主矜憐我等。

應 基利斯督矜憐我等。

天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

啟 聖瑪利亞宗徒之后。

應 爲我等祈。

聖伯多祿。

聖保祿。

啟 聖安得肋。

聖雅各伯。

聖若望。

聖多默。

聖雅各伯。

聖斐理伯。

聖巴爾多祿茂。

聖瑪竇。

聖西滿。

聖達陡。

聖瑪弟亞。

聖巴爾納伯。

應爲我等祈。

啟 聖路嘉。

聖瑪爾谷斯。

聖亞納尼亞。

聖瑪是彌諾。

聖安多尼各。

聖辣匝路。

聖甌加畧。

聖坡羅多濟莫。

聖額我畧。

聖彼利斯各。

聖瑪爾濟亞爾。

聖路爵。

應爲我等祈。

啟 聖格勒阿法。

應 爲我等祈。

聖若瑟。

聖格勒森德。

聖亞里斯大各。

聖厄辨斯多。

聖瑪德爾諾。

宗徒及聖史諸位聖人。

吾主聖徒諸位聖人。

啟 望主垂憐。

應 主赦我等。

望主垂憐。

主 允我等。

於諸凶惡。

主 救我等。

於諸罪過。

啟於諸異端。

應主救我等。

於諸舛錯。

於諸桀傲。

於勿耐任攸職縱恣疎忽。

於有形無形之仇對。

於世俗各種之牽引。

於將死而驚惶。

爲主招宗徒之深義。

爲主命宗徒誦經而默啟其良善。

爲主教誨宗徒毫無厭倦。

爲主多顯靈跡以堅宗徒之信。

爲主藹然接遇宗徒道義契洽之深。

爲主誠發至謙之德親濯宗徒之足。

爲主復活數現宗徒昭其至愛。

爲主升天降福宗徒踐厥夙諾之真愛。

爲主聖神降臨遣使聖寵安慰宗徒之心。

爲宗徒一生功勞當世後世恒賜轉禱於天主。

至於審判。

罪人。

應求主俯聽我等。

求赦我罪。

應主俯聽我等。

求賜我等真悔即如主之躬建口傳。

求賜聖教會布滿普世萬方使各政存安和。

求賜提佑教皇及諸教會品乘規持義。

求賜教宗輔政聖神默啟其靈。

求賜教中帝王諸侯使之協和智勇。

求賜絕滅異端及差謬非爲。

求賜宗徒含忍之神力以當險逆。

求賜專精奉事天主法棄一切世間事物。

求賜普地悅順天主之心以受神恩之沐。

求賜親友冤仇悉蒙主佑共相和睦蓋沾聖寵。

求賜哀憐罪人赦其所犯之罪。

求賜欣勤敏慎執持堅固不致搖撼其心以奉真主。

求賜永久不離吾主。

天主子者 應求主俯聽我等。

啟 除免世罪羔羊。

應主赦我等。

除免世罪羔羊。

主允我等。

除免世罪羔羊

主憐我等。

啟 基利斯督俯聽我等。

應 基利斯督垂允我等。

啟 天主矜憐我等。

應 基利斯督矜憐我等。

天主矜憐我等。

天主經一遍

啟 凡愛天主者莫不服從。

應 惟此服從之高位彌久勿墮。

啟 吾主創建至尊至貴之品秩加諸普世萬民之上。

應 惟恃主之聖名。

啟 宗徒之聲大通埏垓無人弗聞。

應 廣衍聖教若天四面包地無分寸外遺。

啟天主。俯聽我禱。
應我號聲。上徹於主。

請衆同禱。

至善至聖之主。照臨聖會。光被宇宙。因聖某
宗徒之提誨。恒享神恩之福澤。吾主護恤斯
民。仰望聖伯多祿。聖保祿。及諸宗徒之福庇。並
垂永保。懇祈吾主。以聖神寵愛。從天射光。充
滿我心。若飲愛德之泉。滋潤枯竭。懇祈吾主
天主。賜我等廝役。一心信主。聽從主言。斯為真
愛。世餌邪牽。我賴主光照。纖毫不得離間吾主。
懇祈全能天主。降福我等。篤信無疑。定心於
吾主。再不相離。而出乎聖義之表。賜我時感時

謝。時頌吾主之洪恩。為我等主耶穌。基利斯督
爾子者。其偕爾偕斯彼利多三多。為一天主。乃
生乃王世世。亞孟。

啟天主俯聽我禱。

應我號聲上徹於主。

啟請眾讚美吾主。

應感謝主恩。

啟凡諸信者靈魂。賴天主仁慈。息止安所。

應亞孟。

向諸宗徒誦

聖伯多祿。聖安德肋。諸位宗徒。吾主於

萬衆簡授正道之奧。希散四方。爾師耶穌。上智朝夕領天主真子之訓。三載親炙。全德純義。受神智超性之光。近貞潔聖寵之源。日覩耶穌。靜動言爲。不遠百千萬里。不畏風濤寇患。不辭異方逆俗。遐邇文蠻之地。善惡智愚。無不化導。天下萬邦。前被魔術迷誘。以所聞真教之理。誨之改遷。今茲去邪向正。棄絕土偶。崇祀真主。皆爾洪功。我雖不獲親淑。聞授識奉天主。感謝爾教。懇求佑我誠信。

固守所傳之教。至得享爾所許之榮福。
亞孟。

聖瑪弟亞宗徒祝文

天主。爾賜聖瑪弟亞。入爾宗徒之會。懇
祈爾賴其轉達。使吾時時覺悟爾仁慈
之心。為爾子吾主耶穌。基利斯督。亞孟。

聖史瑪爾谷祝文

天主。爾命聖瑪爾谷聖史。以傳教之重
任。我今求主。俾我奉為在天之主保。得
明所傳之聖訓。勉力遵行。為爾子耶穌

基利斯督。亞孟。

聖史路加祝文

伏祈天主。以爾聖路加聖史之主保。我等賴其轉達。效其克己之盛德。顯爾聖名之光榮。為我等主基利斯督。亞孟。

聖斐理伯雅各伯一位宗徒祝文

天主。爾使吾等於聖斐理伯。聖雅各伯。兩位宗徒。每年瞻禮。忻樂懇祈。爾。吾悅其功行。並師其遺則。為爾子吾主耶穌。基利斯督。亞孟。

聖

伯多祿

一位宗徒祝文

天主。視爾宗徒聖伯多祿。聖保祿。致命
寶死。使今日為聖日。懇祈爾教會既因
彼始興。幸於凡事。遵守厥戒諭。為我等
主耶穌基利斯督。亞孟。

聖保祿宗徒歸化瞻禮祝文

天主。爾以聖保祿宗徒。訓誨普世。懇賜
我等。今日敬其歸化瞻禮。效其芳踪。而
行。為吾主耶穌基利斯督。亞孟。

聖雅各伯宗徒祝文

伏望吾主。聖爾之民。護爾之臣。賴爾宗
 徒。聖雅各伯。衛之翼之。以善行悅爾。以
 堅心事爾。為爾子耶穌。基利斯督。偕斯
 彼利多。三多。為一天主。均生均王。世世。

亞孟。

聖巴爾多祿茂宗徒祝文

無始無終。全能者天主。以爾所賜之。今
 日。慶賀聖巴爾多祿茂宗徒瞻禮。懇祈
 天主。保存爾聖教會所信。即愛所誨。即
 傳。為爾子耶穌。基利斯督。偕爾。偕聖神。

世生世王。亞孟。

聖瑪竇宗徒祝文

伏望吾主。託聖瑪竇宗徒。兼聖史之祈禱。幸蒙扶佑。凡本力弗克者。賴其轉達。

亞孟。

聖西滿二位宗徒祝文

天主因爾西滿達陡二位聖宗徒。使吾得識爾名。望爾念我等慶伊永福。使我前進於道德。為爾子耶穌基利斯督。亞孟。

聖安德肋宗徒祝文

巍巍天主。吾等伏乞爾。聖安德肋宗徒。既為爾教會維師維主。幸為我等。在爾臺前。時時轉達。為爾子耶穌。基利斯督。

亞孟。

聖多默宗徒祝文

祈望天主。使吾取榮於爾宗徒聖多默。之瞻禮。賴其護佑。時時舉拔。以敬心之宜。隨從信德。為爾子耶穌。基利斯督。

亞孟。

聖若望宗徒兼聖史祝文

望主慈照爾會。因受光於聖若望宗徒
兼聖史之訓。迄於永遠恩錫。爲爾子耶
穌。基利斯督。偕爾偕聖神。世生世王。
亞孟。

真福歐多利克精修瞻禮祝文 一月十四日

天主。爾以剛毅恒心。堅定爾真福歐多利克。以導引東方民衆。得歸聖教。請爾恩賜。惑於魔計之教外人靈。因其榮耀功勞。得脫黑暗。爲我等主基斯督。亞孟。

真福方濟各代加比拉神父致命瞻禮

祝文 一月十五日

天主。爾以奇妙勇毅。堅定爾真福致命者方濟各之信德。請恩賜爾之聖教。賴

二

其轉求。得於普世慶祝信德日新之榮
勝。爲我等主基利斯督。亞孟。

眞福若望特利歐拉致命瞻禮

祝文二月十二日

天主。爾以永榮之冕。光榮爾眞福若望
致命者。爲信奉基利斯督所支持之戰
爭。請爾仁慈。賜教外各國。因其功勞轉
求。得脫死亡黑暗。而獲救靈眞光。亦爲
是我等主。基利斯督。亞孟。

真福若望伯多祿聶神父若瑟張大鵬

等致命瞻禮祝文 二月十八日

天主。爾以奇妙勇毅。堅定爾真福若望若瑟等之信德。請爾恩賜。俾爾聖教。因其轉達。得於普世慶祝信德日新之榮勝。爲我等主。基利斯督。亞孟。

真福桑伯多祿主教等致命瞻禮祝文 六月三日

天主。爾以至極堅志與至切愛德。賜爾真福伯多祿主教。並其同人。以向教外

人民。傳揚聖道。懇求爾。賜我等因其善表。及其轉求。恒守爾之信德。爲我等主基利斯督。亞孟。

真福加俾阨爾篤福來主教及趙奧司定

神父等致命瞻禮祝文 十一月二十四日

天主。望爾之真福致命者。若翰加俾阨爾主教。及奧司定等之信德芳表。堅定我等於爾之役俾。至死得爲信者。爲我等主基利斯督。亞孟。 滿主教 准

聖人列品禱文

啟 天主矜憐我等。

應 基利斯督矜憐我等。

天主矜憐我等。

啟 基利斯督俯聽我等。

應 基利斯督垂允我等。

啟 在天天主父者。

應 矜憐我等。

贖世天主子者。

聖神天主者。

三位一體天主者。

聖瑪利亞。

應 為我等祈。

啟天主聖母。

童身之聖童身者。

聖彌額爾。

聖嘉俾厄爾。

聖辣法厄爾。

諸聖遣使天神及宗使天神者。

眞福之神諸聖品者。

聖若翰保弟斯大。

聖若瑟。

聖教古祖及先知諸聖者。

啟
聖伯多祿。

聖保祿。

聖安德肋。

聖雅各伯。

聖若望。

聖多默。

聖雅各伯。

聖斐理伯。

聖巴爾多祿茂。

聖瑪竇。

應為我等祈。

啟
聖西滿。
聖達陡。
聖瑪弟亞。
聖巴爾納伯。
聖路加。
聖瑪爾谷。
宗徒及聖史諸聖者。
吾主聖徒諸聖者。
無罪孩童諸聖者。
聖斯德望。
應為我等祈。

啟 聖老楞佐。

應爲我等祈。

聖味增德。

法俾盎及巴斯弟盎二聖者。

若望及保祿二聖者。

葛斯默及達彌盎二聖者。

熱爾瓦削及玻羅大削二聖者。

爲天主致命諸聖者。

聖西爾物斯德肋。

聖額我畧。

聖盎博羅削。

啟 聖奧斯定。

應為我等祈。

聖熱羅尼莫。

聖瑪爾定。

聖尼各老。

司教及專務修道諸聖者。

專務明達傳解聖道諸聖者。

聖安當。

聖本篤。

聖伯爾納鐸。

聖多明我。

啟 聖方濟各。

應為我等祈。

主祭及副祭諸聖者。

會中獨善及隱迹精修諸聖者。

聖女瑪達肋納。

聖女亞加大。

聖女路濟亞。

聖女衣搨斯。

聖女則濟理亞。

聖女加大利納。

聖女亞納大西亞。

啟 童女及貞婦諸聖女者。 應為我等祈。

天主諸聖人諸聖女者。

啟 望主垂憐。 應主赦我等。

望主垂憐。 主允我等。

於諸凶惡。 主救我等。

於諸罪過。

於諸震怒。

於猝死。

於魔隱計。

於怒及怨及餘惡情。

啟於引誘邪淫之魔者。應主救我等。

於雷及暴風迅雨者。

於永死。

為主降孕爲人之奧。

爲主降來偕於人。

爲主聖誕。

爲主受洗及諸聖齋。

爲主十字聖架及主萬苦。

爲主死且葬。

爲主聖復活。

啟 爲主靈奇之升天。
應 主救我等。

爲施慰聖神之降臨。

至於審判。

啟 罪人。
應 祈主俯聽我等。

求 赦我罪。
主 俯聽我等。

求 恕我失。

求 賜我等真全痛悔。

求 賜保存爾聖教會。

求 賜提佑教王及諸教會品恒持仁義。

求 賜馴服聖教諸仇。

求賜教中帝王諸侯太平及真實和睦。

求賜教中萬民太平及共睦一心。

求賜迷路者引歸爲一聖教，外教者旅向福

音真光。

求賜堅存我等於爾聖役。

求賜吾心仰慕天上之事。

求賜永福酬諸我恩人。

求賜我等並兄弟親戚及恩人之靈

魂皆免永禍。

求賜生存田地百穀。

求賜永安於已亡諸信者。

求賜垂允我等。

天主子者。

求主俯聽我等。

啟 除免世罪天主羔羊者。

應 主赦我等。

除免世罪天主羔羊者。

主允我等。

除免世罪天主羔羊者。

主憐我等。

聖詠

啟 天主觀我撫我速格以救助我。

應 凡營殄我命者，乞令彼愧及令彼駭。

啟 凡願我權凶者，乞令彼却乞令彼赧。

應 凡欣相告語。嘻哉。嘻哉。令彼即却。令
彼即赧。

啟 凡覓主者。必悅樂於主事。凡愛主真
福者。恒稱揚主之盛大。

應 我乃貧者。窮者。天主佑我。

啟 主為佑我。救我者。主。求毋延緩。

應 天主罷德肋。及費畧。及斯彼利多三
多。吾願其獲光榮。

啟 厥初如何。今茲亦然。以迨永遠。及世
之世。
應 亞孟。

諸祝文

啟 天主保護爾之斯役。

應 彼乃特仰望主。

啟 天主希爲我等勇毅之敵樓。

應 以對敵仇。

啟 求仇毫無得勝我等。

應 又求惡逆子毋得害我等。

啟 天主勿據我罪以施我等。

應 亦勿據我惡以報我等。

啟 請衆同禱爲我等教宗。呼當時在位之聖名

應伏祈天主。護之壽之。於此下土。賜之

榮福。一切毋委付於其仇計。

啟請衆同禱爲我等諸恩人。

應伏祈天主。凡施我恩者。爲爾聖名。與

之常生。亞孟。

啟請衆同禱。爲已亡之諸信者。

應伏祈天主。賜之永安及令永光照之。

啟望其息止安所。

應亞孟。

啟請衆同禱。爲我等昆弟遐邁者。

應吾主救爾斯役特仰望主。

啟吾主自天降福以洪佑。

應自天睠顧及之。

啟天主俯聽我禱。

應我號聲上徹於主。

請衆同禱。天主本情恒憫恒宥。伏求受禱。凡我等及爾衆僕。爲罪之縲紲所繫者。主施寬仁。矜而釋之。

伏望天主聽我等拜懇者之籲。恕我等自訟者之罪。幸賜寬赦。即獲安寧。

又望天主慨發難名之仁慈。乃脫我等於諸罪。又拯我等。於因罪當受之諸罰。

天主緣人獲罪。主即震怒。倘克痛悔。主即霽威。特祈憐視爾民。哀切之禱。而免我等因罪當受主怒之罰。

無始無終。全能者天主。懇憐爾臣我等。教宗某。因主仁慈。導之永福之路。以能賴主洪恩。殫心竭力。以承主之所重。

天主凡諸聖願。正謀義行。咸自主出。懇畀爾僕隸。以人世弗能畀之太平。俾我等誠奉主命。當我茲世。賴爾陰覆。盡脫仇懼。悉獲安靖。

求主聖神之火。爍熱我等冰心。以能貞身服勤主命。並能淨心翕合主旨。天主造成萬物。救贖人罪。伏望免爾諸婢僕靈魂之罪。令其生平所願大赦。以其虔禱得之。

祈望天主。我等功行。寵照先之。輔翼前進。使我等禱者。行者。恒自主肇。又賴主訖。無始無終。全能者天主。凡人生者死者。主並王之。凡主所豫照。以信德。以功行。

將錄爲主民者。主普恤之。伏祈主。凡我等爲若人立意奉禱。或尙負肉軀。而爲今世所留者。或旣脫肉軀。而爲後世所收者。請諸聖轉達。以主慈之寬裕。皆得其罪之赦。爲我等主耶穌。基利斯督爾子者。其偕爾。偕斯彼利多三多。爲一天主。乃生乃王。世世。亞孟。

啟 天主俯聽我禱。

應 我號聲上徹於主。

啟 特望全能至仁天主垂允我等。

應 亞孟。

啟 凡諸信者靈魂。賴天主仁慈。息止安

所。應亞孟。

向司教聖師誦

聖教棟樑聖師從耶穌升天後。代訓萬民。俾聞正道。使不迷惑異端。躬行教法。討論精確。解疑指真。持義體仁。先行後言。有違理者。雖尊爲王侯。直言切責。不畏其怒。有抱德者。雖卑爲癸獨。懷以親愛。不棄其賤。我今感聖師之恩。懇祈轉求天主。恒錫聖教會。聰明高志之士。能即厥位。步武芳躅。宣揚聖道。大行天下。

伏望佑我。專心學爾遺籍。養我靈魂。生命。保存我愛慕天主。亞孟。

向爲道致命聖人誦。

聖教義勇。爲道致命。諸聖者。以被難。傾注身血。明證教理之真。舍生世暫命。保存多靈。常生。不以命害仁。而求仁。舍命。以義爲利。以苦爲樂。棄財忘榮。不辱教名。以所望後報爲實。危苦之際。容色怡然。一無所懼。今天下萬邦。發信德之幹。長望德之枝。廣愛德華榮。成萬善碩果。

皆聖血所滋。萬苦所培。我今稱頌致命諸聖。毅忍大德。懇祈轉求天主。賜教衆堅心定意。不畏艱難。寧受劇苦。虐死不敢有戾於聖教。死後偕同在天。享受永樂。

亞孟。

向精修聖人誦

專務精修。苦身繕靈。諸聖者。恃天主洪慈。洞燭魔俗。肉身三仇叢計。奮志強力。以克全勝。雖爲人類。純效天神。朝夕存想。超性精奧之理。小心翼翼。不知倦怠。

交與世人。不被私累。晦名隱跡。念念事
事。翕合主旨。以德報仇。不萌怨恨。我今
稱頌。精修諸聖大德。懇祈轉求天主。賜
我輕視肉身安逸。重顧靈魂精義。忍受
今世暫苦。惟望後世常樂。 亞孟。

向童貞聖女誦

聖教會榮貴盛茂者。童貞聖女。居世負
形者。天神不被世汚所染。不爲肉欲所
蔽。輕虛僞之娛。重常潔之榮。切學卒世
童貞聖母瑪利亞。今我心情濁穢。何敢

仰視貞美。惟俯首謙恭。甚自愧恥。稱羨
 超性大德。懇求童貞諸聖。女佑我。全洗
 往污。倣效身潔神清。以至命終。同覲貞
 潔之源。耶穌基利斯督。亞孟。

向本名聖人誦

在天上。享德義充滿之福。聖人某聖。我
 雖罪惡。幸領洗之時。得爾聖名。追思爾
 往日德義聖功。使我勉力步趨。望代求
 天主臺前。加我神能。踐效爾迹。凡思欲
 靜動言為。以爾為法。以至死後。同爾在

天享福。亞孟。

向聖若亞敬誦

伏望天主。爾於衆聖之中。預簡聖若亞敬爲聖母之怙恃。今日恭遇慶辰。用申頂感。幸爲我等之主保。常賜轉禱於天主。耶穌基利斯督。亞孟。

向聖婦亞納誦

吾主天主。賜聖婦亞納。爲爾子耶穌童貞聖后之母。恭遇慶辰。畀我等起敬起畏。奉爲主保。望聖婦護之翼之。自當日

迄今。迄於末世。愷澤無窮。亞孟。

亞物瑪利亞。滿被額辣濟亞者。主與爾偕焉。爾之榮寵。希偕於我。女申爾為讚美。願爾母聖亞納。同為讚美。至聖童女瑪利亞。爾從彼生。無染無愆。常淨常活。天主之子耶穌。基利斯督。乃從爾生也。亞孟。

聖婦瑪達肋納祝文

吾主因聖瑪利亞。瑪大肋納。痛哭求憐。允賜伊兄辣匝祿。已死四日之復活。懇

祈賴其轉達。護佑我等。為爾偕罷德肋。
及斯彼利多三多。為一天主。乃生乃王
世世。亞孟。

聖女德肋撒祝文。

吾救世之天主。懇祈俯允我等。既恭慶
聖女德肋撒瞻禮。得聆其從天所受之
訓。並獲熱心之益。為吾主耶穌。基利斯
督。亞孟。

聖女則濟理亞祝文

天主。爾德能靈異之中。不棄弱女輩。賜

致命榮勝。懇賜吾等。慶爾聖則濟理亞。致命童女。誕日。因其遺表。躋爾臺前。爲爾子吾主耶穌。基利斯督。亞孟。

諸聖瞻禮祝文

無始無終。全能天主。爾使諸聖功行。一瞻禮內。統爲敬憶。懇祈爾會。多聖代求。充然加吾以爾仁慈。爲吾主耶穌。基利斯督。亞孟。

聖王類斯祝文

天主。以爾聖王類斯。不貴世之所貴。保

全已之真貴。於無窮世。懇求天主。使我
追隨聖表。弗顧世榮。惟務已之真貴。為
爾子耶穌。基利斯督。亞孟。

聖老楞佐祝文

全能天主。昔爾使聖老楞佐。克受火牀
酷刑。懇求賜撲滅我等罪惡之火。為爾
子耶穌。基利斯督。亞孟。

聖斯德望首先致命祝文

望祈天主。俾吾輩攸敬之斯德望。首先
致命聖人。即吾輩效法之師。庶幾克愛

吾仇。因斯慶日。展敬之誠。爲仇求主。爲我等主耶穌。基利斯督。亞孟。

諸聖嬰孩致命祝文

天主。今日諸嬰孩致命者。不以言而行。以顯爾名。懇求爾克我等罪愆。俾不
僅以言。併以實行。爲得證爾教。爲吾主耶穌。基利斯督。亞孟。

聖西爾物斯德肋祝文

懇祈全能天主。爾聖西爾物斯德肋。精修教主。每年瞻禮。加吾心虔而體安。爲

爾子耶穌。基利斯督。亞孟。

聖方濟各。玻爾日亞。祝文。

吾主天主。至仁至義。因我多罪。命地震動。大顯主威。賴主仁慈。特簡聖方濟各。玻爾日亞。做我主保。懇祈轉求天主。以息義怒。痛悔立志。敬奉主命。仰藉聖功。獻主臺前。保護我等。形神於患難中。以至死後。同爾在天。偕享聖三之永福。亞孟。

聖類斯公撒格祝文

伏望吾主。爾以無限之奇寵。廣施普世之人。又特賜聖類斯公撒格。若天神之美質。至潔至精。每痛苦以自懲。最嚴最密。我等身多罪愆。心甚濁污。何能潔淨全貞。惟誠切哀求吾主。使我自今而後。常存痛告改遷之實心。爲爾子耶穌。基利斯督。亞孟。

聖達尼老各斯加祝文

吾主天主。爾德智靈異之中。不棄幼童輩。錫其盛德之福寵。懇祈主。賜我追隨

聖達尼老之遺表。愛惜寸陰。專志神功。急赴永安之所。為爾子吾主耶穌。基利斯督。亞孟。

聖保祿雅各伯日本致命祝文

全能天主。日本信奉聖教之初。以聖保祿。聖若望。聖雅各伯。致命聖血。創立始基。懇求為爾聖名之光榮。仰賴三聖之遺表。扶我佑我。為爾子吾主耶穌。基利斯督。亞孟。

聖若望方濟各類日斯祝文

吾主天主。因聖若望方濟各類日斯。愛德忍德。超越尋常。在世歷盡艱難。專爲愛人救人。伏祈天主。使我幸承聖人之遺表。助我事主立功。獲享永遠之福。爲爾子耶穌。基利斯督。亞孟。

向真福若翰嘉俾厄爾祝文

吾主耶穌。基利斯督。爾賜爾致命者。真福若翰嘉俾厄爾。於中國民內。以清潔無罪。及傳教苦勞。更以分受爾十字架之苦。俾成奇顯者。求賜我等。效其信愛。

善行之表。幸獲同伊共享天堂榮福。爲爾偕父及聖神。惟一天主。乃生乃王。世世。亞孟。

真福方濟各克來誦

吾主天主。爾賜真福方濟各。於多勤勞拯救人靈之後。得致命之榮。懇祈因其轉達。賜我等效其善表。忠誠事爾。以獲永福之報。爲吾主耶穌。基利斯督。亞孟。

聖女嬰孩耶穌德肋撒獻已誦



今我獻已於爾
 仁慈之愛情。一
 如全燔之祭品。
 俾我生活於純
 愛之中。求爾不
 輟焚之毀之。使
 無限親愛之波

濤。涵容於爾者。洋溢我靈。吁吾天主。令我如是
 成爾愛情之致命。

望此致命。先善備我。克現爾前。卒致我死。且望我靈不稍延遲。奔赴於爾慈愛之永懷。呀。吾至愛者。我願於吾心之每一躍動。以無量之次數。復獻於爾。直至形影消耗。我能與汝永遠相覩。而重語汝以我愛。

一九二三年七月三十一日、羅馬聖赦部頒賜大赦、永久有效。(一)凡信友心悔而虔誦右經者、每次可得二百日大赦。(二)每日誦之、月內行要功者、可得全赦一次、教皇庇護第十一欽准、

求賜神愛誦

天主。爾以聖愛之情。灼熱爾婢聖女嬰孩耶穌德肋撒之靈魂。懇賜我等亦愛爾。並使我等導

人深愛爾。亞孟。

念右經者，每日一次五十日大赦。

求恩誦（九日敬禮適用）

吁。在天我等之父。爾欲因聖女嬰孩耶穌德肋撒。喚起世人。知爾心所充盈之仁慈愛情。及人對於爾所當具之孝子信心。請屑增爾忠信女兒之光榮及其轉禱之能力。且懇賜其每日將大宗之靈魂。引歸於爾。永遠讚爾頌爾。

聖女小德肋撒。請記憶爾所許施惠於地之言。懇在中華傳教區域。特於祈求爾者。盍撒爾之玫瑰花雨。且懇於天主前。爲我等獲得恩寵。乃所望於其無窮慈善者。亞孟。

煉獄禱文

此禱文因未蒙教皇
恩准誦之無恩赦

啟天主矜憐我等。

應基利斯督矜憐我等。

天主矜憐我等。

啟基利斯督俯聽我等。

應基利斯督垂允我等。

啟在天天主父者。

應矜憐亡者。

贖世天主子者。

聖神天主者。

三位一體天主者。

啟聖母瑪利亞。

應

為煉亡者
靈者祈求。

天主聖母。

諸童身之聖童身者。

聖彌額爾。

聖嘉俾厄爾。

聖辣法厄爾。

諸九品及八品諸天神者。

真福諸品天神者。

聖若翰保弟斯大。

聖若瑟。

聖教古祖及諸先知者。

聖伯多祿。

聖保祿。

聖安德肋。

聖雅各伯。

啟聖若望。

聖多默。

聖雅各伯。

聖斐理伯。

聖巴爾多祿茂。

聖瑪竇。

聖西滿。

聖達陡。

聖瑪弟亞。

聖巴爾納伯。

聖路加。

聖瑪爾谷。

應為煉亡者祈求。

啟諸聖宗徒及諸聖史者。

吾主諸聖徒者。

諸聖嬰孩者。

聖斯德望。

聖老楞佐。

聖味增德。

法俾盎及巴相聖人者。

聖若望。

聖保祿。

聖葛斯默。

聖達彌盎。

聖熱爾瓦削及聖坡羅大削。

應為煉亡者所求。

啟為天主致命聖人者。

聖西爾物斯德助。

聖額我畧。

聖盎博羅削。

聖奧吾斯定。

聖熱羅尼莫。

聖瑪爾定。

聖尼各老。

諸聖教會諸聖精修者。

諸聖教會諸聖大師者。

聖安當。

聖本篤。

應為煉亡者祈求。

啟 聖伯爾納爾鐸。

聖多明我。

聖方濟各。

諸聖主祭諸聖副祭者。

諸聖會修諸聖隱修者。

聖女瑪達肋納。

聖女亞嘉大。

聖女路濟亞。

聖女依搦斯。

聖女則濟理亞。

聖女嘉大利納。

聖女亞納大西亞。

應 為 煉亡者 祈求。

諸聖童女諸聖節婦者。

天主諸聖人諸聖女者。

啟望主垂憐。

應

主赦煉亡者。

望主垂憐。

應主允我為

主煉亡者。

於暫罰之獄牢。

應

主救靈者。

於煉火之厲烈。

於往罪之穢污。

於離主之痛苦。

為主降孕為人之奧。

為主臨格人世。

為主聖誕。

為主受洗及主聖齋。

煉亡祈煉亡者。

啟 爲主十字聖架及主萬苦。
 應 主救
 煉亡者。

爲主死且葬。
 爲主聖復活。

爲主靈奇之升天。

爲施慰聖神之降臨。

於審判之日。

啟 罪人等求天主子者。
 應 主俯聽我等祈救

煉亡者。

啟 天主耶穌除免世罪。

應 主赦

煉亡者。

天主耶穌除免世罪。

應 主允我爲

煉亡者

天主耶穌除免世罪。

應

主憐

煉亡者。

啟 天主於憐我等祈救

煉亡者。

應 基利斯督矜憐我等祈救 亡者。煉靈。

天主矜憐我等祈救 煉靈。

啟 基利斯督俯聽我等祈救 亡者。煉靈。

應 基利斯督垂允我等祈救 亡者。煉靈。

天主經一遍

啟 望主垂憐俯聽我等祈禱。

應 我號聲上徹於主。

請眾同禱。全能無始無終者天主。諸信者之常安。懇祈俯聽我等。為已亡諸信者煉獄靈魂。諸在世之罪。一切賜赦。以

主慈佑。俾獲安所。登之天堂。膺主洪恩。亦惟為我等主爾子耶穌基利斯督。偕爾偕聖神。世生世王。亞孟。

求為在教適亡誦。

至仁至慈天主。生養救贖吾儕。咸欲為得天上永福。懇求憐視某呼已死者聖名。赦其在世時。凡有獲罪於主。或思。或言。或行。命天神聖。彌額爾。保護指引。於身後險路。使魔不至肆害。免墮地獄。獲升天堂。享主聖容。亦賜我將來同伊在天上。親

主聖容。觀萬善萬樂之美好。亞孟。

求爲在教已亡父母親友恩人誦

吾主天主。命我孝敬父母。汎愛衆人。圖報恩人。又教我追思已亡。代爲求主。我今念及父母親友恩人。去世之靈魂。在世事主。遵從聖教。我雖無德無功。獻主臺前。求主洪慈裕容。赦我父母親友恩人。煉罪。速賜升天。永遠享福。亞孟。

求爲凡諸信者靈魂誦

天主生人。欲人在世立功。膺主預備之

眞福。我今爲已亡煉獄衆靈。在世識奉
眞主。信從聖教。求主垂憫寬赦。免其苦
難。命天神慶報出期。又賜我今世痛悔
往罪。不敢再犯。脫身後永苦。偕諸信者。
享見天主聖容。 亞孟。

聖殮布經。

吾主耶穌。爾極聖之軀。已於十字架上
取下。維時若瑟。以淨白聖布敬殮。厥布
上。有爾苦難之蹟。遺於吾輩。懇爾仁慈。
賜允我求。爲爾死。及爾葬。幸迨於復生。

之榮福。乃爾與天主罷德肋。及天主斯
彼利多三多。為一天主。均生均王世世。
亞孟。

為已亡主教誦

請眾同禱。伏祈天主。既於奉遣撒責爾
鐸德中。某得主教爵位。懇賜與諸同品
者。為永侶。為我等主。基利斯督。亞孟。

為已亡鐸德誦

請眾同禱。伏祈天主。既於奉遣某會中
某得撒責爾鐸德爵位。懇賜與諸同品

者爲永侶。爲我等主。基利斯督。亞孟。

爲已亡修道會士誦

請衆同禱。伏籲吾主仁慈。俯聽我等微
僕祈禱。使去世者。在某會中某。慨然賜
佑。置之永光永安之域。與諸聖爲同侶。
爲我等主。基利斯督。亞孟。

爲諸已亡者祝文

亞孟。

降來火燬判世。主勿記我罪。主。吾天
主。望引吾路。詣主臺前。降來火燬判
世。望主賜伊等永安。及永光照之。

降來火燬判世。天主矜憐我等。基
利斯督矜憐我等。天主矜憐我等。

同念 天主經。灑聖水

啟主拯其靈魂。應於地獄門。

啟息止安所。應亞孟。

啟主俯聽我禱。應我號聲上徹於主。

請眾同禱。伏望製造救贖諸信者天主。

懇賜諸僕婢靈魂諸罪之赦。令其生平

所願大赦。以茲虔禱得之。乃活乃王。永

世之世。亞孟。

啟望主賜伊等永安。應及永光照之。
啟息止安所。應亞孟。

達味聖王痛悔經七端

第一端

主。勿震怒時。訐責我。勿嗔恨時。懲斥我。主無怒恨等形。因主

罰無可以言用此字以表之耳主矜憐我。以予虛弱。主療治我。以

予諸骨不寧。予靈紛甚。蓋主何時。其語係蓋主何時救我只說蓋

主何時顯悲痛至極不能言全之狀也主回視救予靈。回視者盼望主再施恩也因

爾仁慈拯我。蓋已死者。無有記主。在獄中者。瞻

讚主乎。

奧斯定聖人云已死者言靈魂有大罪如何能記憶天主若下地獄如何能讚美天主乎 涕泣

倦矣。每夕將洗予衾裯。灌予寢榻。

洗衾裯灌寢榻知涕泣痛苦之

多也。因嗔怒。予目昏動。嗔怒者恨己 予老於仇中矣。
愆尤至極也

凡行不義者。遠離於我。因主俯聽我淚號。主已

俯聽予祈禱。主已允予求。迄今予諸仇。

諸仇者三仇及

阻止敬主之人也。甚赧無言。迅速悔改。甚羞赧也。

每一端後。誦榮福經一端。

天主罷德肋。天主費畧。天主斯彼利多三多。吾願其獲光榮。厥初如何。今茲亦然。以迨永遠。及

世之世。亞孟。

第二端

極惡獲赦。諸罪被恕。真福人哉。主弗責其尤。無

所尋其心之偽。真福人哉。蓋我緘默。緘默者思已

愈深而號。聲愈痛也。一日號聲。骸骨枯老。痛苦至極。悲哀入骨

因爾手晝夜重抑我。因爾手者表天主特罰。輾轉苦

中。芒刺入內。良心不安。予諸罪惡。必然真切呈頌

爾。即予背逆無良。弗敢隱匿。既云呈頌仇。已即

刻訟之。改過不。爾實赦矣。以此凡具智德者。懇

吝之意。

懇求爾。不緩須臾。夫劇苦洪水。勿許近其身。水洪

者表天主降凡患難困我。爾為我庇主為我樂。困

罰之寬廣也。以後至尚需羈勒皆聖王賜爾明悟。指引爾

中救我。體天主之意以立言也

路。我常目爾。勿同蠢羸。音羅於乘駟兮。駟音藏羸駟者即騾馬也

違逆於爾。尚需羈勒。獲罪之人。罪罰森森。倚主

仁慈。主慈蔭庇。未獲罪者。樂於主內。踴躍歡欣。

純樸誠實者。悅樂賡歌。

第三端

天主罷德肋。云云。
主。勿嗔怒時。許青我。勿嗔恨時。懲斥我。以爾箭

射亂矢集身。

表主降罰也

爾手重抑我。身無完膚。以徵

爾怒。予諸骨不寧。以予有罪。予之罪惡。實越予

首。如重物鎮予。予傷臭壤。以予愚迷。

傷者靈魂之罪醜也愚迷

者已陷。予實困厄。使予俯躬至地。每日憂悶隨

我履。邪情滿我慾臟。

邪情滿慾臟者非有罪也言誘惑太多也

予之肉軀。

實無好處。予憂鬱至極。卑污難堪。苦俯我心。我

號如吼。主。我之願望。歸爾臺前。我之號聲。顯達

於爾。予心戰慄。予力衰弱。目已失明。

痛苦之至也

親友

至予前。皆住足。左右者。皆遠住足矣。凡戕我生

命者。靡弗用力。謀害予者。流言妄證予。常思詭術以戕予。予則如聾弗聞。如瘖弗言。已成聾瘖

者。自親友至予前起。歷言聖王得罪後親友皆不親愛仇人。愈加傷害而聖王弗怨。弗尤安心聽命補贖無一毫

不平之氣實如

聾瘖之人矣

主。因仰望爾。將允我求。主我天主。

予已祈求矣。主。于仇視我立弗穩。揚厲刻責予。

勿允彼幸予之失意。

勿允彼幸予之失意者非聖王猶存驕傲之心特為令彼不得害其

靈魂以傷天主之光榮也

予承苦罰易易。予之悲痛。時懸於目。

時懸於目者係苦結莫解刻

刻不忘如常在目前一般

予必告明予之罪惡。予

必常懷予之逆行。予仇安度其生。將害予者。其

力剛毅。多增彼恨我者。以怨報德之輩。反妄證予。將害予者云云。歷叙害聖王者衆。聖王獻此大苦於天主。以做補贖也。予皆以好行致之。吾主天主。勿棄置我。勿遠離我。主。救人者主。願盼佑我。

天主罷德肋。云云。

第四端

天主因大仁慈矜憐我。又因爾哀憐甚衆。銷我逆行。再求多洗我於逆行。而潔清我罪逆。因自認我罪逆。而我罪永爲我敵。我得罪惟一主。主臺前。顯形吾惡。將使主訓。羣稱有義。而判時無不服者。蓋我自胎有罪。而我母連罪孕之。且主

素愛真實。曾以爾智德中隱密之事。啟示我。主

將洒我以伊湖波。而我自潔。

伊湖波草名也古教規矩用此草以潔身實為

新教赦罪之預像也

將洗我。而我自白。白於雪。主將快我以

所聞。而骸骨被屈。今舒踴躍。懇主勿臨面。而正

視我諸罪。祈銷我諸逆行。天主重化我心潔清。

而重化誠直之神。於我五內。弗如麾棄。而離爾

顏。且弗奪爾聖神於我。復祈還我救靈之樂。而

以大德堅之。我以主之諸途。

諸途者天主各端道理也並訓惡

逆諸人。惡逆輩將復奉主。天主我恩主。救我於

血罪者。

血罪者殺人之罪也

我舌躍然將揚主義。主啟我唇。

我口將頌主諸美。蓋主若欲犧牲。我誠心已獻。而主並不悅全燔之祭。惟因心痛悔。即祭主之犧牲也。吾主不棄慘悔謙抑之心。主惻然眷顧。加恩於西婉。使日路撒冷城池並興。惟時主得享義德之祭。與諸獻於全燔。惟時伊衆將置主臺上多憤。

天主罷德肋。云云。

第五端

吾主俯聽我禱。而我號聲。上徹於主。主勿反爾面。何日患難窘我。向我傾耳。傾耳者聽哀禱也何日仰祈爾。速為允我。我時如煙飛矣。時速去也我骨如經爨

焦木矣。我朽乾如敗草矣。以我忘養。心則枯乾。以我悲號。肉皆附骨。我實為曠野之簿里干兮。
簿里干 野鳥也 頹屋內巢之泥第克辣兮。
泥第克辣 野鳥也 時醒

難寐。如在房梁之孤鳥兮。

孤鳥者 瓦雀也

我仇常言我

過。昔日讚美者。皆變而咒我。食則不知其味。如食灰矣。飲則合淚。此皆顯爾震怒我。以爾前曾舉我。今棄置我。已往時日。似晷影速過。我實如砍斷之枯草矣。
以上所言皆痛悔願做補贖之辭也。以後所言皆預知救世者來以望赦罪之意。
 主永遠恒在者。代代世人。俱記憶爾。爾乃起也。

立者。

起立者是言天主行奧妙之奇如降生建會等事非如造化萬物等可坐而理也在天主本無起坐之別

不過借用起字以

矜憐西婉。

西婉者達味城也用表如德亞國及將來聖教會也

矜憐時其已至時已至矣。以爾僕役。尙恤西婉

餘石。

僕役者先知聖人也餘石者言如德亞國人也因天主降生時如德亞人在卑賤之際如殘廢餘石先知

者祈主

彼輩心猶向慕。天下萬邦。畏爾聖名。萬

憐恤也

邦之君。認爾光榮。以主建立西婉。揚主輝耀。凡

此皆以主垂顧謙遜者之所禱。弗輕忽其求。蓋

然載籍垂後。後生者衆。咸知讚主。

以上皆言聖主教廣揚也

居崇高俯視。俯視者顯主特施仁慈看顧也自天至地。為聽被擄

者哀號。解被弑者之子弟。亦為西婉內。明顯主名。日路撒冷中。讚咏天主。彼時萬邦之君。億姓

兆民。聚首一堂。欽崇天主。百姓懇切應云。百姓懇切

應云者非是百姓之言也。仍係聖王代言。百姓若知以上降生廣揚等事。必不勝欣躍而望主速速賜見也。所

許我者。不日即見爾。為世世永生者。勿半生收我。吾主肇造大地。天為爾手製。天地可有終窮。

惟爾常生。萬物如衣必舊。爾換萬物。如釋裳衣。必換無疑。惟爾恒一。主年無盡。爾僕之子。後有

定居。爾僕子裔。得歸無移之境。意謂天堂也

天主罷德肋。云云。

第六端

主。予自幽谷。已籲號爾。

幽谷者表犯罪之罰。如入於幽谷者然。

主俯聽

我禱。望主傾耳。專聽予禱之音。主若記憶人罪。

主。誰能堪之。蓋仁慈特居於主。予以爾所令。懇

懇仰望。倚厥諭。予靈盼甚。予靈專望義撒爾宜

望主。如守夜者。望速味爽。

守夜者更夫也。更夫甚望天明。表如德亞國人甚望

天主降生也。

慈惻本在主。救贖之恩。充滿主內。將救

贖義撒爾於諸逆行。

天主罷德肋。云云。

第七端

主垂允予求。俯聽我禱。以主必踐所許。爾以義

德允我。

義德者寬恕之權也

免判爾僕役

免判者非云不判也特求主不甚追究耳

因

在爾臺前。誰云無罪。祈主允我。以予仇屈抑予

靈魂。逼迫至地。棄置予於幽暗之谷。如已死者

然。予明悟憂鬱。予心荒亂。想厥初時。

想厥初時者默默憶以前

主諸恩也

慎思主工。默憶主奇。舉手仰望爾。予靈如

旱乾土地。速為允予。主。予悟囿迷。勿反顏於我

若弗然。予若陷於深阱。

深阱者下地獄之意也

令予味爽聞

仁慈之音。味爽者盼望急速之意也以予久仰爾。令予明履正道。以予靈仰望爾。自仇中救我。主。予今奔爾臺前。以得護佑。令予遵行爾命。因爾為予之主。爾美善之神。引領予樸誠之域。樸誠之域天堂也主。以爾聖名。以爾義德。將從新復活予。救予靈魂於苦內。因主仁慈。散滅我敵仇。必屈抑諸窘予靈魂者。以予乃爾之僕役。


天主罷德肋。云云。

卷中

終

天主耶穌受難始末

天主耶穌降生三十年後。遊行如德亞。傳教救人。所行聖蹟甚多。向善者無不信從。惟如德亞國巨家。及在位者。極爲傲惡。嫉其德盛。不任受其直言。故皆憎厭。謀欲殺之。會議曰。此人所爲奇跡殊多。從之者衆。失今不圖。人將歸附。我教且廢。我國亡矣。維時衆議囂然。有必殺之勢。但因信者甚多。不敢顯行。欲候隙捕執之。時有耶穌十二徒中。名茹答斯者。素有貪行。凡人所奉耶穌徒衆供用之物。每有餘羨。不以分施貧乏。竊而私之。揣知本國貴人巨室。厭惡耶穌。遂欲因以攫利。謂其人曰。爾儕能貨我乎。吾



能使耶穌不脫爾手。彼人大喜。約與三十銀錢。茹答斯遂每俟耶穌獨居。而行不肖之心。

耶穌所言死期既至。嘗預告十二徒曰。我自訂受難而死。今其時矣。受難前一日。耶穌與其徒。

行罷斯卦禮。同食羊羔。罷斯卦。乃每年一大瞻禮日也。食一羊羔以記。

昔時厄日多國王。羈留如德亞人。不放。後勉強放之。復率兵追趕。至海中。天主行靈異。使紅海。

水分開。乾涸。令如德亞人過海。訖。國王追兵後過。海水復合。悉皆淹沒。謂其徒曰。

爾輩中有負我者。衆皆惕然。問耶穌曰。吾師或是我乎。耶穌答曰。與我同納手於盤者是也。惜

乎。彼負我。不如無生。茹答斯乃曰。我師是我乎。

耶穌曰。爾自證矣。

禮畢。耶穌命十二徒列坐。自解上衣。厚水於盤。各濯其足。濯畢謂之曰。爾稱我爲師。爲主。我實是也。我爲師爲主。猶濯爾足。正示爾宜自相濯。相遜相愛。若果能相愛。即徵爲我徒。是時宗徒聞耶穌將爲人受難而死。不勝憂痛。耶穌復慰之曰。今我且死。死後三日復活。復活後。當顯現於爾。次與同坐。及晚餐。耶穌取麵餅。分而授之。曰。爾各食此。此即吾軀體也。又取爵而與之曰。爾各飲此。即我血。茲爲爾。及衆人罪。將傾注者。是時協露撒稜城外。有一園。乃耶穌與門徒暮歸之所。晚餐既畢。茹答斯先別去。耶穌與十一

徒同適園。行際。語之曰。爾曹今夜皆背予。經紀曰。我擊牧者。羣羊悉散。伯多祿答曰。雖皆背我。竟弗背。耶穌謂之曰。予真語爾。今夜雞鳴二番前。爾却背予三番。伯多祿曰。使僭師致命。竟弗背師。衆徒說皆然。耶穌暨門徒迨園。名熱色瑪尼。語徒者曰。坐茲。待予之彼禱。爾等亦宜禱。免陷於誘惑。卽携伯多祿。雅各伯。若望。三位。少離徒等。心始怖怯憂鬱。曰。吾靈憂甚至死。爾輩僭予在茲。僭予寤醒。乃前行離擲石之地。跪伏曰。父。爾能全。倘可免予飲斯爵。請諾。第請弗如予願。禱畢。遠視三徒。皆甚憂寐。乃謂伯多祿曰。西滿眠。弗克同予寤半晷。寤禱。免陷於誘惑。爾心

毅。爾軀綿。次往禱。曰。吾父。倘必予飲斯爵。惟若爾意。又起來視三徒。時再寐。厥目紅贅。無言對。再離彼。又次往禱如初。時天神降。勉惟厥憂鬱愈深。禱愈長。乃遍體汗血流地。復來視徒。謂之曰。爾輩寐歇。定期人子。當被付於罪人手。已矣。付予者近。起。偕予出迓。

茹答十二徒之一。引兵卒。暨司教使者。皆持燈炬兵器來。茹答謂兵預告之曰。我攸禮卽是。急捕押送。耶穌言畢。茹答適至。近耶穌行禮曰。亞物臘彼。耶穌謂之曰。友。至此何爲。茹答以禮付人子。耶穌知諸難已至。前行迓衆曰。覓誰。曰。耶穌納匝勒諾。耶穌曰。是予。是予二字。甫出主口。

悉却仰倒。再問曰。覓誰。曰。耶穌納匝勒諾。耶穌答曰。已曰。是予。尙覓予。斯從予者。勿禁任去。以驗經云。爾付予數人。予罔一遺。

時衆緊繫耶穌。徒者見事勢急。謂主曰。主容下手。伯多祿抽劍。砍司教首僕之右耳。耶穌諭徒曰。休。乃輕捫厥耳。愈之。語伯多祿曰。收劍。人以劍傷。以劍被傷。父錫予斯爵。爾無欲予飲。蓋知予能祈父。立命八萬餘天神來拯。經所以言曷驗。又向衆曰。爾輩操劍持干。出捕予。如捕賊然。予日日於爾輩前。講教聖殿。而不擒執。斯時定屬爾輩時。並屬魔顯能時。時徒皆奔。衆將耶穌。押送亞納。卽蓋法當年衆司教首者之外父。亞

納送之蓋法。時講經者。司教者等。一城老長者。俱已聚厥堂。

伯多祿及他徒。遠跡隨耶穌。掌教者熟識是徒。因同耶穌得進。在掌教之堀。第伯多祿立堀門外。惟他徒出門。謂守門婢。使伯多祿能入。時尙寒。掌教令人設火堀間。伯多祿雜僕偕坐。偕烘。欲視事終。擻責者首。及會集者衆。皆推究。希獲妄證。陷以死刑。然誑證者出百般。竟無實據。卒二證出曰。是人昔云。予敢毀敗天主聖殿。又不三日間。自新再造。斯言吾輩親聞。司教首起立問曰。爾被面訐重多於此。爾無一言以白。耶穌默然不答。司教首又問。爾所從徒若何。傳教若

何。耶穌答曰。予明講於世。予時恒示人於聖殿。衆集之所。私地無出片言。奚爲詢予。詢聞予訓。渠知予出辭。言竟。一侍僕掌耶穌面曰。應教首如是。耶穌曰。予答如有未善。爾證厥未善。如善。奚爲傷予。教首者又問曰。汝果天主子乎。當明語吾等。耶穌謂之曰。爾言是我。又與爾說。異日爾目。將見人子。坐天主右。乘雲降來。教首聆言。嗔甚。裂裳曰。此人今出深辱天主辭。寧須更問證人者。辱天主辭。爾輩明聞。判當如何。僉曰。決可死。乃或唾厥面。或捫厥目。披頰多掌。曰。測披汝者誰。武卒僕徒等。相與欺侮戲誚。

伯多祿時坐下墀向火。守門婢視之曰。爾爲斯

人徒乎。曰否。我不識斯人。言卽出墀。鷄初鳴。適出。他婢見之。曰。斯人果從耶穌。矢曰。不識是人。近火武卒。及僕役。俱曰。爾果是斯人徒。爾音明露誠是。衙內一僕。卽伯多祿所砍耳者。鼻謂伯多祿曰。我或不見汝偕彼於園。伯多祿又發矢曰。我實不識斯人。言未畢。鷄再鳴。主回目顧。伯多祿乃憶主云。鷄二番鳴之先。爾三番必背予。卽出門。慘哭苦泣。

天旣黎明。老長者。及撒責首者。俱再集。共議共約。殺耶穌。乃縛入公堂。曰。爾倘爲救世者。可明語我。對曰。若語。爾輩弗信。若問。爾輩弗對。弗釋。予確語爾。來日爾曹親目。將視人子。安坐天主。

佑。乘空中雲降世。悉齊出曰。若然。爾則爲天主子。曰。爾輩自說予是。衆云。奚必他證。證今出厥口。吾等親聞。急起乃緊縛耶穌。送付般雀比辣多都院。

時茹答見主旣決死案。厭惡己非。將三十銀錢。還撒責首。及老長者曰。我大犯罪人。無辜付義血。彼拒云。爾罪我何與。爾宜預籌。茹答委錢聖殿內。疾出自縊死。撒責首者曰。斯銀血價。弗可投入於篋。乃公議質陶地。作旅人義塚。斯地自當日迄今。稱血地。故日勒米亞預知者云。將三十銀錢。售價市陶地。是言是時驗。

比辣多出曰。爾輩訟何辭於斯人。答曰。斯人若

不辜。必不付汝。比辣多曰。依本國律。爾輩處斷。曰。吾等萬無可殺人。用成驗耶穌預所云。當被死如何。次曰。是煽惑本國人心。又禁納稅於國王。又自稱國王。掌教誣時。主嘿不辯。比辣多謂之曰。爾不聞訟汝事情者衆。竟弗置對。官大異。引入公堂。問之曰。爾爲本國王否。耶穌曰。爾自發斯問。或預聞於人。今詢於予。比辣多曰。或以我爲斯國人。爾同地人。暨掌教者。付爾於我。爾出說素行如何。耶穌答曰。予國非爲今世國。若是予臣予民。俱出力。使不被付於若人。予國允匪在茲。比辣多曰。則爾信國王。曰。爾自說予爲王。予降成人。因爲真實證。真實人聽納予言。比

辣多曰。真實者何。旣問再出。謂衆曰。詳察斯人。果無可罰辜。衆呶呶不絕。亂呼曰。昏亂衆心。縱橫其教於如德亞國。其毒始流於加理勒亞地。廣延以至茲國。比辣多問其爲加理勒亞人否。乃知屬黑落德權。送黑落德。蓋當時居京。渠以夙聞耶穌奇異諸蹟。得見懽甚。望吾主當面行異。妄舉多問。主惟默無出言。撒責首等衆。偕亂證。闕闕喧天。黑落德暨護臂武士兵卒。僉欺藐。又衣以白衣。還送於比辣多。是日黑落德。暨比辣多。彼此平令。蓋宿日互結仇。比辣多。集撒責首。理事士民衆。謂之曰。汝輩皆送斯人於我。謂有犯教亂衆之辜。爾今所訟

伊罪。訊鞫汝當面。弗克獲一。且黑落德亦然。難加可死刑。我茲殆罰。竟乃釋。

是日適當巴斯卦瞻禮。依國例。隨民願釋一獄犯。當時獄中。有一稔惡無類。名巴拉巴。一乃宿盜。一乃近日興亂殺人。比辣多謂衆曰。今有巴拉巴。有耶穌。二者爾欲釋誰。撒責首。及老長者之衆。勸民請放巴拉巴。向死罪耶穌。因皆大呼曰。殺此釋彼。官意欲釋耶穌。次問衆曰。爾輩之王。當如之何。衆再大聲曰。當釘當殺。比辣多曰。我果不見釘殺之辜。罰後且釋。衆愈高聲大呼釘殺。比辣多乃命釋巴拉巴。鞭耶穌。官卒將耶穌入公堂。集衆武卒。解其衣裳。繫之。

石柱。鞭以堅繩。不下五千餘。全身剝傷。繫畢。披以紅袍。又織棘圈戴之首上。後重壓之。棘刺深入於腦。使右手持竹竿。而跪其前。戲嗤曰。亞物如德亞王。後唾其面。以竹搥其首。戲僞禮畢。比辣多携耶穌出外。謂衆曰。我今携此人。欲爾便知。我不知其辜。耶穌出時。戴棘刺圈。及披紅袍。比辣多對衆曰。人乃在茲。掌教等人。更大喧譁。曰。釘之釘之。曰。爾者接釘。曰。吾國有法。依法應死。以自謂我大天子。比辣多聞語大驚。再入公堂。問耶穌曰。爾何方人。耶穌不對。曰。不對我。豈知我有釘汝權。并有釋汝權。耶穌答曰。倘允命不降自上。爾萬億弗克屬予於爾權下。緣付

予於爾。厥罪愈重。
繇斯比辣多。盡力圖釋。如德義大呼亂喧曰。爾
或釋斯人。明著弗愛帝王。人謀篡王位。斯必帝
王之仇。比辣多聞是語。偕耶穌出。上座時幾午
正。對衆曰。爾王在是。衆狂呼曰。舉之舉之。比辣
多曰。爾王奚可釘哉。曰。吾王惟責撒肋。比辣多
坐座際。伊婦遣使戒之曰。爾於彼義人無與。我
今日爲彼。夢間被見多異。比辣多既設多計。盡
無益。又衆洶洶羣輩。將水對衆盟手曰。斯無辜
人之血。與我無與。爾輩自願。諸衆齊聲答曰。吾
輩並吾輩子。俱任受之。比辣多氣怯。姑徇衆情。
任憑戳殺。

武士解耶穌所披紅袍。衣之本衣。將木十字架使負之行。詣加爾瓦畧所。以二鐵釘釘兩手於橫木。以一鐵釘。兼釘兩足於直木。當空豎之。日中晴明。即時失光。天下晦明者凡十二刻。又釘盜賊二人於兩十字架。以賊左右耶穌。示耶穌與盜賊同刑。時民衆及民首。爭笑詈譏之。曰。能救他人。不能救己。爾倘天主子。可下。吾見即信。比辣多書一橫板。置之十字架楣上。曰。耶穌納匝肋諾。如德亞王。仇者請比辣多曰。勿書如德亞王。寧書其云。我爲如德亞王。比辣多曰。所書既書。

耶穌始在架上。曰。父寬宥彼罪。彼實不識所爲。

又被釘十字架左盜譏之曰。爾倘爲救世者。救爾。兼救吾輩。右盜責之曰。爾者。並屬罰例。猶不畏天主之威。爾我受刑。乃理乃義。斯刑正當我愆。斯人實無辜。卽向耶穌云。主至本國時。請記我一念。耶穌謂之曰。我確語汝。汝偕予今日並享天堂真福。

聖母近立耶穌架旁。及其妹瑪利亞客阿拂。及瑪利亞。瑪達肋納。耶穌視母。並視所愛之徒。謂母曰。女人。彼爲爾子。次謂徒曰。彼爲爾母。從茲以往。徒盡孝事。耶穌大聲曰。吾天主。吾天主。何捨去我。耶穌知降世之故已全。欲成聖經之言。曰。渴。近有醋餅。侍卒持酒及醋。浸以透水之物。

及苦草。擎之高竿。送厥口。耶穌吮之。曰。終。即大聲曰。父。我神付於爾手。言畢。俯首斷息而崩。於時聖殿帷帳。從上至下自裂。地球震動。石自碎。墳墓自闕。已亡多聖人之屍。再活出墓。於耶穌復活後。入聖府見於衆。百夫長。及守耶穌等卒。見地震等異。驚愕曰。此人真天子。是日正當巴斯卦大瞻禮日。如德義不欲屍懸架上。因請比辣多。命折斷其脛。下之。武卒折斷二賊脛後。詣耶穌見已亡。不斷厥脛。但一卒持矛刺胸。血水併流。乃有二徒釋下聖屍。市香液百斤。濡抹。包以白布。瘞於石墓。以大石塞墓前。此耶穌受難之畧。其徒親見。而紀於冊者也。✠

吾主耶穌念珠默想規條

每想後。俱念在天亞物各一遍。

一想 天主聖子。因聖神降孕於童貞聖母瑪利亞。

二想 吾主耶穌誕生於瑪利亞之童身。

三想 吾主誕生吉音。天神以報牧童。又於空中作樂。

四想 吾主初生受瞻拜於牧童。

五想 吾主依古禮受割。乃立耶穌聖名。

六想 吾主見朝貢於三王。

七想 吾主被聖母奉獻於主堂。

八想 吾主偕聖母往避厄日多國。

九想 吾主十二齡在堂與諸耆學論道。

十想 吾主與聖母共處三十載。克盡孝敬。

十一想 吾主領洗於若翰。乃建入教大禮。

十二想 吾主在山持齋。被邪魔試探。

十三想 吾主選擇宗徒十二位。

十四想 吾主三十齡。始躬傳聖教。

十五想 吾主命痊諸病。

十六想 吾主命死者復活。

十七想 吾主驅魔於人身。

十八想 吾主被惡徒茹達斯負賣。

十九想 吾主親濯宗徒足。

二十想 吾主建定聖體大禮。

二十一想 吾主園中祈禱。出流血汗。

二十二想 吾主被捕於兇卒。

二十三想 吾主被解送於四署。

二十四想 吾主被縛於石柱。而受鞭笞。

二十五想 吾主被惡黨纏以茨冠。

二十六想 吾主肩負十字架赴山。

二十七想 吾主被釘十字架而死。

二十八想 吾主死後。被一卒持載。刺其右脇。

二十九想 吾主殮葬於石塚。

三十想 吾主降地獄。第三日復活。

三十一想 吾主當諸聖徒之前。亭午上升。

三十二想 吾主前言見符。聖神降臨。

三十三想 吾主日後再降世。審判生死者。

求諸德誦

吾主天主。德義淵源。吉福充滿。賜裕我神魂。能符主旨。誠信堅望。熱愛於主。並賜我挺於禍。節於福。義於取。仁於施。勉進命行之善。痛絕禁誠之惡。謹防五官。勿迷聲色逸樂之邪。我雖重罪。微僕無足矜憐。望主無窮仁慈。念聖母瑪利亞。及諸聖人聖女。代求天主臺前。俯允我求。加我神力。避罪遵德。恒一不移。咸臻徽美。 亞孟。

祈求聖教大行祝文

請衆同禱。無始無終。肇造萬物。全能者天主。憐念教外靈魂。皆爾化成。依似爾像。吁。吾主天主。於此靈魂。地獄恒滿。深辱爾名。我等專心祈爾望爾。念爾極愛之子耶穌。爲救彼靈魂。受萬苦。

萬難。被釘十字架死。嗚呼。懇祈天主。併念卒世
 童貞聖母瑪利亞。及天朝諸聖人聖女。祝禱勳
 勞。特仰爾仁慈。赦教外之人。背爾教。違爾命。毀
 爾言。忘爾恩者。種種多罪。望主垂憫寬赦。令彼
 改惡遷善。認識造世贖世。無始無終之大恩主。
 乃可望獲承耶穌基利斯督。所許洪錫。亞孟。

求爲教宗誦

吾主天主。萬民之大父。生我。育我。教我。又親降
 生爲人。受難釘死。贖我大罪。主復活將升天。仍
 不忍舍我。憐我無人顧訓。如羔羊失牧。首定宗
 徒聖伯多祿。卽主位代統萬民。願我訓我。相傳
 不絕。至於教王。依主旨。命司鐸分傳聖教。以救

萬靈。使之認主。我雖罪逆。幸識正道。登之光明。我今追思。皆即主位。傳主命。教王之恩德。求主加其神力。以副尊位。治理教務。愈精愈純。偕厥賢輔。引導聖教會諸人。承行主旨。至於死後。同升天國。永享榮福。亞孟。

求爲主教誦

吾主天主。無極仁慈。祈訓我等。設立主教。選擇大德。當此重任。治理教務。付司鐸尊位。施行聖事。救拔吾儕。我今感主教之恩。求主賜之能力。克稱其職。撫眷吾羊。同躋天國。亞孟。

求爲傳教誦

吾主天主。生我贖我。無極洪恩。我從邪干罪。賴

主慈憫。命司鐸傳教。使我認識大主。領聖水。滌除往罪。主知我力弱怠惰。易犯誠命。復令神父持我弱。策我怠。解我罪。訓我立功補愆。我今求主。加佑神父。賜之康寧。睿知。明徹。主旨。洪敷主慈。使我恪遵教規。持守善終。隨我神父。藉其功德。偕享永福。亞孟。

求爲皇帝誦。

吾主天主。神人萬物之主。無始無終。無極尊榮。主生我育我。知我兆衆。不能和睦。以至爭鬪。傷殘。誕生皇帝。治我撫我。一切恩德。皆主潛默扶佑。以致國泰民安。但我受國恩。願報未能。惟懇切求主。佑我皇帝。身泰神清。聰明睿知。子孫福

壽。國祚綿長。恒享太平。 亞孟。

求爲官府誦

吾主天主。統御天上萬神。暨世間百職。至義至公。無善不賞。無惡不罰。命天神導我善。拒我惡。佑我於陷溺。又命官府。涖我以善諭。我以刑。倣我。使我循規遵矩。不至獲罪於主。種種美節。我今懇切求主。加佑本地官府。助其義智慈斷。上敷善政。下化良民。敬主愛人。共沐永福。 亞孟。

求爲父母親友恩人誦

仁慈天主。命我報德感恩。愛敬父母親友恩人。我乃微末。無涓埃仰報之能。祈主佑我。補我虧缺。承行主命。求主聖寵。賜我父母親友恩人。在

世行善。形體康泰。靈神潔淨。以至身後。獲享天上永福全報。亞孟。

爲天下萬民誦

仁慈天主。造成天地萬有。始生我等初祖亞當。傳衍人類。散居四方。前古後今。咸厥苗裔。故普天率土。雖遐邇異域。風俗殊致。智愚善惡。各別其倫。究無一人。不在大主生育保存之內。降世救贖之中。我今爲天下萬民。懇祈吾主。凡已奉教者。頻加寵佑。遵誠順命。全心事主。未奉教者。開其心目。使之棄邪歸正。洗罪認主。及一切災害疾患。削除滅滅。俾吾儕和睦親愛。感謝讚揚。如天朝神聖。承行主旨。亞孟。

求爲我警誦

至寬至忍。天主。命我以德報怨。不問大小輕重。凡人苦難我。譏侮我。謀害我。墮我事。損我物。揚我過失。種種逆我意者。求主赦我。憎伊之罪。不以伊待我者。報之。更懇求主。眷顧苦難我者。降福。譏侮我者。保存。謀害我者。隱我事者。賜之順利。損我物者。賜之貲財。揚我過失者。賜之令聞。今世與之相睦。後世偕之升天。永享榮福。亞孟。

求免患難誦

無始無終。全能者天主。因我有罪。降此災難。以懲干違聖命。我追思往非。甚畏主怒。理應加刑。仰主無限仁慈。懇求壽威。寬宥於我。我今痛悔。

前愆。立志以後。改惡遷善。 亞孟。

求豐年誦

天主親諭吾儕。求日用之糧。我今遵奉聖命。懇切求主。生存大地百穀。使我微僕。藉以餬口。庶不慮肉身之需。專務神功。一心事主。 亞孟。

旱時求雨誦

全能至智。至仁天主。初造天地。各賦物類本德。生草木五穀。備吾人日用糧。緣我得罪至極。徒受主恩。以致主怒。不降雨澤。滋潤大地。誠為至當。我今認罪。痛悔求赦。望息主怒。興雲施雨。以甦我命。遵奉聖意。矢志勉力為善。 亞孟。

霖雨求晴誦

天地大君。仁慈大父。令太陽周運。普照大地萬物。不分善惡。無所不及。無物不慶。至公至大之恩。更望主無據我罪。輒加刑罰。寬仁赦宥。開放日光。俾覩青天。免受淋瀝。百卉向榮。使我世人居於下土。可生可喜。稱頌主慈。感謝主恩。至於無窮。亞孟。

遇雷霆暴風迅雨地震時誦

全能至仁至義天主。寬赦謙遜者。威刑驕傲者。求息聖怒。溥施慈愛。勿令殄滅吾儕。追思上古。主降洪水。滅天下萬民。僅存八人。又降大火。燒燼四城。以雷霆風雨地震刑罰多惡。我重罪人。雷霆風雨地震。無所不懼。若主據罪加刑。何能

脫禍。仰天號求。天顯主怒。雷霆驚我。俯首低求。
 地顯主怒。地震嚇我。望空哀求。遍顯主怒。風雨
 懾我。主之大能。難道難免。惟真切怙主。識認我
 罪。求主至仁。赦我於怒。求主至慈。寬我於義。我
 今痛悔立志。恭畏主威。敬奉主命。庶望宥免。今
 世暫罰。後世永刑。亞孟。

向聖羅格求免瘟疫誦

吾主天主。爾賜爾忠信之僕聖羅格。以十字聖
 號。療治各等瘟疫之能。求爾因其功德。並因其
 轉達。保護我等於爾仁慈之中。免受一切傳染
 之疫。並猝死之險。爲吾主耶穌。基利斯督。亞孟。

遇流疫求止誦

吾主仁慈天主。萬災皆我自招。干犯主命。違主
生我。養我。聖意。致受諸疾。今者時疫橫流。均我
極惡大罪所宜。非主至仁全能。疇爲止之。我今
求主。憐視我等。使安居樂生。和氣調暢。人無夭
折。乃得受主所賜平善。欣謝主恩。敬奉主命。
亞孟。

遇火災求滅誦

吾主天主。至慈大父。我實微賤。主生我。贖我。造
萬物。養我。厥恩無極。我久背忘。不知感謝。獲罪
甚多。主降此火刑。誠爲至當。我今痛悔前非。懇
切求主。勿據我罪刑罰。惟發仁慈。滅此火災。免
被焚燼。自後決定。我發神火。熱心愛主。淨心事

主。不敢再干聖怒。 亞孟。

被誘感時誦

吾主天主。知我重罪人。被三仇誘感犯義。我力甚弱。難克仇攻。我神易迷。難喻仇欺。非主默啟我愚。振扶我弱。卽致隕陷。全能者天主。生我敬主。勿棄我向仇。至慈吾主耶穌。降生爲人。受苦至死。救贖我。不許我屈服已勝之仇。聖神者天主。降臨照世。明顯仇隱計。不許我墮於羅網。仁慈聖母瑪利亞。我往被仇誘。得罪至極。伏祈轉求天主。賜我真切痛悔。佑我不敢再犯。護守天神。三仇來攻。求速格退敵。一切天朝聖人聖女。憫恤我。轉求天主。賜聖寵加力。克勝三仇。以得

升天。同享受勇勝之賞。 亞孟。

看書以前誦

造物真主。以全能造成天地人類。萬神諸品。以神智安排。生物使得其所。我昏昧無知。願攻此書。以佑啟愚蒙。明理積學。將承主命。不爲貪私。求主賜我通明之光。記含之容。辨晰之敏。增加智慧。愈明主全能奧妙。 亞孟。

啟行求佑誦

吾主天主。行路之指南。遇難之洪佑。萬動之終安。萬意之終向。今我啟行。求主護守。天神與僮。持我於險。不許誤陷於惡。此行若益我神。懇求助進。使無抑阻。若害我神。獲罪於主。勿許攸往。

我之動靜。惟願翁合主旨。又求遠遊時。保我父母妻子。舉家降之寵福。免去後之慮。旋時無恙。同謝主恩。亞孟。

遇難求忍誦

吾主天主。我有安樂。莫非主賞。我有艱難。莫非主罰。我今被多苦。皆主前知豫命。主爲愛我。生我贖我。加我苦難。豈非淑我益我。今求主。加我神力。能堅心忍受。翁順主聖意。勿論何故何如。患難攻我靈。苦我軀。惟望主消滅我萬罪。亞孟。

遇吉得意時誦

吾主純美天主。真吉多福之源。我等微陋。凡有吉福。皆主福海涓流。今我獲遇微吉。竊隨陋意。

荷主恩賜。乃克膺此。切念我罪宜降百凶。拂逆
心意。誠爲至當。主不降罰。反賜吉祥。莫大洪恩。
我今求主。賜我誠心奉事。堅定我衷。不爲外物
牽馳。不溺今世微吉。暫福。惟圖後世真吉永福。
不以所遂鄙志爲足。惟務翕合聖意爲樂。亞孟。

遇凶失意時誦

吾主天主。主所是非。真爲是非。主所善惡。真是
善惡。主所吉凶。真乃吉凶。我等愚暗。是非吉凶
善惡。顛倒罔知。今我遇凶失意。復思我多惡無
善。何敢望降賜吉祥。雖得今世僞福。恐生放恣。
致招後世真禍。故患難貧賤刑辱。一惟遵聽主
旨。甘忍當受。定心立志。感謝至公至慈之大恩。

亞孟。

遇本身誕日誦

全能天主。未造天地萬物之先。諸樂榮福。自蘊
完滿。不假於外。無物不滅。有物不增。我歷多年。
至於今日。賴主大恩。入世之日。享主所造諸彙。
無功享受。吾主造我。原使爲善立功。可得天上
真福。恨我全忘主恩。大背主旨。已往槩多犯誠。
屢失聖寵。今求主。宥我往罪。賜我洪佑。俾去惡
向善。不負生命之恩。虛度在世時日。 亞孟。

遇領洗原日誦

吾主耶穌。生我贖我之天主。我多年爲邪魔所
迷。罔識真主。不感主恩。肆志忘爲。將主所賦靈

魂肉身為魔屈。今稱頌主仁。醒我迷。拯我劣。我
 追憶往某年某月某日指原領洗月日習誦。使我明信聖道
 正理。領洗入教。不勝歡慶。感謝主恩。復求洪佑。
 賜常愛主。須臾不違離於主。庶可報當日領聖
 水之大恩。亞孟。

求安死誦

吾主天主。按主經訓。得明安死。為善生之報。善
 行之賞。平生為善。無不安死。平生為惡。無不險
 死。今我追思往罪。何敢求賜安死。因安死大事。
 永遠苦樂禍福。長久所係。惟恃主本性洪慈。懇
 切求主。不據我罪。我雖屢犯主命。是主所生贖。

主欲我善死。降生爲人。居世苦勞。至被釘受死。我今求主。賜我神力。改非爲善。操守至終。聽主預定時勢處所。泰然無憂。託主所賦生命。怙主安死。亞孟。

日備善終經 習誦此經大有神益臨臥臨終尤宜虔誦

罪人某謹以神魂奉獻天主。形軀歸地。付與朽腐蟲蛆。世有虛而又虛。從此甘心悉卸。獨因愛主誠情。一心痛悔前愆。生平大小仇讐。概以五衷原宥。信主位三體一。聖父聖子聖神。造化宰制。救贖賞罰。全能全知。全善之主。凡屬教中應信之端。我皆一心堅信。望主垂慈赦罪。恩賜常生。全力。全靈。全意。愛主萬有之上。我之神形。全

交於吾主。至可欽崇之聖意。倘主尙欲延我生命。煉罪立功。我亦備心靜待。行止苦甘。衰健存亡。惟是承行吾主至聖之旨。

再以神形諸有。全託我慈母。至聖童貞恩保瑪利亞。大聖若瑟。護守天神。暨天朝諸聖之廕庇。懇祈濟佑我於死候。願得謙愛誠心。克誦耶穌瑪利亞聖名於口而終。並願我靈辭世。在其聖愛之中。若臨終不能誦此聖名以口。切願誦之以心。以神以意。如或明司昏貴。不能默誦於心。敬以極謙極愛之情。虔恭預誦於今。

耶穌瑪利亞。我主。吾神付於爾手。

欣勤聖事經 領主保單前誦

托賴吾主耶穌聖體寬佑。幸奉聖業者。於月內
畧得微積。懇求我等大主保。童貞聖母瑪利亞。
暨副主保聖若瑟。護守天神。聖依納爵。聖方濟
各沙勿畧。轉獻謝主。更求賜自今以後。愈加我
等神佑。令皆竭力盡心。勤行仁愛之事。以仰報
吾主耶穌聖體仁愛弘恩。亞孟。

領主保單後衆人同誦

無始無終。全能天主。生我養我。降來聖子。受苦
贖我。立表教我。又篤生大聖。世世不絕。或簡列
宗徒。或位居師傅。或舍生致命。顯義勇之奇。或
上智。繕靈垂精。修之範。或效天神之清潔。或倣
聖母之貞操。功業在人。德踪印世。凡人仰企。怙

恃者。形神無不沐其帡幪。我等罪重惡深。改遷無力。仰瞻諸聖。願學未能。特向今日所領主保聖人。若每日念。改云特向某聖。誠切哀呼。懇求輔我翼我。迪我聖我。為我恩保。轉求吾主耶穌。昇我自今而後。遠除罪引。克勝三仇。堅志神功。熱心聖事。步趨芳躅。翕合儀型。迨至終期。偕同諸聖。共享永安之真福。 亞孟。

婚配祝文 念後台念聖三光榮頌天主經各一遍

皇皇天主。俯鑒愚誠。主之全能全知。主之至善至仁。上天下地。物物可徵。肇造亞當。元祖黃土。為身再造。厄娃始母。匹配傳生。後人嫁娶。從此以興。凡合天主之聖意者。多蒙寵佑。如前聖多

俾亞。主命天神引導。與女撒臘。配為夫婦。齊眉
 耄耄。繞膝露初。迨主降世。隨母賀婚。變水為酒。
 以樂嘉賓。歷舉從前之靈蹟。足徵婚配之匪輕。
 今某男 仰遵聖教。七聖規之至意。娶某女 為室。
 望主仁慈。垂佑二人。亦如前聖平安偕老。篤生
 肖子。暨諸孫曾。協同敬主。以欽承撒格辣孟多
 之洪恩。 亞孟。 誦申爾福一遍

如兩人念經。一人念畢。一人再念一遍。改云
 某女名。與某男名為室。念至聖名。灑聖水

聖若翰保弟斯大誦

請衆同禱。先知大聖。荷主特寵。自母胎蒙赦
 者。聖若翰。念爾為吾主天主。預簡為救世者之

前驅。誕生於世。導人認主。誨人痛告。均沾吾主
救贖。洪恩。克忠克勤。懋功懋德。勳績燦爛。光輝
簡冊。今我等仰賴聖人功德。懇祈轉求天主。寬
赦我罪。賜我真全痛悔。切念不忘。保守心身。避
罪遵德。善生安死。偕主享主。得造天國。恭隨聖
人。恒瞻聖三之光榮。於無窮世。 亞孟。

聖若翰保弟斯大誦

大哉若翰。膺受奇恩。胎時蒙赦。原染革新。司祭
良子。聖母懿親。真光未照。寶炬先臨。怙恃早逝。
移居山曲。孩提離俗。神伴養育。粹然清潔。詣臻
聖域。壯年敷教。俟主旦旭。基利斯督。領洗河濱。
皇皇聖父。赫赫綸音。茲所愛子。攸樂我心。承行

主命。不憚辛勤。徽美巨德。國人欽敬。厥辟邪惑。直言諫正。逢彼慚怒。囹圄致命。福享天庭。位越衆聖。

聖若翰保弟斯大祝文

天主。爾使聖若翰保弟斯大誕日。爲顯榮之日。懇祈爾。賜我等神樂之恩。及諸信者之靈。引於榮福正道。爲吾主耶穌。基利斯督。亞孟。

聖依納爵祝文

請衆同禱。吾主天主。簡聖依納爵。增協堅陣之厄格肋西亞。愈顯爾名之榮。懇祈主賜我藉其轉佑。遵行遺表。戰勝在世。論功於天。同享榮冕。偕罷德肋。偕斯彼利多三多。乃生乃王世世。亞孟。

聖味增爵禱文

此禱文因未蒙教皇恩准誦之無
恩赦只可私念不可在堂公誦

啟天主矜憐我等。

應基利斯督矜憐我等。

天主矜憐我等。

啟基利斯督俯聽我等。

應基利斯督垂允我等。

啟在天天主父者。

應矜憐我等。

贖世天主子者。

聖神天主者。

三位一體天主者。

聖瑪利亞。

應為我等祈。

聖味增爵。

聖味增爵於幼稚時明智如高年者。

啟 聖味增爵自嬰年充盈憫惻仁慈者。 應 爲我等祈。

被選於牧羊微業以牧天主百姓者。

被擄於異地爲僕神形坦然不露艱窘之苦者。

以信爲生之義人。

堅倚聖望如舟之鎮釘。

常燃聖愛之火。

樸誠正直敬畏天主者。

良善心謙基利斯督之肖弟。

克己兼全於內外者。

生活於基利斯督之聖神者。

奮然益顯天主光榮者。

欣勤恒圖拯人靈魂者。

啟賤惡世俗之意時時弗息者。應爲我等祈。

以神貧之德承耶穌聖經所許之寶藏者。

以貞潔之德可比瑩粹美之天神者。

樸實聽命發言令人心悅誠服者。

髫齡翕合愛德中所生之苦者。

慎戒各種微罪之影響者。

極務精修純全之盛德者。

穩如磐石不被俗浪所搖撼者。

步履真智如日永遠不紊厥度者。

恆遭逆境如利刃刺心不爲所屈者。

忍苦如飴於寬恕之德可並稱者。

羅馬聖而公會忠心之子者。

啟於伯多祿之位一生締結者。應爲我等祈。

深惡痛絕左道詖辭者。

特定之職傳播福音於窮苦者。

位居神品者之慈父。

創興傳教會濬哲之元首。

建立仁愛女會之精師。

慨然樂助諸貧窶者。

熾心祈禱並黽勉訓誨聖業者。

追隨基利斯督之行實傾德頃刻靡懈者。

至死爲主盡忠者。

善終爲主所珍寶者。

享天國充滿之福因得至真至善之主永久弗離者。

遺人世徽美之表俾我等步武芳踪者。

啟除免世罪天主羔羊者。

應主赦我等。

除免世罪天主羔羊者。

主允我等。

除免世罪天主羔羊者。

主憐我等。

啟聖味增爵為我等祈。

應以致我等幸承基利斯督所許之洪錫。

請眾同禱

至尊天主。因爾無限聖善。復見於爾僕聖味增爵。傳教謙愛之中。以顯爾所愛聖子之志意。使報福音於貧者。安慰苦難者。扶助斃斃無告者。光輝聖教之品級。祈主隨爾聖意。垂顧彼大能之轉求。賜我等脫今世可哀之罪污。倣效聖人

之謙遜愛德。專心事爾。悅樂爾心。爲吾主耶穌。基利斯督我等主。其偕爾。偕斯彼利多三多。惟一天主。乃生乃王世世。亞孟。

恭敬聖方濟各沙勿畧九日誦祝禱文

向天主誦

皇皇聖三。三位一體。全能者天主。我跪在此。叩首至地。虔恭欽崇爾。依爾無限仁慈。我懇懇求爾。賜我所望之恩。噫。我實弗該受爾惠。但我今甚悔往愆。定志再不敢復得罪爾。至慈太父。毋棄我拒我。懇爾俯聽我籲。憐憫我貧窮。因爾有言。我獨奔爾。賴爾聖子耶穌聖血寶死。及卒世童貞聖母瑪利亞。無原罪之始胎。又以聖沙勿

畧之大勳。聽我哀呼。准其爲我轉達。 亞孟。

向聖沙勿畧誦

至榮耶穌之寵。尙宗徒。聖方濟各沙勿畧。我今
虔心奔爾臺前。求爾作我主保。因爾在天。恒特
主愛。爲此心願求爾。轉祈主恩。况爾昔日。捨身
棄命。梯航東洋。拯救無數國都。異教人民。我雖
不獲見爾。豈其從心敬爾呼爾。望爾作我主保。
爾竟弗憐弗聲。且凡虔心呼爾者。屢獲爾代求
之驗。我何獨弗能沾其恩惠。仁慈主保。爾其聽
聞。我極望爾爲我轉達天主。不能不切切求爾。
又嘗記爾有言許人曰。凡以耶穌受難。及聖母
無原罪之始胎求我。我必允其祈求。今從爾誦

引。恭敬耶穌苦難。並賀聖母無原罪之始胎。爾其念爾前言。允我所求所望。亞孟。

恭敬耶穌受難誦

吾主耶穌。爲我甘心順命至死。死於十字架上。因此天主陟之。錫厥名。超越諸名之上。

天主矜憐我等。耶穌基利斯督。俯聽我等。

請衆同禱。全能至仁者天主。我等求爾憐視爾一家人。因爾所愛之子耶穌。基利斯督。我等主。甘願自送於惡黨手。受十字架極刑。其偕爾偕斯彼利多三多。爲一天主。乃生乃王。世世。亞孟。

賀聖母無原罪之始胎誦

天主母。至聖童貞瑪利亞。爾始妊母胎。報喜於

普世人民。因義光太陽。耶穌基利斯督我等主。從爾出於世上。而救我等於凶惡死患。及賜我等常生之永福。

啟 我等喜慶童貞瑪利亞無原罪之始胎。應 幸得伊爲我等轉祈天主。

請衆同禱。望主賜僕聖寵之恩。既聖母之產。爲伊等蒙真福之原始。其始妊母胎之永慶。幸爲和平之益。爲爾子耶穌我等主。偕爾偕聖神。乃生乃王世世。亞孟。

請衆同禱。全能天主。因聖方濟各沙勿畧廣揚聖教之能。靈異之蹟。使印度東洋諸國人民。合羣於諸信者之棧。懇祈主賜我等。凡欽崇聖人

之大勳者。效其諸德之表。爲聖子耶穌。基利斯督我等主。偕爾偕斯彼利多三名。乃生乃王世世。亞孟。

祈求祝文

眞福大榮之聖沙勿畧。爲爾仁愛宏深。衷情超熱。以至十年之內。極盡辛勞。廣施德澤。援救多靈。我今懇切呼號。望爾轉達。賜聖教廣揚。諸艱平伏。罪人悛改。異道消除。煉靈獲救。更賜中華國泰民安。及恭敬爾者。守誠益精。咸享眞福。仁愛之聖。爾慈屢顯。我雖鄙穢罪人。亦望此恩。准賜所求。爲天主聖三之光榮。及爾之崇福。亞孟。

念天主經。聖母經。各三遍。

崇德之聖沙勿畧。爾爲忠善主臣。能竭忠小事。主故任以大事。永居主之真樂。

啟 蒙主昔由直徑。導爾至義之人。應 爲天國之崇輝。暗世之巨耀。

請衆同禱。至仁至義者天主。賚賜榮光。於光榮爾者。忻受欽崇於欽崇爾者。懇主垂仁。凡我等虔奉聖沙勿畧之崇功懋德者。俾能覺主聖慈。及其恩報。爲吾主耶穌。基利斯督。 亞孟。

天主洪佑。永與我等偕焉。 亞孟。

聖方濟各沙勿畧求爲外教人歸化祝文

無始無終。造萬物真主宰。記念外教人的靈魂。都是爾化成。按爾聖容。此時都下地獄。至極凌

辱爾聖名。吾主天主。記念爾可愛聖子耶穌。爲救他們的靈魂。受萬苦萬難。利害的死。吾主天主。我祈求爾。自今而後。不許外教輕慢爾聖子。但俯聽諸聖。及聖教會的祈禱。息爾義怒。發顯爾仁慈。不要記念他們恭敬邪神之罪過。叫他們認的爾所打發的降生救世者。可愛的聖子。吾主耶穌。我等之生命。我等之復活。我等之救贖。我等願吾主耶穌。受享光榮於無窮之世。亞孟。

每次虔誦此經。教宗額我畧第十六位。於一八四四年。賞一百天大赦。虔誦此經者。於聖沙勿畧本瞻禮日。及虔誦一月者。於每月所揀之日。遵依公會常規。可得全赦。

聖五傷方濟各祝文

爲奇號。爲奇蹟。聖方濟各奇人哉。厥德愈衆之
諸疾病。厥功驅衆之諸仇魔。曠野之中。衆飛禽
傾耳。伏聽爾講論主恩。如此廣揚信德。厥命讚
美哉。死以後。多已死者。再得其生命。聖方濟各
使我等。與爾同聚於天府。合諸聖人爲永友。
申爾福。聖方濟各本鄉之榮光。衆小子之規模。
聖德之明鏡。平直之正路。熟行衆善之師表。於
離驅之時。引導我登於天國。
啟 吾大聖方濟各爲我等所。
應 賜我應蒙基利斯督之洪錫。
請衆同禱。全能者天主。因聖方濟各之聖功。廣

揚爾聖教會。建立會友之基業。俾我等。切效其遺表。棄絕世俗之趨向。恒愛天國之通功。爲聖子我等主耶穌。偕爾偕斯彼利多三多。爲一天主。永活永王。亞孟。

天主。因聖方濟各功勩。以新衆子廣爾教會。祈俾吾師其行者。輕世物而獲天上之恩。賜享恒樂。爲爾子耶穌。基利斯督。亞孟。

助善終引

病人臨終。應先提醒其真切痛悔一生之罪。痛悔之意。非專爲怕地獄受永苦。非專爲升天堂。受永福。惟因得罪至慈至義大父母天主。宜愛之。萬有之上。甘受萬苦萬死。再不敢得罪。又

提醒。此時係至寶之時。消罪立功之候。過此時
候。永不能再得。天主特賜此時。該忍耐眼前病
苦。獻於天主。謝天主大恩。想吾主耶穌爲我釘
十字架受苦。又提醒。兒女妻子。家事財物。一
切該棄置不管。專心向天主救爾靈魂。時時立
信主。望主。愛主之心。倘若魔鬼來攻。說爾罪大。
不得升天堂。爾卽逐退云。我罪雖多。天主慈恩
無窮。惟倚靠吾主耶穌。無量功勞。旣生我養我。
引我奉教。救贖我。望主憐憫我。賞我天堂永福。
問曰。求天主赦爾一生罪過否。答云。求。又
問。若病愈。願改過遷善否。答云。願。又問。或有
得罪他人處。肯真心求饒赦否。答云。肯求饒恕。

又問。肯與仇人和否。答云。肯和。又問。缺欠他人之財物。情願償還否。答云。情願償還。

臨終念

若病人不得念。助善終者代念。令病人聽之。可發專心向耶穌。

主手付吾靈魂。主真實天主。已救贖我。耶穌基利斯督。仁慈父。矜憐我困窮。乃予主所造之物。吾主天主。扶護我急難之中。濟佑我窮迫孤危無靠之魂。勿被吞於豺獍惡鬼。耶穌基利斯督。為受難之功。使我名預錄於天冊。造我救我耶穌基利斯督。獻我心於主。主勿棄。我來依主。主勿逐。求主仁慈。矜憐我。賜吾靈魂。恬然歸於安所。吾主耶穌德。音。詔於吾耳曰。

汝偕予今日。並享天堂真福。

向聖念聖母瑪利亞。額辣濟亞之母。慈悲之母。護衛我於諸仇。接導我於死候。

向天誦伏求真福諸天神大能。護救我於邪魔之陷罪。賜接我靈。得享天福。伏祈護守天神。此時轉求救我。

向主保本至榮聖人某。予在世望轉達天主。茲名聖人誦窮迫之時。懇求扶佑我在天主臺前。加增神力。保護救危。

臨終禱文

啟天主矜憐我等。

應基利斯督矜憐我等。

啟基利斯督俯聽我等。

應基利斯督垂允我等。

啟聖瑪利亞。

諸聖天神。

聖亞伯爾。

聖人聖女諸品者。

聖亞巴郎。

聖若翰保弟斯大。

聖教諸古聖祖聖先知者。

應為彼祈求。

啟聖伯多祿。

聖保祿。

聖安德肋。

聖若望。

諸聖宗徒諸聖史者。

主之諸聖徒者。

諸聖嬰孩者。

聖斯德望。

聖老楞佐。

諸聖致命者。

聖西爾物斯德肋。

聖額我畧。

應爲彼祈求。

啟 聖奧斯定。

諸聖司教諸聖精修者。

聖本篤。

聖方濟各。

諸聖會修諸聖獨修者。

聖女瑪利亞瑪達肋納。

諸聖童女諸聖節婦者。

天主諸聖人諸聖女者。

啟 吾主垂憐。

吾主垂憐。

於主義怒。

於凶惡死。

應 為彼祈求。

應 主赦彼罪。

主救彼者。

啟於地獄永苦。

應主救彼者。

於諸凶惡。

於邪魔誘害。

為主聖誕。

為主十字聖架及主苦難。

為主死且葬。

為主聖榮之復活。

為主靈奇之升天。

為聖神降臨之聖寵。

於審判日。

啟我等罪人。

應祈主俯聽我等。

以宥彼者。

祈主俯聽我等。

啟天主矜憐我等。

應基利斯督矜憐我等。

天主矜憐我等。

信者靈魂。出離此世。因生爾者。全能天主罷德肋。及受苦救爾者。天主聖子耶穌基利斯督。及降臨寵爾者。天主斯彼利多三名者。因天神諸品之名。因聖教古聖祖。及聖先知之名。因聖宗徒及聖史之名。因諸聖致命。及聖精修之名。因諸聖會修。及諸聖獨修者之名。因諸聖童女。及諸聖人聖女之名。今日賴主仁慈。直升天堂。息止安所。爲我等主。基利斯督。亞孟。

至慈至仁天主。恃主無限仁慈。赦免痛悔者之罪。恕宥從前罪愆。伏乞天主。憐視爾僕某。俯

聽真切哀求之禱。望主盡赦平生之罪。至慈天主。爾僕向被三仇誘惑。求主惠賜滌潔。蒙在救贖內。憐之憫之。得赦罪之恩。爲我等主。基利斯督。亞孟。

親愛之人。今我以爾靈魂。託獻於全能者天主。獻爾於造物者天主。願爾靈魂。離肉軀後。幸遇諸品天神。諸宗徒副審者。來引爾。致命之勇士。來接爾。精修光明之旅。來伴爾。極樂聖童貞之羣。來迎爾。送爾於天堂。望耶穌慈顏。善視之。判爾永在侍衛中。免地獄幽苦。桎梏猛火之懼。善神保爾。勿魔惡鬼。服退驚怖。投奔地獄永夜中。天主聖威。散滅敵仇。使謀害爾者逃竄。而義德

聖人。歡慶於天主臺前。於是獄鬼羣衆。羞慚退
伏。向來羣從路祭弗爾惡黨。不敢阻滯爾升天
之路。伏望基利斯督。因其苦難救贖。置爾於天
堂。常生永福之所。亞孟。

吾主救爾僕靈魂。於地獄之險。刑罰之苦。及諸
災難。亞孟。

吾主救爾僕靈魂。如救厄諾厄利亞二古聖人。

亞孟。

吾主救爾僕靈魂。如救古聖諾厄於洪水。亞孟。

吾主救爾僕靈魂。如救古聖亞巴郎於惡黨之
手。亞孟。

吾主救爾僕靈魂。如救古聖若伯於諸逆害。

亞孟。

吾主救爾僕靈魂。如救依撒於祭臺。亞孟。

吾主救爾僕靈魂。如救祿德於鎖多瑪之刑罰

猛火。亞孟。

吾主救爾僕靈魂。如救古聖每瑟於惡王之權。

亞孟。

吾主救爾僕靈魂。如救大尼陀爾於獅口。亞孟。

吾主救爾僕靈魂。如救三聖童窰火燄中。及暴

王之怒。亞孟。

吾主救爾僕靈魂。如救聖女蘇撒納。於妄證之

辱。亞孟。

吾主救爾僕靈魂。如救古聖達味。於撒烏爾王

之恨。及阿利亞之劍。亞孟。

吾主救爾僕靈魂。如救聖伯多祿。聖保祿。於囚禁。及救童貞致命聖女德嘉辣。於三形之苦。

亞孟。

伏祈吾主。爲爾屢救諸聖患難。特望亦救此僕靈魂。得升天堂。明見聖容。享無窮福。亞孟。

吾主。今某靈魂。托獻於主。懇祈救世者。吾主耶穌。基利斯督仁慈。旣爲之降生。望息止於諸聖人之天堂。

吾主。恕其少齡無知之罪。因爾大仁慈。賜於榮福光明之所。開天門。賜納天國。天神慶賀。統領聖彌額爾。取其升天。諸品天神。引至榮美萬福。

之所。宗徒聖伯多祿接之。聖保祿扶之。聖史宗徒若望引之。爲其轉達。能解罪縛。諸宗徒者。爲彼祈求。諸聖人聖女。在世時。爲耶穌受諸苦難者。爲彼祈求。救脫其肉軀拘繫。升之天國。一切所求。望吾主耶穌恩許。其偕罷德肋。偕斯彼利多三多。乃生乃王世世。亞孟。

臨終感謝求助誦

吾主天主。聖父聖子聖神。三位一體。全能全知全善。無始無終者。天主。生我養我。賜我進教奉事真主。保存至今。種種洪恩。時感時謝。莫能名言。我茲病勢已極。死期在邇。追憶前愆。難以數計。我真認己至卑賤。至罪惡。捶胸愧恨。泣訴哀

鳴。依賴吾主耶穌。降生受苦受難。被釘十字架。
聖體聖血。救贖功勞。矜憐賜宥。一如右盜。恩賜
上升。嗚呼。我真信主。我切望主。我熱愛主。猶求
仁慈聖母瑪利亞。護守天神。本名聖人。并天朝
諸神諸聖。同爲轉祈。加我聖寵。益我神智。啟發
真全痛悔。專意向慕天主。世務不能亂我心。魔
術不許及我身。携我神魂。置之主前。俾辭暫生
於世上。而永生於天國。 亞孟。

病時誦

全能至仁至義者天主。造我人類。撫育保存。自
生至終。歷時不一。或少或老。俱有死亡。多緣病
傷。默存生命。我今抱此災恙。氣弱體痛。恍惚難

支。志迷心亂。煩悶異常。誠慮形病愈增。神病。悚懼恐惶。用敢向主泣禱。俯聽我求。病端由我自致。矜憫賜痊。病陋係主所加。求堅忍受。再懇聖母瑪利亞。護守天神。本名聖人。並天朝一切神聖。代爲轉祈。俾時時思維。耶穌救贖萬民。備歷憂苦。我卽於極憂之中。自生吾樂。我卽於極苦之內。自獲吾安。倘蒙主仁慈恩愈。決定勉力後功。補贖前愆。全心全力。奉獻吾主。亞孟。

終後禱文

懇祈天上諸聖人濟佑。天上諸天神接導。收其靈魂。供獻於天主臺前。昔恩召爾領洗之基利斯督。收爾所獻。諸天神送爾於亞巴郎懷中。

收其靈魂。供獻於天主臺前。望主賜伊永安。而以永光照之。供獻於天主臺前。天主矜憐我等。基利斯督矜憐我等。天主矜憐我等。念天主經。灑聖水於屍首。

啟 望主賜伊永安。 應 而以永光照之。

啟 主於地獄門。 應 拯其靈魂。

啟 息止安所。 應 亞孟。

啟 主俯聽我禱。 應 我號聲上徹於主。

祝文

主。我等獻託爾僕婢 某 靈魂。雖死於世。望活於主。凡因世務污染諸罪。賴主至仁至慈拭潔之。為我等主。基利斯督。 亞孟。

入殮禮節

天上諸聖人濟佑。天上諸天神接導。收其靈魂。供獻於天主臺前。昔恩召爾領洗之基利斯督。收爾所獻。諸天神送爾於亞巴郎懷中。收其靈魂。供獻於天主臺前。

啟 望主賜伊永安。而以永光照之。

應 供獻伊於天主臺前。

啟 天主矜憐我等。

應 基利斯督矜憐我等。 天主矜憐我等。

念在天一。遍。如前灑聖水。

啟 望主賜伊永安。 應 而以永光照之。

啟 於地獄門。 應 拯其靈魂。

啟 息止安所。

應 亞孟。

啟 主俯聽我等。

應 我號聲上徹於主。

請衆同禱。主。我等獻託爾僕婢 某 靈魂。雖死

於世。望活於主。凡因世物污染諸罪。賴主至仁

至慈拭潔之。爲我等主。基利斯督。 亞孟。

啟 天主矜憐我等。

應 基利斯督矜憐我等。 天主矜憐我等。

念在天一遍。如前灑聖水。

啟 義德之人。永久無謬。 應 將不懼惡聲。

啟 認主讚主者靈魂。弗交於猛獸。

應 弗概忘無倚之魂。

啟 祈主免判此僕婢。

應 蓋凡舍生之衆。赴主臺前者。誰云無罪。

啟 望主拯其靈魂。應 於地獄門。

啟 息止安所。應 亞孟。

啟 主俯聽我禱。應 我號聲上徹於主。

請衆同禱。主於此囿囿世。召爾僕婢。某靈魂。

望主憐收於困厄之中。拯救之。息止安所。賜以

永光之福。其偕諸聖。及預錄者。於復活之榮。俾

得常生。亞孟。

起棺 念聖詠一句。衆和天上云云四句。惟初起領經。先念天上云云。並首聖詠。

天上諸聖人濟佑。天上諸天神接導。收其靈魂。供獻於天主臺前(詠)天主因大仁慈矜憐我(和)

天上諸聖人濟佑。天上諸天神接導。收其靈魂。供獻於天主臺前。(詠)又因爾哀憐甚衆。鎖我逆行。(和)天上諸聖人濟佑。天上諸天神接導。收其靈魂。供獻於天主臺前。(詠)再求多洗我於逆行。而潔清我罪逆。(和)天上諸聖人濟佑。天上諸天神接導。收其靈魂。供獻於天主臺前。(詠)自今認我罪逆。而我罪永爲我敵。(和)天上諸聖人濟佑。天上諸天神接導。收其靈魂。供獻於天主臺前。(詠)我得罪惟一主。主臺前顯形吾惡。將使主訓。羣稱有義。而判時無不服者。(和)天上諸聖人濟佑。天上諸天神接導。收其靈魂。供獻於天主臺前。(詠)蓋我自胎有罪。而我母連罪孕之。(和)天上

諸聖人濟佑。天上諸天神接導。收其靈魂。供獻於天主臺前(詠)且主素愛真實。曾以爾智德中。隱密之事。啟示我(和)天上諸聖人濟佑。天上諸天神接導。收其靈魂。供獻於天主臺前(詠)主將灑我。以伊溯波。而我自潔。將洗我而我自白。白於雪(和)天上諸聖人濟佑。天上諸天神接導。收其靈魂。供獻於天主臺前(詠)主將快我以所聞。而骸骨被屈。今舒踴躍(和)天上諸聖人濟佑。天上諸天神接導。收其靈魂。供獻於天主臺前(詠)懇主勿臨面。而正視我諸罪。祈銷我諸逆行(和)天上諸聖人濟佑。天上諸天神接導。收其靈魂。供獻於天主臺前(詠)天主重化我心潔清。而重

化誠直之神。於我五內(和)天上諸聖人濟佑。天
上諸天神接導。收其靈魂。供獻於天主臺前(詠)
弗加磨糞。而離爾顏。且弗奪爾聖神於我(和)天
上諸聖人濟佑。天上諸天神接導。收其靈魂。供
獻於天主臺前(詠)復祈還我救靈之樂。而以大
德鑒之(和)天上諸聖人濟佑。天上諸天神接導。
收其靈魂。供獻於天主臺前(詠)我以主之諸途。
並訓惡逆諸人。惡逆輩將復奉主(和)天上諸聖
人濟佑。天上諸天神接導。收其靈魂。供獻於天
主臺前(詠)天主我恩主。救我於血罪者。我舌躍
然。將揚主義(和)天上諸聖人濟佑。天上諸天神
接導。收其靈魂。供獻於天主臺前(詠)主啟我唇。

我口將頌主諸美(和)天上諸聖人濟佑。天上諸
天神接導。收其靈魂。供獻於天主臺前(詠)蓋主
若欲犧牲。我誠心已獻。而主並不悅全燔之祭。
(和)天上諸聖人濟佑。天上諸天神接導。收其靈
魂。供獻於天主臺前(詠)惟因心痛悔。卽祭主之
犧牲也。吾主不棄慘悔謙抑之心(和)天上諸聖
人濟佑。天上諸天神接導。收其靈魂。供獻於天
主臺前(詠)主惻然眷顧。加恩於西婉。使日路撒
冷城池並興(和)天上諸聖人濟佑。天上諸天神
接導。收其靈魂。供獻於天主臺前(詠)惟時主得
享義德之祭。與諸獻與全燔。惟時伊衆。將置主
臺上多犢(和)天上諸聖人濟佑。天上諸天神接

導。收其靈魂。供獻於天主臺前(詠)望主賜伊永安。及永光照之(和)天上諸聖人濟佑。天上諸天神接導。收其靈魂。供獻於天主臺前。

擡棺入墓安葬

諸天動搖。大地震盪。主救我於永死。彼日赫威嚴。吾主降臨審判。今予怔然顫慄。恐迫主怒。彼時諸天動搖。大地震盪。哀哉慘哉。降來火燬判世。望主賜伊永安。及永光照之。諸天動搖。大地震盪。主救我於永死。彼日赫威嚴。吾主降臨審判。天主矜憐我等。基利斯督矜憐我等。天主矜憐我等。念在天一遍。灑聖水。

啟 主拯其靈魂。

應 於地獄門。

啟 息止安所。

應 亞孟。

啟 主俯聽我禱。

應 我號聲上徹於主。

請衆同禱。懇主赦宥爾僕婢(某)靈魂。已死於世。

望活於主。凡因世物污染諸罪。賴主至仁至慈。

拭潔之。爲我等主。基利斯督。亞孟。

啟 其靈魂。並諸信者已去之靈魂。賴天主仁

慈。息止安所。亞孟。

爲已亡男女。或幼童安葬通用

請衆同禱。伏願吾主仁慈。俯聽吾禱。使去世之

(某)靈魂。置之永光永安之域。與諸聖爲侶。爲我

等主。基利斯督。亞孟。

週年或遊墳等事通用

請衆同禱。懇祈天主。將(某)靈魂。慨然釋其罪犯。賜以復活之榮。偕諸聖人。及預錄者。共樂常生。爲我等主。基利斯督。亞孟。

爲凡安息聖地祝文。

請衆同禱。天主。賴主仁慈。諸信者靈魂。安息凡在茲所。在他所。安息於基利斯督。亞孟。一切僕婢靈魂。恩賜諸罪之赦。諸罪已解。得享永樂。爲我等主。基利斯督。亞孟。

安葬。或到墓。追思已亡日。彌撒畢祝文

諸天動搖。大地震盪。主救我於永死。彼日赫威嚴。吾主降臨審判。今予怔然顫慄。恐迫

主怒。彼時諸天動搖。大地震盪。哀哉慘哉。降來火燬判世。望主賜伊永安。及永光照之。諸天動搖。大地震盪。主救我於永死。彼日赫赫威嚴。吾主降臨審判。天主矜憐我等。基利斯督矜憐我等。天主矜憐我等。

天主經一遍。灑聖水於墳墓。

啟 拯其靈魂。應於地獄門。啟息止安所。應 亞孟。請衆同禱。伏望造成救贖諸信者天主。免爾諸奴婢靈魂之罪。令其生平所願大救。以茲虔禱得之。爾與罷德肋。偕斯彼利多三多。永活永王之主。亞孟。

聖匱畧說

聖匱神功靈蹟。未可殫述。其所由來。出於羅馬
 教宗所頒。用蠟印聖像。致齋。蓋大禮祝聖。製為
 聖匱。凡奉教之人佩之。增福德。免患害。極當貴
 重。飾以金玉。韜以錦繡。服膺奉之。如天主賜我
 一文券然。貴在守誠精修。勿褻也。非若尋常藥
 物。可嘗試其功效者焉。效約有九。大小皆同。

消微罪。 制魘魅。 免雷雹。 靜風濤。 滅火災。
 保產難。 護仇害。 佑善功。 防暴死。

聖盜博羅削 共同聖詠。每年歲暮。或遇特別
奧吾斯定 慶日。感謝天主誦。

吾儕讚頌天主。認為真主。遍地皆欽崇無始
 之父。諸神諸天諸德。並上智者熾愛者天

神。不斷呼號曰。聖。聖。聖。聖。撒巴阿德天主。天地滿被巍顯之榮。宗徒之榮位。先知之羣衆。致命之軍旅。皆讚頌主。遍地聖教會認主。爲無疆威嚴之父。並聖子當欽崇且尊且惟一。並安慰之聖神。榮福之王基利斯督。爲聖父無始之子。爲救贖人類降童貞之胎。擊敗永死。爲諸信者啟天門。坐天主右。偕父同榮。我等信審判生死者。今懇扶佑諸僕。當時以寶血救贖者。使偕諸聖。享受榮福之報。望主拯救厥民。降福於厥嗣業。政治伊等。而簡擢於無窮世。每日吾儕當讚頌主。讚頌主名於無疆永世。懇賜

吾歷今日無罪。主矜憐我等。主矜憐我等。
 如吾所望。降仁慈於我等。我藉主永不負屈。
 頌謝吾主天主。永世可讚美光榮者。請
 衆同讚父子聖神。稱頌舉揚於無窮世。主
 於穩定天爲殊福。及當讚美及光榮。世世舉
 揚。吾靈讚美主。及無忘爾之苦難。主俯
 聽我禱。我號聲上徹於主。
 請衆同禱。天主爾之仁慈無限。諸美好之寶藏。
 我今感謝爾。爲此一年內所賞之諸恩。更求爾
 常垂眷顧。准我所求。勿捐棄我儕。使得將來之
 恩賞。
 天主因聖神之光照。訓誨信者之心。爲我等緣

聖神而得安慰。以恒安樂。
 天主。無人堅望爾而不蒙允准。凡我等祈禱。卽
 傾耳俯聽。今感謝爾。一年內所受之恩惠。更懇
 切求爾。救我等於諸仇諸害。爲爾子我等主。耶
 穌。基。利。斯。督。亞。孟。

聖路善工

朝拜念經默想之規

祭臺前。在祭臺前跪作聖號。

首唱者 耶耶穌基利斯多。我等欽崇爾讚美爾。
 叩拜念 耶耶穌基利斯多。我等欽崇爾讚美爾。
 衆 爾因此聖架。救贖普世。
 和

祝文 吾主耶穌。基利斯多。是真天主。亦真人。造世
救世贖世者。我到爾臺前。如久離本家之敗子。
又如失路無牧之羊。心中愧悔。莫可名言。今恃
爾之仁慈。悔恨一生罪過。不但因失天堂之福。
得地獄之刑。實因得罪爾無窮美善。可愛之大
父。造成救贖我之恩主。伏求因爾所受苦難。赦
我往罪。倚靠爾聖血功勞。我望真心定志。從今
以後。寧死再不敢犯罪。 亞孟。

默此 天主。我等在爾臺前。想爾爲人受難無限
之愛情。求爾將此神工。相合於爾無窮聖血功
勞。教化皇所准之赦。我都願得。一全赦。爲我靈

魂。其餘全赦。及不全赦。爲在煉獄中親友恩人。如爾之意。因此懇爾。爲爾之聖教廣揚。異端消滅。及凡教化皇所定者。

首唱者叩拜念。○天主爲爾所受之苦難。矜憐我等。○衆應亦然。從祭臺到第一座十字架。○走時。再念天主爲爾所受之苦難。矜憐我等。衆應亦然。後諸處倣此。

第一處 在第一座十字架前。跪下。首唱者叩拜念。

耶穌基利斯多。我等欽崇爾。讚美爾。衆應爾。因此聖架。救贖普世。首唱者念。使衆人聽心內默想。此第一處。發顯耶穌在比辣多衙門內。受鞭子茨冠。利害苦難之後。皮肉寒冷。血

脈流空。諸骨盡露。比辣多聽惡人言語。判斷耶穌該死。我的靈魂。你想一想。那時吾主耶穌。雖然受鞭子茨冠利害的苦。何等樣安心忍受。聽比辣多定該死之刑。這都爲聽天主罷德肋打發他救贖人的命令。你看這樣順命。痛悔你從前背主命之罪惡。對耶穌云。

祝文 我主。我之天主。爾爲救我。受無數凌辱苦難。及惡官之判斷。因爾寶死。救我永遠之死。

亞孟。

首唱者念。在天云云。衆應我等望爾云云。○首唱者念。亞物瑪利亞云云。衆應天主聖母瑪利亞云云。○首唱者念。天主罷德肋天主費畧云

云。衆應厥初如何。今茲云云。○首唱者念。凡諸信者靈魂云云。衆應亞孟。後諸處倣此。

第二處。在第二座十字架前。叩拜。念經如前。

此處發顯吾主耶穌。聽了比辣多審判該死。惡人強耶穌仍穿本衣服。使人認得。又拿一重大木十字架。令之肩荷。我的靈魂。你想一想。吾主耶穌肉身疼痛流血。無人憐惜。受惡人許多凌辱。把十字架放在身上。何等樣喜歡背負。走此苦路爲救你。你今跟隨耶穌向耶穌云。

祝我可愛救贖之主。雖爾之仇人。將十字架放爾身上。爾甘心爲贖我罪。總不推辭。我自今以後。何敢推辭爾所賞賜。爲聽爾命之十字架。求

爾壓伏我之偏情。爲能隨爾之意。補贖我罪。承行聖命。亞孟。念經如前

第三處。在第三座十字架前。叩拜。念經如前。

此處發顯吾主耶穌。背粗重十字架。肉身力盡筋疲。惡人脚踢手拉。故此跌倒在地。我的靈魂。你想一想。天神的主宰。天地的君王。跌倒在人脚下。雖被惡人踐踏。及諸凌辱。總不出一言。此乃教訓你。當如何忍受他人凌辱。及諸病苦無惱無怨。

祝文 我之天主我因爾之壓跌。認我罪狠大狠重。我今痛悔求爾。以後在患難時。賞我效法爾之忍耐良善。亞孟。念經如前

第四處。在第四座十字架前。叩拜。念經如前。

此處發顯。吾主耶穌。背十字架路上遇見聖母瑪利亞。我的靈魂。你想一想。吾主耶穌。見其母親。及聖母見可愛之子。彼此心中。如何疼痛。如何憂苦。及彼此心中。共相憐惜。聖母見可愛之子。卑踐凌辱。滿身流血。吾主耶穌。明認母親。心內悲傷。此時景況實在可憐。你今對聖母云。祝文 聖母瑪利亞。我之慈母。我是爾子耶穌受苦之緣由。本不該得爾之矜憐。但爾無窮仁慈。爲我求爾子耶穌。饒恕重罪。及在臨終時。遇見耶穌。領我至天堂永福之所。亞孟。念經如前。

第五處。在第五座十字架前。叩拜。念經如前。

此處發顯惡人。怕吾主耶穌傷重就死。不能到加爾瓦畧山受釘。僱一外方人名叫西滿。幫助背十字架。我的靈魂。你想想。耶穌如今對你說。西滿所背的十字架。我願你一生常背。蓋耶穌命你忍受他所賞與你的苦。爲補前罪。是即你的十字架也。如聖經上耶穌說。誰願跟隨我。該背自己的十字架。就是該忍受天主所賞的患難貧病。及各人本分當盡之勞苦。

祝文 天主耶穌。我從今以後。定要聽爾命。跟隨爾背十字架。忍受爾所賞之世苦。爲補贖我罪。及躲避永遠地獄之苦。 亞孟。念經如前。

第六處。 在第六座十字架前。叩拜。念經如前。

此處發顯。聖婦物落尼加。因耶穌臉上血汗唾
污。就分開惡黨。到耶穌跟前。用白帕擦其聖面。
聖容就印在帕上。我的靈魂。你想一想。此聖
婦的勇敢。雖惡黨衆多。不能阻他行此熱愛耶
穌之事。你定真實志向。憑他三仇。如何誘惑。當
勇敢隨德行的道路。爲報答耶穌。爲你受難的
恩典。祝文 吾主耶穌。因爾無窮愛情。受難
時留此印像。求爾從新印爾聖容於我心。永遠
不滅。效法此聖婦之勇敢。爲能隨爾。及去諸阻
我恭敬爾之事。 亞孟。 念經如前

第七處。 在第七座十字架前。叩拜。念經如前。

此處發顯吾主耶穌。出城時力乏。第二次跌倒。

聖傷重開。聖血重流。我的靈魂。你想一想。你的大父。跌在地下。受惡黨壓伏。衆人嗤笑。你把耶穌的謙遜。與你的驕傲。彼此比較。耶穌是天主。罷德肋的真子。今在衆人以下。卑賤至極。你原是士。犯罪更爲卑踐。反願在衆人以上。你今後悔謙卑。向吾主耶穌云。祝文 吾天主。我可愛之耶穌。爾爲消滅我之驕傲。跌倒在衆人足下。受無數輕慢凌辱。求爾賦我心中真謙之志向。不但爲補贖我罪。認己無能。並爲效法爾之心謙。能得靈魂平安。 亞孟。 念經如前

第八處。 在第八座十字架前。叩拜。念經如前。

此處發顯。許多婦女。跟隨吾主耶穌出城外。流

淚慟哭。耶穌回頭警醒乃說。你們不要哭我的苦難。當哭你們的罪惡。因此罪惡。實爲我受苦之緣由。我的靈魂你想想。耶穌狠大愛情。雖在將死之時。不斷教訓人。該如何傷痛流淚。以救靈魂。你效法當日那些婦女。聽耶穌的教訓。哭你沒良心。憐愛耶穌。及向他云。

祝文 吾天主。爾既訓我如何痛哭。爾賞我聖寵。一生不斷傷痛流淚。哭從前罪惡。實爲爾受苦之緣由。亞孟。念經如前

第九處。在第九座十字架前。叩拜。念經如前。

此處發顯。吾主耶穌。到加爾瓦畧山下。肉身力量甚乏。第三次跌倒。聖傷全裂。聖口震開。我

的靈魂。難道你見耶穌第三次跌倒。還不動心麼。如德亞國人。切願耶穌上山被釘。恐他死在半途。催他快走。你若常常犯罪。是學惡人的狠心。不斷難為耶穌。你今快快離開犯罪的機會。向耶穌云。

祝文 吾主耶穌。爾既為我跌倒。受狠大窘難。爾可憐我。赦我從前所犯之罪。賜我聖寵。再不敢難為爾。釘爾在十字架上。亞孟。念經如前。

第十處。 在第十座十字架前。叩拜。念經如前。

此處發顯吾主耶穌。到加爾瓦畧山上。惡人強剝去衣服。連皮肉都帶去。聖傷重開。聖血重流。惡黨又把酸醋苦膽強耶穌嚙。加增其苦。我

的靈魂。你想一想。吾主耶穌。爲潔淨之原。在衆人前。身無衣服。如何羞愧。既受重苦以後。又嗑酸苦的東西。如何受得。這些都爲救你。爲補贖你。喜穿華衣。喜食美味。諸快樂肉情之罪惡。你今定改毛病。向耶穌云。

祝文 吾主。吾天主。爾既受此凌辱。爲補我罪。求賜我聖寵。克治肉情。並躲避世上各樣虛假光榮。亞孟。

念經如前

第十一處。在第十一座十字架前。叩拜。念經如前。此處發顯惡黨。放吾主在十字架上。用三大鐵釘。穿透他的手足。我的靈魂。你想一想。你的救贖恩主。釘在十字架上。手足如何疼痛。又想

十字架苦刑。是如德亞國那時極兇極重之刑。罰。吾主耶穌本來無罪。受此苦難凌辱。爲消滅你肉身上私欲偏情的罪惡。你速定改諸罪。把你私欲偏情。釘在十字架上。向天主云。

祝文 全能天主罷德肋爾子耶穌。已爲我罪人釘死。求爾看其苦難。饒恕我往日之罪。及賞我勇敢。爲能壓服肉身之偏私。亞孟。念經如前。

第十二處。在第十二座十字架前。叩拜。念經如前。此處發顯吾主耶穌。聖身懸在十字架上。惡黨搖動。聖傷重開。聖血重流。豎立十字架在土中。兩旁又釘二盜。惡衆大聲譏笑咒罵。其時太陽失光。地動山開。石相觸碎。墳墓自闕。堂中帳幔。

從上而下分開。我的靈魂你想一想。其時加爾瓦畧山。是何景象。天地萬物真主。釘在十字架。上。諸無靈的物。認造成之主受難。顯其憂苦。但受難的緣故。非關萬物。實因你的罪惡。豈無靈之物。尙覺憂苦。你有靈的心。竟不動而流一滴淚。爲哭耶穌的苦難。及痛恨。致此苦難的緣由麼。當真心痛悔。向被釘耶穌云。祝文 吾主耶穌。吾之天主。我之兇惡罪過。即爾所受苦難之緣由。我今明認此大關係。真悔所犯罪惡。懇求因爾所流之聖血。洗我靈魂。赦我諸罪。我真心定志。永遠再不犯罪。 亞孟。 念經如前。

第十三處。 在第十三座十字架前。叩拜。念經如前。

此處發顯。耶穌死後。有人卸下聖屍。聖母接抱在懷中。我的靈魂。你想一想。聖母瑪利亞。見可愛之子已死。抱在懷中。如何痛苦。諸位聖女及聖若望宗徒。見恩主死後。淒涼。如何悲傷。你效法聖母。及諸聖的痛苦悲傷。哭耶穌的死。並虔心向聖母。及諸聖云。祝文 聖母吾慈母。我今斷絕從前釘耶穌之罪。爲減少爾之痛苦。定真志向。以後寧死再不得罪爾之聖子。諸位聖人聖女。俱爲我轉求吾主耶穌。赦我罪。加我神力。賜我永不復犯。 亞孟。 念經如前

第十四處。在第十四座十字架前。叩拜。念經如前。此處發顯聖母。同聖人聖女等。送耶穌埋葬墳

墓。蓋以石板。我的靈魂。你想一想。吾主耶穌。雖是真天主。亦是真人。故卑己身死後。埋葬墳墓。耶穌貧窮未有墳地。聖若瑟阿利瑪弟亞。哀矜以埋葬之處。聖母同聖人聖女等。送耶穌埋葬於新石墓。用大石掩墳。不見耶穌。如失了萬物。心中如何慘傷。如何憂悶回府。祝文 吾主耶穌。我罪埋爾於墓。故我恨之。並合聖母。及聖人等。同苦。同傷。同憂。我求吾主。永生永活於我心內。我求吾主憐我。而不許我復陷於惡。望主仁慈。使我穢心變爲淨心。亦如新鮮之墓。得常安領爾之聖體。更求將我私慾偏情。葬於爾墓之中。賜我成一新人。同爾復活。輕慢世幻。貴

重專務天上之事。亞孟。念經如前。後向祭臺跪。首唱者念 我等欽崇讚美救贖者天主。可愛的大父。天地萬物。俱爲我欽崇讚美之。因其受無窮苦難。捨己生命。爲救干犯他的人類。我等尋思。如是恩惠。當狠羞愧己之沒良心。真心悔恨前罪。向耶穌云。

天主耶穌。基利斯督。天地萬物大主。人類之救贖。我在爾臺前。認我之錯。告我之罪。及明知所有過惡。真該萬死。但我恩主。今倚靠爾爲我所受之苦難。所流之聖血。真切悔恨前罪。在天地萬物之前。立心定志。一生悔恨補贖。寧死再不敢犯。懇求看爾無窮救贖功勞。饒恕我。賞我聖

寵。以後隨爾。全守爾之命令。 亞孟。

念天主經。聖母經。聖三光榮頌。各五遍。
為敬耶穌五傷。再各一遍。為聖教廣揚。

仰惟吾主。降福我等。保護於諸凶惡。導引詣於
常生。凡諸信者。靈魂。賴天主仁慈。息止安所。
亞孟。

已完工夫

至仁至慈天主。懇念卒世童貞聖母瑪利亞。及
諸聖人聖女。祝禱勳勞。俯錄我等。僕隸微績。凡
我所為。或可取者。惟愍視之。其有惰行。惟寬恕
之。吾主天主。乃生乃王。世世。 亞孟。

永瞻禮表

此表專爲人領洗所取聖人之名。可記憶而感謝之。又奉爲主保者。亦可任意加功也。曰永者。依永年曆日一定之瞻禮。千百年永如是也。聖年分十二月。與聖年廣益十二編同。合五十二主日零一日。共三百六十五日。但太陽週年。歷三百六十五日。零二十四刻。故逢子辰申年。則聖年必在瑪弟亞瞻禮前閏一日。聖年之次序。以立耶穌聖名爲正月初一。及諸瞻禮之首。故先定此日。而他瞻禮之日。亦無不定也。比如自一千七百六十九年。至一千七百九十九年。如冬至在子正後。並辰正前。則立耶穌聖名。放在

冬至後第十日。如冬至在辰正後。並子正前。則立耶穌聖名。放在冬至後第十一日。再自一千八百年。至一千八百三十九年。如冬至在子正後。並丑正前。則立耶穌聖名。放在冬至後第九日。如冬至在丑正後。並子正前。則立耶穌聖名。放在冬至後第十日。再自一千八百四十年。至一千八百七十九年。如冬至在戌初後。並子正前。則立耶穌聖名。放在冬至後第十一日。如冬至在子正後。並戌初前。則立耶穌聖名。放在冬至後第十日矣。此外尚有活動之數瞻禮。須先看春分。算復活瞻禮。如望前春分。則在望後主日。若望後春分。則移於下月望後主日矣。復活

前四十六日。是瞻禮四。聖灰禮儀封齋。此日是
小齋。自此日起。至復活止。每瞻禮六日是大齋。
只有嚴齋內瞻禮四日。有小齋。封齋後第六瞻
禮六。是聖母七苦。第六主日是聖枝禮儀。此日
後瞻禮五。是建立聖體大禮。後一日。是耶穌受
難。後二日是望復活。三日是主日。耶穌復活。此
日開齋。後一二日俱是副瞻禮。復活後第二主
日。瞻禮四日是聖若瑟普聖教會主保。第四十
日。瞻禮五是耶穌升天。後十日是主日。聖神降
臨。後一二日。俱是副瞻禮。後主日是天主聖三。
後瞻禮五是耶穌聖體。其八日後瞻禮六是耶
穌聖心。若四季之小齋。春季在聖灰後七日。夏

季在降臨後。秋季在聖架之榮後。冬季在聖女路濟亞後。皆係瞻禮四六七日。活動瞻禮彼此相應之次序。永遠如是。故知其一。亦可推其餘矣。

正月共三十一日

初九	初七	初五	初二	初一	
儒理亞諾	路濟亞諾鐸德	德辣福祿教宗	熱諾物法	立耶穌聖名	付爾然爵
致命	致命	致命	童身	主教	主教
初十	初八	初六	初四	初二	
味肋爾莫	慮先	三王來朝	第多	瑪該祿	
致命	致命	致命	致命	院長	
十一					
依日諾教宗					
致命					
十二					
撒弟祿					
致命					

十三 未羅尼加

童貞 十四

奚辣畧 歐多利克

主教 顯修

十五 保祿獨修 山方濟各

貌祿隱修 鐸德致命

十六

摩洛哥國伯 辣德等五位

致命

十七 安當

院長 十八

伯多祿羅瑪座位 伯利斯加

致命

十九 加努德 瑪畧等

國王 二十 致命

法彼盎 巴相

教宗 致命

廿一 依搦斯

童貞致命 廿二

味曾德副祭 亞納斯大削

致命 致命

廿三 賴孟多

顯修 廿四

弟莫德阿

主教

廿五 保祿歸化

廿六

玻理加爾坡主教 致命

廿七 若望金口

主教 廿八

西利祿主教

聖師

廿九 方濟各撒肋爵

主教 三十

瑪而第納童貞

致命

卅一 伯多祿 顯修

二月共二十八日 (若遇子辰申年則二十九日)

初一 依納爵主教 致命 初二 聖母獻耶穌於主堂

初三 日本國廿六位 致命 初四 安德肋 主教

初五 亞加大童身 致命 初六 名羅德亞童身 致命

初七 羅母娃多 院長 初八 若望 院長

初九 亞坡羅尼亞 童身 初十 格辣斯加 童身

十一 聖母發顯露德 童身 十二 歐辣力 童身

十三 藍若望鐸德 致命 十四 瓦楞定鐸德 致命

十五 法斯定若未達 致命 十六 坡爾斐祿 致命

十七 方濟各克來 致命 十八 張大鵬若瑟等 致命

十九 阿施彼阿 主教 二十 撒多德主教 致命

廿一 塞位利諾主教 致命 廿二 伯多祿詣阿加座位

廿三 伯多祿 達米益 主教 聖師 廿三 若遇子辰申年該加此 日則算雙廿三日但望

日仍移在本瞻禮頭一日 廿四 瑪弟亞 宗徒

廿五 德賴削 主教 廿六 坡爾斐峇 主教

廿七 良德羅 主教 廿八 羅瑪諾 院長

三月共三十一日 聖若瑟月

初一 奧賓 主教 初二 若未諾 致命

初三 古尼恭德 國后 初四 加西彌祿 顯修 路基教宗 致命

初五 若辣西莫 隱修 初六 伯爾伯都亞等 致命 各肋達 童身

初七 多瑪斯顯修

聖師 初八 若望德德阿 院長

初九 方濟加

節婦 初十 西里榮等四十位 致命

十一 本篤

主教 十二 額我畧教宗 聖師

十三 羅德利谷

鐸德 十四 瑪帝而帝 國后

十五 隆仁

致命 十六 亞巴郎 獨修

十七 巴弟利爵

主教 十八 西利祿主教 聖師

十九 若瑟中國主保

二十 各弟利亞節婦 致命

廿一 本篤

院長 廿二 加大利納 童身

廿三 未爾多連

致命 廿四 加俾厄爾 天神

廿五 聖母領報

若此瞻禮遇復活前一主日
內則移復活後主日瞻禮二

廿六 蒙當

鐸德 廿七 若汗達 聖師
瑪塞諾 顯修

廿八 若望

隱修 廿九 西利諾

致命

三十 禮爾

主教 卅一 巴洛彼納

童身

四月共三十日

初一 投多辣童身

致命 初二 方濟各保辣

院長

初二 亞加必

童身 初四 依西多羅主教

聖師

初五 味增爵

鐸德 初六 試斯多教宗

致命

初七 厄彼法訥

主教 初八 瑪加利亞節婦

致命

初九 窩德祿亞

節婦 初十 瑪加畧

主教

十一 良教宗

聖師 十二 撒巴

致命

十三 黑默搦日國王

致命 十四 儒斯定

致命

十五 亞納達西亞

致命 十六 多理表主教

致命

十七 亞尼撒德

致命 十八 厄留德畧主教

致命

十九 弟蒙

副祭 二十 瑪拆立諾

主教

廿一 安瑟而莫

主教 廿二

銷德爾 加約 教宗

致命

廿三 若而日

致命 廿四

斐臺利斯

致命

廿五 瑪爾谷 此日大祈禱

聖史 廿六

格肋多 教宗 瑪則祿 教宗

致命

廿七 伯多祿 聖師 加尼西

顯修 廿八

委大畧 保祿十字

致命

廿九 伯多祿

致命 三十

加大利納 瑟納

童身

五月共三十一日

聖母月

初一 斐理伯 雅各伯

宗徒 初二

亞大納削

主教

初三 尋獲十字聖架 亞立山 教宗

致命

初四 莫尼加

節婦

初五 俾約

教宗 初六

若望宗徒受苦

初七 達尼老主教

致命 初八

彌額爾天神發現
亞加特

致命

初九 額我略
納西央顯修

聖師 初十 安多尼諾

主教

十一 瑪默而多

主教 十二 聶婁 亞基婁

致命

十三 羅伯德主教

聖師 十四 坡尼法爵

致命

十五 若翰

顯修 十六 阿伯爾多

主教

十七 巴斯掛爾

顯修 十八 文南爵

致命

十九 伯多祿斯而定

教宗 二十 伯納弟諾

顯修

廿一 多納多

致命 廿二 儒里亞童身

致命

廿三 德西略

主教 廿四

多納先 昆仲
樂加先

致命

廿五 額我畧

教宗 廿六

斐理伯納理
阿留德畧

顯修
教宗

廿七 伯達鐸德

聖師 廿八

奧斯定

主教

廿九 瑪達肋納巴西

童身 三十

斐理斯教宗

致命

卅一

安日辣
伯多祿尼拉

童身

六月共三十日

耶穌聖心月(守三十三日)

初一 邦斐畧鐸德

致命 初二

瑪爾瑟里諾
伯祿

致命

初三 柏伯多祿主教等致命

初四 方濟各

院長

初五 伯尼法爵主教

致命 初六

諾伯爾多

主教

初七 羅伯德

苦修 初八

默達爾多
基達爾多 昆仲

主教

廿七	廿五	廿三	廿一	十九	十七	十五	十三	十一	初九
辣地斯老	偉列爾莫	阿都爾大國后	類思公撒格	熱爾瓦削等	瑪諾	味多 陸代斯多	安多尼	巴爾納伯	彼利穆 昆仲
國王	隱修	童身	顯修	童身	致命	致命	顯修	宗徒	致命
廿八	廿六	廿四	廿二	二十	十八	十六	十四	十二	初十
依肋諾主教	若望 昆仲	若翰保弟斯大誕日	保里諾	西爾畧	厄弗靈	方濟各來削	巴西畧主教	若望	瑪加利大
致命	致命		主教	教宗	聖師	顯修	聖師	顯修	國后

廿九 伯多祿 宗徒三十 保祿 宗徒

七月共三十一日

初一 耶穌寶血 初二 聖母往見依撒伯爾 致命

初三 亞敬多 致命 初四 弟阿德祿 主教

初五 安多尼鐸德 隱修 初六 奧爾伯多主教 顯修

初七 西理路 主教 初八 依撒伯爾 國后

初九 亞納多里亞 致命 初十 福禮濟大之七子 致命

十一 必約 教宗 十二 若望掛白爾 顯修

十三 亞納格勒多教宗 致命 十四 文都辣主教 致命

十五 恩理格 總王 十六 聖母聖衣 聖師

十七 亞肋叔 隱修 十八 加彌祿 院長

十九	味增爵	院長	二十	熱羅尼莫密良	院長
廿一	不辣舍打	童身	廿二	瑪達肋納	聖婦
廿三	亞坡利納主教	致命	廿四	基利斯弟納	童身
廿五	長雅各伯 基利多福	宗徒 致命	廿六	亞納	聖婦
廿七	龐大良	致命	廿八	納撒畧 瑟爾瑟	致命
廿九	瑪爾大	童身	三十	亞伯東 昆仲 生能	致命
卅一	依納爵	院長	八月共三十一日		
初一	伯多祿鐵鍊	初二	亞爾豐索	斯得望教宗	主教 致命
初三	尋得斯德望聖屍	初四	多明我		院長

初五 建聖母雪地殿

初六

耶穌顯聖容
試思多等

致命

初七

加日當
多納多

院長
致命

初八

西利亞歌
瑟瑪辣多等

致命

初九

若翰魏亞乃
羅瑪諾

鐸德
致命

初十

老楞佐

致命

十一

穌撒納

致命

十二

嘉辣

童身

十三 禧玻利多

致命

十四

歐瑟伯

鐸德

十五 聖母升天

十六

若亞敬聖母之父

十七

亞敬多

顯修

十八

亞加彼多

致命

十九

若望

顯修

二十

伯爾納多隱修

聖師

廿一 若亞納尙打爾

聖婦

廿二

弟莫德等

致命

廿三 斐理伯尼弟

顯修

廿四

巴爾多祿茂

宗徒

廿五	類思	國王	廿六	塞斐利諾	教宗	致命
廿七	若瑟格肋森爵	院長	廿八	奧斯定	主教	聖師
廿九	若翰保弟斯大撒俾納	致命	三十	羅撒斐理斯等	致命	童身
卅一	賴孟多	顯修				
九月共三十日						
初一	額日弟兄	顯修	初二	斯德望		國王
初三	瑟辣斐亞童身	致命	初四	羅撒利亞		童身
初五	老楞佐儒斯弟	主教	初六	哦俄西福樂		致命
初七	類納	致命	初八	聖母聖誕 亞弟央		致命
初九	高爾高尼	致命	初十	尼各老多郎定		顯修

十一

伯樂德
夏新多

致命

十二

聖母聖名
基修

顯修

十三

亞瑪多

苦修

十四

聖架光榮

十五

聖母七苦
尼各德莫

致命

十六

格而納畧教宗
歐弗彌亞童貞等

致命

十七

方濟各印五傷

十八

若瑟哥伯而定

顯修

十九

讓孛亞畧等五位致命

二十

歐大覺等

致命

廿一

瑪竇宗從

史聖

廿二

多瑪斯
貌利爵等

主教致命

廿三

理諾
德加辣童貞

教宗致命

廿四

聖母贖擄

廿五

斐而米諾主教

致命

廿六

西彼廉
如斯弟納

致命

廿七 葛斯默 昆仲 致命 廿八 文思老國王 致命

廿九 建彌陀爾天神殿 三十 熱羅尼莫顯修 聖師

十月共三十一日 (玫瑰聖月)

初一 勒彌 主教 初二 護守天神

初三 聖女小德肋撒 童身 初四 方濟各 院長

初五 罷辣齊多等 致命 初六 布路諾 院長

初七 聖母玫瑰 瑪爾谷 教宗 初八 彼里日大 聖婦

初九 弟陀尼削等 致命 初十 方濟各坡而日亞 精修

十一 若爾瑪諾主教 致命 十二 塞辣斐諾 苦修

十三 厄都亞 國王 十四 加利斯多 教宗 致命

十五 德肋撒 童身 十六 熱辣多 顯修

十七 瑪爾加利大 童身 十八 路加 聖史

十九 伯多祿亞而甘大顯修 二十 若望甘爵 鐸德

廿一 喜辣戀 隱修 廿二 瑪爾各主教 致命

吳蘇辣

致命

廿三 塞爾望德及 致命 廿四 天神辣法厄爾

熱爾瑪諾

廿五 基三多夫婦 致命 廿六 厄娃利斯多教宗 致命

達利亞

廿七 文生爵 致命 廿八 西滿 達陡 宗徒

撒俾納等

廿九 納爾基斯 主教 三十 瑪瑟祿 致命

卅一 剛定 致命

十一月共三十日 煉靈聖月

初一 諸聖瞻禮

初二 追思已亡(遇主日移後一日)

初三	瑪拉基亞	主教	初四	加祿	主教
初五	加拉西榮 厄彼德瑪 夫婦	致命	初六	留納多	苦修
初七	若翰加俾厄爾	致命	初八	格樂德等五位	致命
初九	建救世者之大殿 特阿多羅	致命	初十	安德肋 德理豐等	顯修 致命
十一	瑪爾定 默納	主教 致命	十二	瑪爾定教宗	致命
十三	弟大各 達尼老各斯加	顯修	十四	若撒法主教	致命
十五	日而都德	童身	十六	愛德蒙	主教
十七	額我畧道瑪都	主教	十八	建伯多祿 保祿	大殿
十九	依撒伯爾 邦西亞諾教宗	國后 致命	二十	斐理斯	顯修

廿一 獻聖母於主堂

廿二 則濟利亞童身 致命

廿三 格肋孟多教宗

致命 廿四 加俾厄爾主教等 致命

福禮濟大

致命 十字若望 苦修

廿五 加大利納童身

致命 廿六 西爾物斯得肋 院長

廿七 聖母顯跡聖牌

廿八 路福 致命

廿九 撒多寧

致命 三十 安德肋 宗徒

十二月共三十一日

初一 額里日約

主教 初二 彼彼亞納童身 致命

初三 方濟各沙勿

初四 伯多祿磕利索 主教

初五 撒巴

隱修 初六 巴爾拔辣童身 致命

初七 盎博羅削主教

聖師 初八 尼各老 主教

聖母始孕母胎

初九	留加弟亞童身	致命	初十	莫而基亞德	教宗	致命
十一	達瑪瑣	教宗	十二	西安西烏		致命
十三	路濟亞童身	致命	十四	斯彼利弟約	主教	致命
十五	基利斯弟亞納	虜婢	十六	厄塞俾阿	主教	致命
十七	辣匝祿	主教	十八	祿福	則西莫	致命
十九	諾默瑟	致命	二十	多明我		隱修
廿一	多默	宗徒	廿二	弗辣戀		致命
廿三	未多利亞童身	致命	廿四	大西辣		童身
廿五	耶穌聖誕		廿六	斯德望	首先致命	
廿七	若望宗徒	聖史	廿八	諸聖嬰孩		致命
廿九	多瑪斯主教	致命	三十	撒彼諾	主教等	致命
卅一	西爾物斯德肋	教宗		日課		終

24

161046

(2)